

Jesucristo beserirare ESPÍRITU SANTO TIIÁPURIGUE

Espíritu Santo atiadarere Jesús wedesuguerigue

¹ Teófilo, m̄urē sicapũ too suguerop̄are jóaw̄. Tiip̄ure niipetire Jesús basocáre buerucuriguere, c̄ũ tiirucúriguere wedew̄. Sicato c̄ũ buen̄c̄ariguere, ² téé c̄ũ bueyapac̄tiriguere wedew̄. Teero biiri c̄ũ ãm̄ãsep̄ m̄ãwariguere wedew̄. Jesús ãm̄ãsep̄ m̄ãwaadari sugueró, c̄ũ buerá c̄ũ beserirare dutiré c̄ũyiḡ c̄ũ tiiádarere. Espíritu Santo mas̄iré ticorém̄ena teeré dutiyiḡ. ³ C̄ũ dia mas̄ari siro, Jesús bauáyiḡ. Cuarenta b̄recorire pee bauáyiḡ c̄ũãrē. Teero tiirá, c̄ũrē ãnarã, “marĩ ‘diajõããwĩ’ j̄ãrigura catii” j̄yira. Cõãmac̄ dutiré basocá̄p̄are niãdare jeariguere wedenemoyiḡ sũcã.

⁴ Jesús c̄ũãmena niiḡ, c̄ũãrē Jerusalén̄p̄ niidutiiḡ ména. C̄ũãrē j̄yiḡ:

—Ȳ Pac̄ máãrē too suguerop̄ j̄rirobirora Espíritu Santore ticodiocoḡd̄are yueya. Teeré wedetoaw̄. ⁵ Juan máãrē ocoména wãmeõtiwi. Ȳ Pac̄peja nemorõ ãñurõ tiiḡdaqui máãrē: Péerogã siro Espíritu Santore ticodiocoḡdaqui, j̄yiḡ Jesús.

Jesuré Cõãmac̄ ãm̄ãsep̄ néem̄ariḡue

⁶ C̄ũãmena neããrira c̄ũrē sãñáyira:

—Ɔsã Ɔpũ, ¿mũu mecũtígãrẽ romanuãrẽ cõãjãgũdari? Teero biiri ¿ãpẽrã marĩya wederare diamacũrã marĩrẽ dutirá sããrĩ tiigũdari? jĩmiyira.

⁷ Cũũ yũuyigu:

—Marĩ Pacu sĩcũrã masĩqui. Cũũ “teerora wáaaro” jĩrĩ, teerora wáaadacu. Ate masĩré múaye maquẽ niiria. ⁸ Teero niipacari, marĩ Pacu cũũ tutuarere múãrẽ ticogũdaqui, Espiritu Santo múãpũre atiri. Múã cuiro manirõ, wãcũtutuaremena yé quetire basocãre wedera wáaadacu. Jerusalén macãrãrẽ, Judea dita macãrãrẽ, Samaria dita macãrãrẽ, niipetiro atibãrecopũ niirãrẽ wedera wáaadacu, jĩiyigu.

⁹ Teero jĩ wedetoaari siro, cũũrẽ cũũ Pacu néemuãwayigu ãmũãsepũ. Cũũ muãwari, cũũ buerã ãnanũuseyira. Cũũrẽ õmebũrũá tuubiãcojãyiro. Teero tiirã, cũũrẽ ãnanemoriyira sãa. ¹⁰ Cũã Jesús muãwari ãnanucũrĩ, cũã decopũ ãmũã pũarã suti butirẽ sãñarira bauãnũcãjeayira. ¹¹ Cũãrẽ jĩiyira:

—Múã Galilea macãrã, ¿deero tiirã ãmũãsepũ ãnanũõconucũĩ? ãni Jesús múãmena niĩãrigũ mecũtígã ãmũãsepũ muãwariigũra atibãrecopũre atigũdaqui sũcã. Múã cũũrẽ muãwari ãnããrirobirora atigũdaqui, jĩiyira.

Judare wasogũdũre beserigũ

¹² Teero tiĩari siro, Jesús beserira Ɔtãgũ Olivopũ niĩãrira diiwã, Jerusalénpũ coepũtũawayira. Tiĩmacã pũtogã niĩã tiigũ sica kilómetro wáaro. ¹³ Jerusalénpũ pũtuajeara, cũã cãnirĩ wiipũ wáayira. Tiĩwiĩ casacũtiri wiĩ niiyiro. Sicatatia ãmũãrõ

macã tatiapɯ sããwayira. Cúã niyira: Pedro, Santiago, Juan, Andrés, Felipe, Tomás, Bartolomé, Mateo, Santiago (Alfeo macũ), Simón (romanuã dutirãre cõãdɯgara menamacũ niimirigɯ), Judas (Santiago macũ) niyira. ¹⁴ Cúã sãcãrõmena neã, Cõãmacũrẽ sãĩrucúyira. Jesús baira, cũũ paco María, ãpẽrã numiãcã cúãmena neãyira.

¹⁵ Teebɯrecorire Jesuré padeorã neãyira sũcã. Ciento veinte watoa niyira. Pedro wãmɯnɯcã, cúãrẽ wedeyigɯ.

¹⁶ —Yáa wedera, too sɯgɯeropɯ marĩ ñecũ David Espiritu Santo masĩré ticorëmena Judare wáaadarere jóasɯguerigɯ niiwĩ. Cõãmacũye queti jóaripũ maquẽ diamacũrã wáaadare niirõ tiiwá. Teero tiigú, ãpẽrãrẽ Judas néewa, cúãrẽ Jesuré ãnowĩ. Cúãpe Jesuré ñee, néewawa. ¹⁷ Judas ãsã menamacũrã niimiwĩ. Jesús cũũcãrẽ basocãre buerere cũũmiwĩ. ¹⁸ Cũũ ñãñarõ tii wapatáriguemena sicadita sãĩnóyiro. Too síro dupupe ñaacũmu, cũũ páaga podo, cutamisĩ witibatejõãyigɯ. ¹⁹ Niipetira Jerusalén macãrã teeré tɯoyíra. Cúã tiiditare Acéldama jĩyira. Acéldama “Díi Dita” jĩrõ tiicú cúãyemena.

²⁰ Tíatopɯ Salmopũpũre jóagu teeré biiro jóarigu niiwĩ:

Cũũye niimirigue cõãjãnoãrõ.*

Cũũ jóarigu niiwĩ sũcã:

Ãpĩ cũũ pademiriguere wasoáro,†
jĩ jóarigu niiwĩ.

* **1:20** Salmo 69.25. † **1:20** Salmo 109.8.

21-22 'Marĩmena sĩquẽrã niipetiroꝑu wáanetõrira niĩya, marĩ Õpũ Jesús marĩmena niirĩ. Juan Jesuré wãmeõtiri, tée Cõãmacũ cũũrẽ ùmuãseꝑu néemuãrĩ, ñnarira niĩya. Ñniãꝑure sĩcũ besero booa ùsã oncemena niigũdũre. Cũũ ùsã tiiróbiro Jesús diarigũꝑu masãrigue quetire wedegú wáagũdaqui, jĩ wedeyigũ Pedro.

23 Tiitatiapũ niirã ꝑuarãrẽ beseyira. Sĩcũ José Barsabáre beseyira. Cũũ wãmesotoapeore griegoayemena Justo niiyiro. Æpĩ Matíare beseyira. 24-25 Too síro marĩ Õꝑũrẽ sãĩrã, biiro jĩyira:

—Ësã Õꝑũ, mũũ niipetira basocá wãcũrere masĩã. Judas wasogũdũre besetoajĩyu. Ësãrẽ ãñoñá. ¿Nii niigari? Judas mũũ dutiré cũũriguere duujãwĩ, ññarã cúã ññarõ netõrõꝑu wáagu, catigu cũũ ãñurõ tiirírigue wapa, jĩ sãiyira.

26 Too síro ꝑuaré ùtãꝑeꝑu Matías, Barsabás wãmerẽ jóayira. ¿Nii marĩ Õꝑũ beserigu niĩ? jĩrã, piipũ sãã, sicape née, ññayira. Matías wãme jóaturipe niiyiro.

—Jãã, ãni Matías Judas wasogú niĩ, jĩyira.

Cũũ ãꝑẽrã oncemena Jesucristoye quetire wedegú wáayigũ.

2

Espíritu Santo diijeárigue

1 Cincuenta bũrecori Pascua netõrĩ siro, Pentecostés wãmecutiri bosebũreco wáayiro. Tii bosebũreco niirĩ, niipetira Jesuré padeorá sĩcãrõména neãyira. 2 Tiiwiipú cúã duiiri, wãcũña

manirõ wĩno bayiró atiro tiiróbiro ãmuãsepũ busudiatiyiro. Tiiwíi bususesajõãyiro. ³ Teero wáari, pecame jũürípõnabiro bauré cúãcõrõrẽ pesayucoyiro. ⁴ Niipetiramena Espíritu Santo niinucãgũ jeayigu. Cũũ dutirémēna ãpẽrã basocáye wedeserere masĩripacara, wedesenucãyira.

⁵ Teeburecorire Jerusalénpure paũ judíoa apeyé dita macãrãpũ niiyira. Cúã Cõãmacũrẽ quioníremena padeorá niiyira. ⁶ Cúã tee busũri tũorá, toopú neãwayira. Deero jĩĩmasĩriyira, cúã pũtopũ jeara. Cúã basocácõrõ cúãye wedeseremena Jesús bueráre wedeseri tũoyíra. ⁷ Tũomaníjõãrã, cãmerĩ jĩiyira:

—Niipetira ãniã wedesera ¿Galilea macãrã mee niimĩi? ⁸ ¿Deero tiirá marĩyere ãñurõ wedeseri tũoi? ⁹ Marĩ aperó macãrã niĩã. Partia macãrã, Media macãrã, Elam macãrã, Mesopotamia macãrã, Judea macãrã, Capadocia macãrã, Ponto macãrã, Asia macãrã niĩã marĩ. ¹⁰ Frigia macãrã, Panfilia macãrã, Egipto macãrã, Cirene pũto macãrã niĩã marĩ. Cirene Libia ditapũ niĩã. Sĩquẽrã Roma atirá niĩya. ¹¹ Cúã sĩquẽrã judíoa niĩya. ãpẽrã judíoa niĩhẽrã Cõãmacũrẽ padeoóya. ãpẽrã Creta macãrã, Arabia macãrã niĩya. Marĩ niipetira marĩye wedeseremena tũorá tiia Cõãmacũ ãñurẽ tiirére, jĩiyira.

¹² Niipetira tũomaníjõãyira.

—¿Ate deero jĩĩdũgaro tiii? jĩĩ cãmerĩ sãĩñáyira.

¹³ Sĩquẽrã cúãrẽ buijãyira.

—Ñniã cũmurã tiiíya, jĩiyira.

Pedro basocáre wederigue

14 Cúã teero jĩĩrĩ tʰogú, Pedro ãpěřã once Jesús beseriramina w̃m̃ñncã, bayiró b̃s̃nr̃ómena wedeyig̃u:

—Yáa wedera, niipetira Jerusalén niirã, ỹu jĩĩrére ãñurõ tʰoyá. 15 “Ñiã cūmurã tiiíya” jĩĩ wãcūmiã múã. Cūmurã mee tiiíya. Mecãtigã ñamisãñurõgã nueve niĩã. 16 Múã mecãtigã tʰorere too suguerop̃u profeta Joel jóarig̃u niĩwĩ:

17 Atibúreco petiádari suguero, Espíritu Santore niipetirare ticodiocog̃uda, jĩĩrig̃u niĩwĩ Cõãmac̃u.

Espíritu Santore ticodiocori, múã p̃na ãm̃ã, numiã ỹu wededutirere wedeadacua.

Butoáre, mamarãrẽ cúã quẽẽrõp̃u ãñog̃údacu too sírop̃u wáaadare.

18 Ỹure padecoterare Espíritu Santore ticodiocog̃u.

Cúãcã ỹu wededutirere wedeadacua.

19 Ɔm̃ãsep̃ure merẽã bauré tiig̃údacu.

Atiditarére dí, pecame, õme ỹu tiiẽñore niĩãdacu.

20 Muĩpũ búreco mac̃u naĩtĩãjõãg̃údaqui.

Muĩpũ ñami mac̃u dí tiiróbiro sõãg̃ú wáag̃údaqui.

Marĩ Ɔpũ jeadari búreco suguero teero wáaadacu.

Quioníri búreco niĩãdacu. Búri niirí búreco mee niĩãdacu.

21 Sícũ: “Ỹu Ɔpũ, ỹure netõnéña” jĩĩ sãĩg̃ano netõnénog̃údaqui,*

jĩĩ jóarig̃u niĩwĩ Joel, jĩĩ wedeyig̃u Pedro—.

22 Yáa wedera, ỹu jĩĩrére ãñurõ tʰoyá, jĩĩyig̃u sũcã —. Jesús Nazaret macã mac̃urẽ múã ñãjĩyu. Cõãmac̃u cũñmena pee ãñuré tiirig̃u

* 2:21 Joel 2.28-32.

niiwĩ. Bayiró tutuaremena tiiẽñore tiirigu niiwĩ cũũmena. Teeré mũa ãñurõ masĩa. ²³ Mũa cũũrẽna curusapu sĩadutira, ñañarãpure ticowu. Cõãmacũ tíatoru “teero wáaadacu” jĩrirobirora wáawu. ²⁴ Cõãmacũ Jesuré diarigupure masõrigu niiwĩ. Cũũ diadoaririgu niiwĩ. Masãgũdu niigũ tiiyigu. ²⁵ Tíatoru David jóasuguerigu niiwĩ Cristo Cõãmacũmena wedeseadarere:

Yuu yuu Òpũrẽ yuu díamacũpu ññarucujãwũ.

Cũũ yuu diamacũpe niirĩ, cuiria.

²⁶⁻²⁷ Teero tiigú, yuu bayiró usenigũ wedesea. Yáa useromena bayiró usenigũ basaa.

Yáa yeeripũnarẽ diarira ññanorõpu mũũ cũũdoaricu.

Yũure “bóarijããrõ” jĩgũdacu mũũ, yũure maĩgũ.

Teero tiigú, yuu ãñurõ cuire manirõ niijãgũdacu, mũũrẽ yuegu.

²⁸ Yũure catiré petihére buanucãrĩ tiiwá.

Mũũrẽ ññagũ, useniremena niigũdacu, †
jĩ jóarigu niiwĩ David.

²⁹ Yáa wedera, ãñurõ tũojĩña ména marĩ ñecũ Daviyé maquẽrẽ. Cũũ diajõãyigu. Cũũ diari, cũũrẽ yaarira niiwã. Cũũ diari yaarĩ cope masãcope marĩ putopura niiã ména. ³⁰ David catigu, profeta niirigu niiwĩ. Cõãmacũ too síropu tiiádarere masĩjĩgũ, wederigu niiwĩ: “Mũũ pãrãmi niinũusegupu mũũ dutirobirora atiditaré Òpũ niigũdaqui”, ‡ jĩrigu niiwĩ Cõãmacũ quioníremena.

³¹ Teero tiigú, David Cõãmacũ beserigu diarigupure masõriguere ññagũ tiiróbiro jóarigu niiwĩ: “Mũũ yũure diarira ññanorõpu cõãdoaricu. Yáa õpũũ

† 2:28 Salmo 16.8-11. ‡ 2:30 Salmo 132.11-12.

bóaricu”. ³² Jesuré wáaadarere jóarigu niwĩ. Cõãmacũ cũũrēna masõrigu niwĩ. Teeré ũsã niipetira ññawũ. ³³ Cõãmacũ cũũrē ũmuãsepu néemuãrigu niwĩ, cũũ diamacápe duiaro jĩĩgũ. Cũũ Pacu tíatoru jĩĩrirobirora cũũrē Espiritu Santore ticoyigu. Cũũpe ũsãrē ticonetõnecoarigu niwĩ. Teerá niĩá múã ññaãrigue, múã tuoárigue. ³⁴ Davipé cũũya õpũũmena ũmuãsepure muãwaririgu niwĩ. Muãwaripacu, ateré jóarigu niwĩ:

Cõãmacũ jĩĩwĩ yuu Õpũrē:

“Yáa wãmo diamacũniñape duiya,

³⁵ tée muũrē ññatutirare muũ dutiriguere yuu aññurõ yuuri tiirípu”, §

jĩĩ jóarigu niwĩ.

³⁶ Teero tiirá, judíoa niipetira tuomasĩãrõ. Múã Jesuré curusaru páabiatu sããdutípacari, Cõãmacũ cũũrēna marĩ Õpũ wáari tiirígu niwĩ. Cõãmacũ cũũrē ticodiocorigu niwĩ, marĩrē netõnéãrõ jĩĩgũ, jĩĩ wedeyigu Pedro.

³⁷ Cũũ teero jĩĩrĩ tuorá, bayiró wãcũpati, sãññáyira: —Ûsãya wedera, ¿ũsã deero tiiádari? jĩĩyira Pedrore, ãpẽã Jesús beserirare.

³⁸ Pedro cúãrē yuuyigu:

—Wãcũpati, wasoyá múã ññaaré tiirére. Jesu-cristore padeó, wãmeõtidutiya. Múã teero tiirí, múã ññaaré tiirére Cõãmacũ acabógudaqui. Espiritu Santo múãpũre niigũ jeari tiigúdaqui. ³⁹ Cõãmacũ marĩ Õpũ tíatoru jĩĩrirobirora múãrē, múã põna niinũuserare, yoaro macãrãcãrē, niipetira cũũ beseráre Espiritu Santore ticogudaqui, jĩiyigu Pedro.

§ 2:35 Salmo 110.1.

40 Cũ tee dícu wederiyigu. Cũãrẽ wãcũtutuare tico, ãñurõ quioníremena wedenemoyigu:

—Atibáreco macãrã ñañaré tiirere dutijõãña. Cõãmacũ netõnérepere ñeeña, jĩiyigu.

41 Pedro wedeariguere padeorá wãmeõtinoyira. Tiiburecora Jesuré padeorámena tres mil watoa basocá niinemoyira.

42 Cũã Jesús beserira buerere tuorucúyira. Niipe-tira Jesuré padeorá cãmerĩ wéepeo niijãyira. Swoyá, Cõãmacũrẽ sãĩ tiirucúyira.

Jesuré padeorá sicato tiinucãrigue

43 Jesús beserira diarecutirare netõné, apeyé pee Cõãmacũ sícũrã tiimasĩrere tiiẽñoyira. Cũã tiirere iñarã, basocá niipetira cuirucuyira.

44 Jesuré padeorá sicapõna macãrã tiiróbiro niiyira. Cũã cuorere cãmerĩ batorucuyira.

45 Peedita cuorá, apeyenó pee cuorá teeré dúayira. Cũã dúa wapatáriguere apeyenó cuohérare batoyira.

46 Búrecoricõrõ niipetira súubusera neãyira Cõãmacũwiipu. Cũãye wiseripu useniremena cãmerĩ swoyárucuyira. 47 Cõãmacũrẽ usenire ticorucujãyira. ãpêrãcã cũãrẽ ãñurõ iña padeoyira. Búrecoricõrõ Cõãmacũ padeorí tiiyigu cũũrẽ padeohérare. Jõõpemena Jesuré pau padeomãñucãyira.

3

Pedro, Juan wáamasĩhẽgũrẽ wáari tiirigue

1 Sicabureco coeritó siro tres niirĩ, Pedro, Juan Cõãmacũwiipu wáara tiiyira. Tiwiipuré búrecoricõrõ tii horare Cõãmacũrẽ basocá

súubuseyira. ² Тоорú sícū basocú wáamasĩhēgũ duiyigu. Sicato bauágurura posarigu niyigu. Búrecoricōrō Cōāmacūwii sope sãāwaro cūūrē néewa dūpoyira. Tiisope wāmecutia Āñurí Sope. Too sãāwarare niyeru sãĩduiyigu. ³ Pedro, Juan sãāwaadara tiirí ĩñagũ, cūārē niyeru sãiyigu. ⁴ Puarãpura cūūrē ĩñayira. Pedrope: —Īsārē ĩñaña, jĩiyigu.

⁵ Cūū cūārē bayiró ĩñayigu. “Yūre niyeru, apeyenó ticoadara tiicúa”, jĩ wācūmiyigu. ⁶ Pedro cūūrē jĩiyigu:

—Niyeru cūoríа уuu. Teeré cūorípacu, mūūrē tiíapuguda. Jesucristo Nazaret macã macū tutu-aremena mūūrē jĩĩ: Wūmūncā, wáaya.

⁷ Tee jĩgũrã, cūū duigũre diamacú macã wāmorē ñee, wéemūōcoyigu. Cūū wéemūōcorira, máata cūūye dūpori, cūū ãñayepa tutuajōãyiro. ⁸ Bupucutúa, wūmūncā, wáanucāyigu. Wáagura, bupuwá, Cōāmacūwiipū cūāmena sãāwayigu. Ūsenire ticoyigu Cōāmacūrē. ⁹⁻¹⁰ Niipetira Cōāmacūwiipū niirã cūūrē ĩñamasĩyira.

—Īni jōō bupuwágu, Cōāmacūrē ūsenire ticogú Āñurí Soperu niyeru sãĩduiarigura niirã, jĩyira.

Cūūrē wáarere ĩñamanijōãyira.

Pórtico de Salomónpu Pedro basocáre wederigüe

¹¹ Wáamasĩhēgũ niĩarigu cūārē duuríyigu. Basocá cūūrē ĩñamanijōã, Pedro, Juan pūtopū cutusãjeayira. Too cūā neārō biayá manirí tatia niĩ. Tiitatia wāmecutia Pórtico de Salomón.

¹² Cūā cutusãjeari ĩñagũ, Pedro cūārē jĩiyigu:

—Yáa wedera, ¿deero tiirá múã nocõrõca ñnamanijõãĩ? ¿Deero tiirá múã ùsãrẽ bayiró ññai? Múã ùsãrẽ “Ñniã basocá añurã niijĩrã, cúã tutuaremena wáari tiiíya” jĩ wãcũã. ¹³ Marĩ ñecũsũmũã Abraham, Isaac, Jacob, ãpẽrã marĩ ñecũsũmũã Õpũ niirigu niĩ Cõãmacũ. Cũũrã “Jesús uputí macũ niĩ; añuniĩ” jĩ, ãñorigũ niiwĩ. Jesuré múãrẽ dutirápure ticowũ. Pilato ññacoro múã cũũrẽ booríwũ. Cũũ “Ñnirẽ wionécogũdu tiia” jĩpacari, múã “wionécorigãña” jĩwũ. ¹⁴ Jesús ñañaré manigũ, añuré tiigũre múã booríwũ. Basocá sãgũpere wionécodutiwũ Pilatore. ¹⁵ Jesús marĩrẽ catiré ticogũpere sãadutiwũ. Cõãmacũ cũũrẽ diarigupure masõrigũ niiwĩ. Ñsã teeré ññawũ. ¹⁶ Jesús cũũ tutuaremena ãni múã ññamasĩgũrẽ wáari tiiárigũ niĩwĩ. Jesús ùsã cũũrẽ padeorí ññagũ, múã ññacoro ãnirẽ añurõ netõnãarigu niĩwĩ.

¹⁷ Yáa wedera, múã “Cõãmacũ macũ niĩ” jĩ masĩrijĩrã, cũũrẽ sãadutiwũ. Marĩrẽ dutirácã teerora tiiwá. ¹⁸ Cõãmacũpe Cristo cũũ beserigu ñañarõ netõãdarere wedetoarigu niiwĩ. Niipetira profetas teeré jóarira niiwã. Múã cũũrẽ ñañarõ tiiríguemena teeré wáari tiirígu niiwĩ. ¹⁹ Múã ñañaré tiirére wãcũpati, wasoyá. Cõãmacũ booróbirora tiiyá. Teero tiirí, Cõãmacũ múã ñañaré tiirére acabó, añurõ niirecutiri tiigũdaqui. ²⁰ Jesucãrẽ ticodiocogũdaqui sũcã. Cũũ Cõãmacũ beserigu Cristo niĩ. ²¹ Mecãtígã cũũrẽ ãmuãsepu putuáro booa, té Cõãmacũ niipetirere wasorípu. Teeré Cõãmacũ cũũyara profetas añurãmena wedesuguerigu niiwĩ. ²² Moisés biiro jóarigu niiwĩ: “Too síropũ marĩ Õpũ Cõãmacũ profetare

ticocog_udaqui. Y_u tiiróbiro tiigúdaqui. Cũ maríya wedeg_u niigúdaqui. Niipetire cũ wederére t_uopetíjãña múã. ²³ ãpêrã cũ dutirére tiidugáherano judíoamena niinemorica; sãjãnoãdacua”,* jĩ jóarig_u niiwĩ Moisés.

²⁴ 'Samuel, ãpêrã profetas mecútigã wáarere jóasuguerira niiwã. ²⁵ Cõãmacũ cũyara profetamena múãrẽ wederig_u niiwĩ. Cõãmacũ múã pac_usũmũãrẽ, teero biiri múãrẽ cũ netõnére quetire ticowí. Tee quetire ticog_u, Abrahamrẽ ateré jĩrig_u niiwĩ: “M_u pãrãmi niin_unasegumena niipetira atiditá macãrãrẽ ãñurõ tiigúda”, jĩrig_u niiwĩ. ²⁶ Cõãmacũ cũ macũ diarig_up_ure masõ, marĩrẽ ticocosuguerig_u niiwĩ. Teeména marĩrẽ ãñurõ tiirig_u niiwĩ. Marĩ ñañaré tiirére duudutirig_u niiwĩ, jĩyig_u Pedro.

4

Pedro, Juan judíoare dutirá p_utop_u wáarigue

¹ Pedro, Juan basocáre wedera tiirí, paiá, ãpĩ Cõãmacũwii coterí basocare dutigú, ãpêrã saduceo basoca jeayira. ² Pedro, Juanména jĩyig_u:

—Cõãmacũ Jesuré diarig_up_ure masõrig_u niiwĩ. Teero tiirá, marícã diaari siro, masããdacu, jĩyig_u.

Saduceo basoca, cúãmena jeaarira tee buerére t_uorá, bayiró cúayira. ³ Cúa, Pedro, Juanrẽ ñeewayira. Muĩpũ sããritop_u niirĩ ññarã, cúãrẽ ñeewa, peresu sõnecoyira. ⁴ Cõãmacũwiip_u cúã bueariguere t_uóarira pa_u Jesuré padeon_ucãyira.

* **3:23** Deuteronomio 18.15-19; 34.10.

Jesuré padeorámēna niirã, ãmuã dícare bapaque-ori, cinco mil niyira.

⁵ Apebúrecope judíoare dutirá, ãpērã butoá dutirá, teero biiri Moisés jóarigue buerá tiimacã Jerusalénpu neãyira. ⁶ Cúãmena ãpērã neãyira: Anás (cũu paiaré dutigú niyigu), Caifás, Juan, Alejandro, ãpērã paiaré dutiráya wedera. ⁷ Neãtoa, Pedro, Juanrẽ cúã putopu néeatidutiya. Cúã puto jeari: — ¿Noã dutirémēna teeré tiiárĩ múã? jĩĩ sãĩñáyira.

⁸ Pedro, Espíritu Santo cũumēna niirĩ, cúãrẽ yuuyigu:

— Ûsãrẽ dutirá, teero biiri butoá dutirá, ⁹ múã mecũã ùsãrẽ sãĩñáã, ùsã añurõ tiiárigue maquẽrẽ masĩdugara. Múã “¿ñeenómēna cũurẽ wáamasĩhẽgũ niimiãrigure netõnéãrĩ?” jĩĩ sãĩñárã tiicú. ¹⁰ Múã sãĩñããriguere yuuguda, múã niipetira, teero biiri niipetira Israelya põna macãrã masĩãrõ jĩĩgũ. Jesucristo Nazaret macã macũ múã curusapu páabiatudutirigu tutuaremena ãni múã ññacoropu niigárẽ netõnéãwã. Cõãmacũ cũurẽ diarigupure masõrigu niiwĩ. ¹¹ Jesús ùtãqui múã cõãriqui tioróbiro niĩ. Profeta tiiqui maquẽrẽ jóarigu niiwĩ: “Wii weerira ùtãquire booríyira. Cúã boorípacari, tiiquirã uputí macãqui putuáwu tiiwiipare”,* jĩĩ jóarigu niiwĩ. ¹² Æpērãpájã netõnémasĩricua. Cũũ sícũrã petihérimepu wáaborirare netõnémasĩ, jĩiyigu Pedro.

¹³ Dutirá cúã cuiro manirõ wederi ññarã, tuomaníjõãyira. Cúã basiro cãmerĩ wedeseyira:

* **4:11** Salmo 118.22.

—Ĩniã búri niirã, buerira mee niiŷya. Marĩ cúãrẽ ĩñamasĩã; Jesuména wáanetõrira niĩŷya, jĩŷyira.

¹⁴ Pedro, Juan netõnéãrigu cúãmena nucũrĩ ĩñarã, deero jĩñemomasĩriyira. ¹⁵ Cúãrẽ witiwadutiŷyira ména. Cúã sesaro cãmerĩ wedeseyira:

¹⁶ —¿Deero tiiádari marĩ ĩniãrẽ? Niipetira ãno Jerusalén macãrã cúã tiiẽñoãriguere ĩñapetijããrira niĩãwã. Teero tiirã, marĩ “tiiríawã” jĩmasĩricu. ¹⁷ Basocã aperó macãrãpu teeré tũonemórĩ tiirijããda. “Múã Jesuyére wedenemorĩ, múã ñañarõ tiinóãdacu” jĩco cúãrẽ, jĩŷyira.

¹⁸ Wedesetoa, cúãrẽ sããatidutiŷyira sũcã. Cúã, cúã pũtopu jeari, jĩŷyira:

—¡Ñũrõ tũoyã múã! Jesuyére péerogã wedenemorijãña; buenemorijãña sãa, jĩmiyira.

¹⁹ Pedro, Juan yũyira:

—¿Cõãmacũ ĩñacorore ãsã múã dutirére o cúã dutirépere tiirĩ booi? Múã basiro beseya. ²⁰ Ësã ĩñariguere, ãsã tũoríguere wederipacara, niimasĩriga, jĩŷyira.

²¹ Dutirápe bayiró tutuaremena dutinemoyira, cúãrẽ cuiaro jĩrã. Basocã cúũrẽ wãaariguere ĩñarã, Cõãmacũrẽ ãsenire ticoyira. Teero tiirã, cúãrẽ ñañarõ tiimasĩri, wionécojãyira. ²² Cúã netõnéãrigu cuarenta cãmarĩ nemorõ cũoyígu.

Jesuré padeorã Cõãmacũrẽ tiiapure sãirígue

²³ Cúãrẽ wionécoari siro, Jesuré padeorã niirõpu wãayira. Paiaré dutirá, ãpẽrã butoã dutirá jĩãriguere wedeyira. ²⁴ Cúã wederi tũorã, sĩcãrõména Cõãmacũrẽ jĩŷyira:

—Ěsā Őpũ, m̄m̄ ũm̄ũāse, atiyepá, día pairímaa, niipetire atibúreco niirére tiirígu niĩ. ²⁵ Tíatoru Espíritu Santo wăcŭré ticorémena m̄m̄ ũsā ñecŭ Daviré wededutirígu niiwũ. David m̄m̄ wededutiriguere biiro jóarígu niiwĩ:

Judíoa niihěã Cõãmacŭmena cúara ñañarã wáajãya. Judíoapeja “marĩ biiro tiíada Cõãmacŭrẽ” jĩĩmajãya. ²⁶ Atibúreco macārã õpārã neããya, Cõãmacŭrẽ netõnucă cŭrẽ ñañarõ tiidugára.

Cũũ beserígu cārẽ teorora ñañarõ tiidugáya,†
jĩ jóarígu niiwĩ David.

²⁷ 'Cũũ jóaribirora wáawũ. Atimacāpŭre Herodes, Poncio Pilato, āpērã judíoa niihěã, judíoamena neãwã. “Cũũrẽ ñañarõ tiíada” jĩirira niiwã m̄m̄ macũ Jesús m̄m̄ beseríguere ñañarõ tiíadara. ²⁸ Tíatoru m̄m̄ “teorora wáaadacu” jĩrirobirora tiiríra niiwã. ²⁹ Ěsā Őpũ, cúã ũsārẽ bayiró tutuaremena dutiawã, cuiaro jĩrã. Cúã jĩĩriguere wăcũña. Ěsā m̄m̄rẽ padecotera niĩ. Ěsārẽ m̄m̄ye quetire cuire manirémena wederĩ tiiyá. ³⁰ M̄m̄ tutuaremena diarecutirare netõnéña. M̄m̄ sīcŭrã Jesús m̄m̄ macũ cũũ tutuaremena tiieñodutiya, jĩiyira.

³¹ Cúã tee jĩĩari siro, cúã niirõ cãmeñayiro. Espíritu Santo cúãpŭre niiyígu. Teero tiirã, Cõãmacŭye quetire cuiro manirõ wedeyira.

Jesuré padeorá cúã c̄m̄orére cãmerĩ batorígue

³²⁻³³ Jesús cŭũyere wededutígu beserira bayiró tutuaremena basocáre wedeyira: “Marĩ Őpũ Jesús diari siro, masārígu niiwĩ. Cũũ masári siro, cŭũrẽ

† 4:26 Salmo 2.1-2.

ĩñawũ”, jĩiyira. Niipetira Jesuré padeorá s̄cãrĩbíro wãcũré c̄uoyíra. Cũã c̄uorére “yée dícu niiã” jĩriyira. Teero tiirá, cũã c̄uorére cãmerĩ batoyira. Cõãmacũ cũãrẽ bayiró tiiápuyigu. ³⁴⁻³⁵ Wiserí, dita c̄uorá dúayira. Cũã dúa wapatáariguere Jesús beserirare ticoyira. Jesús beserirape cũã ticoariguere cũã menamacãrãrẽ apeyenó c̄uohérare batoyira. Teero tiirá, cũãya põna macãrã bóaneõrã maniyíra.

³⁶ Teeb̄uorecorire s̄icũ José wãmecutigu niiyigu. Chipre n̄ucãrõ macũ, Leviyá põna macũ niiyigu. Jesús beserirape cũũrẽ Bernabé jĩiyira. Bernabé griegoayemena “ãñurõ wãcũtutuari tiigú” jĩrõ ticú. ³⁷ Sicadita cũãye oteré ditare dúayigu. Cũũ dúa wapatáariguere Jesús beserirare ticopetijãyigu.

5

Ananías, Safira jĩĩditorique

¹ ãpĩ Ananías wãmecutigu, cũũ n̄amo Safiramena sicadita dúayira. ² Ananías cũũ dúa wapatáariguere néed̄uo, d̄usarére ticoyigu Jesús beserirare. Cũũ n̄umoména “biiro tiiáda” jĩĩtoayigu.

³ Pedro cũũrẽ jĩiyigu:

—Ananías, ¿deero tiigú m̄uu Satanárẽ ȳuuarĩ? M̄uu Espiritu Santore jĩĩditoayu, m̄uu dúa wapatáariguere néed̄uogu. ⁴ Tiidita m̄uu dúaadari s̄ugueru, m̄uuya dita niiwũ. Tee m̄uu dúare wapa m̄uuye niyeru niiãj̄iyu. ¿Deero tiigú “jĩĩditoguɗa” jĩ wãcũãrĩ m̄uu? M̄uu basocá dícuere jĩĩditogu mee tiia; Cõãmacũcãrẽ jĩĩditogu tiia.

⁵ Teeré ʔogúra, Ananías ñaacũmu, diajõãyigu. Æpẽrã tee quetire ʔorá, cuiPETIJõãyira. ⁶ Cũũ di-ari, mamarã tiiwiipú sããwa, suti caserimena cõma, néewayira, cũũrẽ yaará wáara.

⁷ Itiá hora siro Safira cũũ nũmo niimiãrigo sããjeayigo. Teero wáaariguere masĩriyigo. ⁸ Pedro coore sãĩñáyigu:

—Wedeya yũre. ¿Múãya dita dúara, nocõrõrã niyeru wapatáarĩ? jĩiyigu.

—Nocõrõrã wapatáawũ ãsã, jĩiyigo.

⁹ Pedro coore jĩiyigu:

—¿Deero tiirá múã sĩcãrĩbíro wãcũrémena “marĩ Õpũ Espíritu marĩrẽ ñañarõ tiirĩqui” jĩĩ wãcũmiãrĩ? Mecãtigãrã mũũ manũ niimiãrigure yaará jeaarira pũtuajeara tiíya. Mũũcãrẽ teerora yaaádara néewaadacua, jĩiyigu.

¹⁰ Cũũ teero jĩĩrĩrã, máata coocã Pedro pũto ñaacũmu, diajõãyigo. Coo manũ niimiãrigure yaará jeaarira diaarigopũre bũajeáyira. Cũãrã coore néewa, yaará wáayira coo manũnigũ pũtopũra.

¹¹ Niipetira Jesuré padeorá, Æpẽrã niipetira tee quetire ʔorá, bayiró cuiyira.

Pedrocã Cõãmacũ sĩcãrã tiimasĩremena tiiẽñorigue

¹² Teebũrecorire Jesús beserirare Cõãmacũ cũũ sĩcãrã tiimasĩremena pee tiiẽñorĩ tiiyigu basocá watoapũre. Niipetira Jesuré padeorá Pórtico de Salomón tatiapũ sĩcãrõména neãyira. ¹³ Æpẽrã cúãmena bapacũti, cui niyira. Cũãrẽ bapacũti, cui pacara, Jesuré padeoráre ãñurõ wãcũyira.

¹⁴ Æmũã, numiã paũ Jesuré padeomũãncãyira.

15 Diarecutirare maa wesapɯ néewa, cõãré caseri sotoapɯ cũyira. “Pedro netōwágɯ, cũw wātĩcõātucoro cúã sotoa netōwári, cúã diaré netōãdacu”, jĩ wácũyira. 16 Jerusalén wesa niiré macãrĩ macãrãcã diarecutirare néewayira. Wātĩã ñañarõ tiinórãcãré néewayira. Niipetira netõnénoyira.

Pedro, Juan peresuwiipɯ duiarira witi rigue

17 Cúã teero tiirí tɔorá, paiaré dutigú, niipetira cũ menamacãrã saduceo basoca ññatutiyira cããrẽ.

18 Teero tiirá, Jesús beserirare ñee, néewa, peresuwiipɯ sõnecomiyira. 19 Tiiñamirã ángele peresuwi sopepãmarẽ pãõ, cããrẽ néewitiatiyigu.

20 —Cõãmacũwiipɯ basocáre wedera wáaya, jĩyigu—. “Jesuré padeoráre Cõãmacũ añurõ niirecutiri tiigúdaqui”, jĩ wedeya, jĩyigu ángele.

21 Cũ jĩãrirobirora bóemuãatiri, Cõãmacũwiipɯ sããwa, bueyira.

Tiibɯrecora paiaré dutigú, cũ menamacãrãmena, judíoare dutirá, teero biiri bũtoá dutiráre neãdutyira. Cúã neãpetiari siro, peresuwiipɯ niirãrẽ néeatidutimiyira.

22 Cõãmacũwii coterí basoca peresuwiipɯ jeara, cããrẽ bũariyira. Cúã manirĩ ññarã, wedera wáayira.

23 Toopú jea, cããrẽ wedeyira:

—Peresuwi añurõ biaári wii niimiãwã. Tiisope coterí basocacã añurõ cotemiãwã. Tiisopere pãõ ññarĩ, sícũno maniãwĩ, jĩyira.

24 Cúã teeré tɔorá, Cõãmacũwii coterí basocare dutigú, paiaré dutirá dee tii masĩriyira.

—¿Deero yapacutíadari ate? jĩyira.

25 Cúã wãcũrã tiirí, sîcũ jea, wedeyigu:

—Tuoýá ména. Múã peresuwiipu sōnecomiãrira Cōãmacũwiipu basocáre buera tiíáwã, jĩyigu.

26 Cũũ wederi tuorá, Cōãmacũwii coterí basoca cúãrẽ dutigúmena cúãrẽ ñeerã wáayira. “Basocá cúãrẽ maĩrã marĩrẽ ùtãperimena déebocua” jĩrã, cúãrẽ néewara, ñañarõ tiiriyira. 27 Cúãrẽ judíoare dutirá decopu néejeari, paiaré dutigú cúãrẽ jĩyigu:

28 —Ûsã múãrẽ “cũũye maquẽrẽ buenemori-jãña” jĩmiãwũ. Ûsã múãrẽ buedutiripacari, niipetiro ãno Jerusalénpure múã bueré sesajõãtoaa. Múã buerémene ùsãpere “cúã cũũrẽ sîãrĩ tiiwá” jĩrĩ tiidugára tiia, jĩyigu paiaré dutigú.

29 Pedro, ãpẽrã Jesús beserirameña cũũrẽ yuuyigu:

—Basocá dutiré Cōãmacũ dutiré niihẽrĩ, Cōãmacũ dutirépere tiiró booa. 30 Cōãmacũ marĩ ñecūsũmũã Òpũ Jesuré diarigupure masõrigu niiwĩ. Jesús niĩ múã curusapu páabiatu diari tiirígu. 31 Cũũrẽna masõtoa, ùmũãsepũ néemuã, cũũya wãmo diamacũniñape dupoyigu. Marĩrẽ netõnérigu, marĩ Òpũ niĩãrõ jĩgũ, teero tiirígu niiwĩ. Marĩ judíoa ñañaré tiirére wãcũpati, wasorí, marĩrẽ acabógũdaqui. 32 Ûsã Jesús tiiríguere ññarira niijĩrã, teeré wedea. Espíritu Santocã ññarigu niiwĩ. Cōãmacũ cũũ dutiré tiiráre Espíritu Santore ticoqui, jĩyigu Pedro.

Gamaliel wederigue

33 Cũũ tee jĩrĩ tuorá, bayiró peti cúayira. Cúãrẽ sîãdugámiyira. 34 Cúã cúari ñña, Gamaliel

judíoare dutirá menamacũ wãm̃nucã: —Ñiãrẽ s̃owitíwaya ména, jĩiyigu.

Gamaliel fariseo basocu, Moisés jóarigue buegú niiyigu. Basocá “añuniĩ” jĩi padeogú niiyigu. ³⁵ Cúã s̃owitíwari siro, toopá niirãrẽ jĩiyigu:

—Yáa wedera, ãñurõ wãcũña múã cúãrẽ tiidugárere. ³⁶ Tíatopure s̃icũ Teudas wãmecutigu “yũ dutigú niiã” jĩi wãcũmiyigu. Cuatrocientos basocá cúã buerére ñnuyíra. Too síro cúãrẽ ãpẽrã s̃iãjãyira. Cúãrẽ s̃iããri siro, cúãrẽ yũmiãrira cúã booró wáabatejõãyira. Nocõrõrã cúã buemiãrigue petijõãyiro. ³⁷ Too síro basocáre cúã bapaqueore b̃nrecori niirĩ, ãpĩ Judas Galilea macũ niiyigu. Paũ basocá cúãrẽ ñnũrĩ tiimíyigu. Too síro cúãcãrẽ s̃iãjãyira. Cúãrẽ s̃iããri siro, cúãrẽ yũmiãrircã cúã booró wáabatejõãyira. ³⁸ Teero tiigú, múãrẽ wedea. Cúãrẽ teero ññajãña. Basocá dutirémene cúã bueri, petijõããdacu. ³⁹ Cõãmacũ dutirémene cúã bueri docare, múã s̃icãrĩbíricu. Múã cúãrẽ cãmotára, Cõãmacũrẽ netõnucãrã tiibócu, jĩiyigu Gamaliel.

⁴⁰ Cúãrẽ “jáũ” jĩiyira.

Jesús beserirare s̃ucó, tãna, “Jesuyé quetire wedenemorijãña” jĩi, cúãrẽ wionécojãyira.

⁴¹ Cúã judíoare dutirá p̃atopũ niãrira witiyira useniremena. Cãmerĩ wedeseyira:

—Cõãmacũ marĩrẽ “ãpẽrã cúãrẽ ññañarõ buijãpacari, Jesuyére bueduricua” jĩi masĩjyi, jĩiyira.

⁴² Bãrecoricõrõ Cõãmacũwiipũ, wiseripá “Jesús Cõãmacũ beserigu niirĩ” jĩi wederucujãyira.

6

Apóstoles cúãrẽ tiápuadarare beserigue

¹ Jõõpemena paꝝ Jesuré padeonꝛcãrã tiiyíra. Teeburecorire griegoaye wedesera hebreoaye wedeseramena cúayira.

—Ësãya wedera wapewia numiãrẽ búrecoricõrõ péerogã yaaré ticorá niiãwũ, jĩiyira.

² Teero tiirá, cúã doce Jesús beserira Jesuré padeorá niipetirare wedeada neãdutiya.

—Ësã Cõãmacũyere wededu, yaaré batori, ãñuria. ³ Teero tiirá, siete ãmãã múãmena niirãrẽ beseya. “Cúãrã basocá ãñuũya” jĩĩrã, Espiritu Santo dutiré tiirucúra, ãñurõ masĩrã niiãrõ. Múã beseadarare yaaré batodutiadacu. ⁴ Ësãpe Cõãmacũrẽ sãĩ, cúũyere buerucujããdacu, jĩiyira.

⁵ Niipetira: —Teerora wáaaro, jĩiyira.

Teero tiirá, sícũ Esteban wãmecutigure beseyira. “Cúũ ãñurõ Cõãmacũrẽ padeói; cúũmena Espiritu Santo niiqui”, jĩiyira. ãpẽrãrẽ Felipe, Prócoro, Nicanor, Timón, Parmenas, Nicolás beseyira. Nicolás Antioquía macũ judíoaya niiripacũ, cúã tiiróbiro Cõãmacũrẽ padeogú wáayigu. ⁶ Cúãrẽ besetoa, Jesús beserira puto néewayira. Cúã néejarĩ, Cõãmacũrẽ sãĩbosáyira. Cúã besearirare ñaapeóyira, Cõãmacũ múãrẽ tiápuaro jĩĩrã.

⁷ Too síro Cõãmacũyere paꝝ basocá masĩpetijõãrã tiiyíra. Jerusalén macãrã paꝝ Jesuré padeorá niinꝛcãyira. Paiaçã paꝝ Jesuyere tiinꝛcãyira.

Estebanrẽ ñee, néewarigue

⁸ Estebanrẽ Cõãmacũ ãñurõ tiápuyigu. Teero tiigú, tutuaremena Cõãmacũ díçũ tiimasĩrere

basocá ññacoropu tiiññoyigu. ⁹ Cũũ puto ãpẽrã jeayira. Judíoa niiyira. Cũã dutiapenori basoca niimirira niiyira. Teero tiiró, cũã neārí wii “Libertado” wãmecutiyyiro. ãpẽrã cũã menamacãrã judíoa Cirene macãrã, Alejandria macãrã, Cilicia dita macãrã, Asia dita macãrã niiyira. Cũã cúaremena Estebanrẽ sãññáyira. ¹⁰ Estebanpe Espiritu Santo cũũrẽ aññuré masĩré ticorémena wedeseyyigu. Teero tiirá, cũã cũãmena wedese sícãrĩbiriyyira. ¹¹ Sícãrĩbíri, ãpẽrãrẽ niyeru tico, jĩyyira:

—Jĩĩditora wáaya. “Esteban Moisére dutiré cũũriguere ññañarõ wedeseawĩ; Cõãmacũcãrẽ ññañarõ wedeseawĩ”, jĩĩ wedewa basocãre, jĩyyira.

¹² Cũã jĩĩditoariguere tũorá, niipetira basocá, ãpẽrã bũtoá dutirá, teero biiri Moisés jóarigue buerá cúayira. Cutũjeá, cũũrẽ ñee, judíoare dutirá pũtopu néewayira. ¹³ Jĩĩditoracãrẽ néewa, wedesedu-tiyyira:

—Ñni Cõãmacũwiire ññañarõ jĩĩãwĩ. Moisére dutiré cũũriguecãrẽ teerora jĩĩãwĩ. ¹⁴ “Jesús Nazaret macã macũ Cõãmacũwiire cõãgũdaqui; Moisés marĩrẽ tiidutĩriguere wasojãgũdaqui” jĩĩrĩ tũoáwũ, jĩĩditoyira.

¹⁵ Teeré tũorá, judíoare dutirá, too duirã niipetira Estebanrẽ bayiró ññayira. Cũũya diapóa cũã ññarĩ, ángeleya diapóa tiiróbiro bauyiro.

7

Esteban wederigue

¹ Paiaré dutigú Estebanrẽ sãññáyigu:

—¿Diamacúrã niĩ ãniã m̄ũrẽ wedesãre? jĩyigu.

² Esteban yũyigu:

—Yáa wedera, yũ pacusũmã, ãñurõ t̄oóadacu múã, yũ wederi. Cõamacũ ãñurõ asibatégu marĩ ñecũ Abrahamrẽ bauáyigu, Mesopotamiarũ cũũ niirĩ. Harán macãrũ cũũ niigũ wáadari suguero, cũũrẽ wedeseyigu. ³ “M̄ũya ditare, m̄ũya wederare cũũjã, wáagua. M̄ũ wári, m̄ũ niĩadari ditare ãnogúda”, jĩyigu.

⁴ Teeré t̄ogú, Abraham caldeoaya ditarũ niĩarigu Haránrũ niigũ wáyigu. Toorú cũũ pacũ diawejõãyigu. Cũũ pacũ diaweorĩ siro, Cõamacũ cũũrẽ atiditá atitó marĩ niirõrẽ atidutiyigu. ⁵ Cũũ ãnopú jeari, dita ticoriyigu ména. Ticoripacũ, “too síropũ m̄ũye, m̄ũ pãrãmerã niinũuseraya dita niĩadacu” jĩyigu. Cõamacũ teeré wederitore, Abraham p̄õnamaniyigu ména. ⁶ Cõamacũ cũũrẽ apeyé wedenemoyigu: “M̄ũ pãrãmerã niinũusera ãpẽrãyé ditarũ niĩadacua ména. Dutipenori basoca niĩadacua. Cuatrocientos cãmarĩ cúãrẽ padeduti, ñañarõ tiiápeadacua. ⁷ Cúãrẽ teero tiirí, yũ tiidita macãrãrẽ ñañarõ tiigúdacu. Yũ teero tiiarĩ siro, m̄ũ pãrãmerã niinũusera witiadacua. Witi, atiditapá jea, yũ dutiré tiiadacua”, jĩyigu Cõamacũ. ⁸ Cõamacũ Abrahamrẽ wedecũyigu: “Niipetira ãm̄ũãrẽ cúã cõnerígu yapa macã caseróre widecõãña. Ate yũ jĩrere tiirá, múã yũmena niirere ãnoãdacu”, jĩyigu Cõamacũ. Teero tiigú, Abraham cũũ macũ Isaare ocho búrecori cũũ bauári siro, cũũ cõnerígu yapa macã caseróre widecõãyigu. Isaacã teerora

tiiyíꞡ cūũ macũ Jacoré. Jacob teerora tiiyíꞡ cūũ põna doce põnarĩ pacusũmũã niiãdarare.

⁹ Jacob põna marĩ ñecũsũmũã cúã bai Joseré ññatutira, Egiptopũ wáarare dúayira. Cõãmacũpe cūũmena nijãyíꞡ, ¹⁰ niipetire cūũrẽ ñañarõ netõbóarere netõrĩ tiigúꞡ. Faraón Egipto dita macãrã õpũmena wedeseri, Cõãmacũ Joseré masĩré ticoyíꞡ. Cõãmacũ Faraónrẽ usenirĩ tiiyíꞡ Joseména. Teero tiigú, Faraón cūũrẽ cūũ doca macũ dutigú sõnecoyíꞡ. Apeyeré, Faraón cūũya wii maquẽ paderé dutigú cūũyíꞡ.

¹¹ Too síro niipetiro Egiptopũre, Canaánꞡcãrẽ jũabóare wáayiro. Teero tiirã, basocã teeditapũ niirã bayirõ ñañarõ netõrã tiiyira. Marĩ ñecũsũmũãcã yaaré bũamasĩriyira. ¹² Jacob “Egiptopũ yaaré dúare niiãyiro” jĩrẽ quetire tũogú, cūũ põnarẽ, marĩ ñecũsũmũã niiãdarare, “yaaré sãirã wáaya” jĩcoyíꞡ. Cūũ sicato ticocogũ tiiyíꞡ. ¹³ Cúã nemo jeari, José “yũũ múã bai niiã” jĩ wedeyíꞡ cūũ sõwũsũmũãrẽ. Faraóncã “cúã José sõwũsũmũã niiãwã” jĩrĩ tũoyíꞡ. ¹⁴ José, cūũ sõwũsũmũãmena queti ticocoyíꞡ cūũ pacũꞡre. “Marĩ pacũ, niipetira marĩya wederamena atiaro ãnopú”, jĩcoyíꞡ. Cūũya wederape “setenta y cinco” niyira. ¹⁵ Jacob “jáũ” jĩ, Egiptopũ wáajõãyíꞡ. Toopú diayíꞡ. Cūũ põna marĩ ñecũsũmũãcã toopúra diayira. ¹⁶ Jacob diarigũ õpũũrẽ Siquempũ néewayira. Toopú Abraham cūũ Hamor põnarẽ ãtãtuti sãirĩtutipũ cūũyira.

¹⁷ Abrahamrẽ Cõãmacũ jĩrigue jeatiri, marĩ ñecũsũmũã paũ basocãputiyira Egiptopũ. ¹⁸ Cúã toopú niirĩrã, ãpĩ õpũ sããyíꞡ. Cūũ Josenígũ tirĩguere masĩriyíꞡ. ¹⁹ Cūũ marĩ ñecũsũmũãrẽ jĩdito,

ñañarõ tiiápeyigu. Cúã põna bauárare diaaro jĩngũ, cõãdutiýigu.

²⁰ Teeburecorira Moisés bauáyigu. Cũũ Cõãmacũ ñnarĩ, ãñugúgã niyigu. Cũũ pacusũmuã ñtĩãrã muĩpũrã cúaya wiipu cũũrẽ masõmiyira. ²¹ Dee tii masĩri, cũũrẽ cõãjãyira. Cõããri sirogã, Faraón macõ cũũrẽ ñnabuayigo. Ñnabua, néema, coo macũ tiiróbiro cũũrẽ masõyigo. ²² Egipto macãrã ãñurõ masĩrãyere bueyira Moisére. Teero tiigú, cuiro manirõ wedesegu, õpũ tiiróbiro tiirécutigũ niyigu.

²³ Moisés cuarenta cũmarĩ cuogú, cũũya wedera Israelya põna macãrãrẽ ñnadugagu, cúã putopũ wáayigu. ²⁴ Toopú jeagu, sícũrẽ Egipto macũ páari ññayigu. Cũũrẽ cãmeboságu, Egipto macũrẽ páasĩãjãyigu. ²⁵ Cũũ basirope wãcũmiyigu: “Yũũmenarã Cõãmacũ yáa wederare dutiápenori basoca niirãrẽ witiri tiigúdaqui. Cúã ateré masĩcua”, jĩ wãcũmiyigu. Cúã cũũ tiiróbiro wãcũriyira. ²⁶ Apebúreco ãpẽrã cũũya wedera puarã cãmerĩquẽrã tiirĩ buajeáyigu. Cúãrẽ cãmerĩquẽduri tiidugágu, “múã sícũya wedera niiã. ¿Deero tiirã cãmerĩ ññañarõ tiiĩ?” jĩ wedemiýigu. ²⁷ ãpĩrẽ bayirõ ññañarõ tiigúpe Moisére tuunécojãyigu. “Mũũ ãsãrẽ dutigú mee niiã; ãsãrẽ queti besegú mee niiã. ²⁸ ¿Mũũ ñamica Egipto macũrẽ sããrirobirora yũũre sããdugágu tii sũcã?” jĩ yũũtutiýigu. ²⁹ Cũũ teero jĩrĩ tuogú, Moisés dutijõayigu. Madián ditapũ wáa, aperó macãpũ tiiróbiro nii, puarã ãmuã põnacutiýigu.

³⁰ Moisés tiiditapũre cuarenta cũmarĩ niyigu. Sicabureco basocá manirõ Sinai ãtãgú putopũ

wáayigu. Toopú yucusatí jũürĩ ññayigu. Pecame jũürípõna decopũ ángele bauáyigu. ³¹ Moisés teeré ññagũ, ññamanijõáyigu. “¿Deero tiiró tee wáamiĩto?” jĩĩ, putogãsãñurõ ññaquẽnogũ wáayigu. Cũũ putogãpũ jeari, Cõãmacũ tiimé decopũ cũũrẽ wedeseyigu. ³² “Yũũ Cõãmacũ niiã. Mũũ ñecũsũmũã Abraham, Isaac, Jacob Õpũ niiã”,* jĩiyigu. Moisés ñapõpiyigu. Cuigu, ññadujãyigu. ³³ Cũũrẽ wedesenemoyigu: “Mũũ yũũ putora nucũã. Teero tiigú, mũũ sapatore tuuwéya. Tuuwégũ, yũũre padeorére ãñogũdacu. ³⁴ Yáara basoca Egiptopũ niirãrẽ ññañarõ tiíaperi ññãã. Cũã pũnisíre tũoa. Cũãrẽ netõnégũdũ diiátawũ. Teero tiigú, mũũrẽ Egiptopũ ticocogũda”, jĩiyigu Cõãmacũ.

³⁵ Moisére boorírira too sagueropũ jĩiyira: “Mũũ ãsãrẽ dutigú mee niiã; ãsãrẽ queti besegú mee niiã”. Cũã tee jĩĩpacari, Cõãmacũpe Moisére cũãrẽ dutigũdũ, netõnégũdũ sõnecoyigu sáa. Cõãmacũ ángelere jũürísatipũ teeré wederi tiiyigu. ³⁶ Moiséra cũãrẽ néewitiwayigu. Cũũrã Cõãmacũ sícũrã tiimasíreere tiíẽñoyigu Egiptopũre. Día Sõãrímaa pairímaapucãrẽ teerora tiíẽñoyigu. Cuarenta cũmarĩ basocá manirõpũ cũã wáari, teerora tiíẽñorucujãyigu. ³⁷ Cũũrã Israelya põna macãrãrẽ wederigu niuwĩ: “Too síropũ Cõãmacũ profetare ticocogũdaqui. Cũũ maríya wedegũ niigũdaqui. Yũũ tiiróbiro tiigũdaqui”,† jĩĩ jóarigu niuwĩ Moisés. ³⁸ Moisés basocá manirõpũ marĩ ñecũsũmũã neãrĩ, cũãmena niyigu. Sináí ãtãgũpũ ángele cũũrẽ wedeseyigu. Moisés Cõãmacũ dutiré petihéere

* 7:32 Éxodo 3.6. † 7:37 Deuteronomio 8.15,18.

ñeeyigu, marĩrẽ ticogũdu.

³⁹ Cũãrẽ marĩ ñecũsũmuã tuodugáriyira. Cũãrẽ boohéra, Egiptopũ cãmecóputuadugamiyira.

⁴⁰ Teero tiirá, Aarónrẽ jĩiyira: “Jõõ niiãrigu marĩrẽ Egiptopũ néeatirigu cũũ bauhéro yoajõãã. ¿Deero wáaayiri? Marĩ masĩria. Teero tiirá, ùsã padeoádarare weebosaya. Cũãrẽ marĩ apasugueadacu. Cũã marĩ wáaadarimarẽ ãñoãdacua”, jĩiyira.

⁴¹ Teebũrecorire sĩcũ wecũ wĩmagũ tiiróbiro baugú weeyira. Bosebũreco ti, ecaráre sĩa, sóeditioyira cũã weearigure tiipéora.

⁴² Cũã teero tiirí ñãgũ, Cõãmacũ cũã booró tiiáro jĩĩgũ, cũãmena niiãrigu cõãjõãyigu. Cũã booró muĩpũrãrẽ, ñocõãrẽ padeoyíra. Teeré profetas jóarira niiwã:

Cõãmacũ cũãrẽ jĩiyigu:

Múã Israelya põna macãrã,
basocá manirõpũre cuarenta cũmarĩ niirã,
ecaráre sĩa sóeditioriũ, yũure padeorá.

⁴³ ãpĩ Moloc queorére padeorá, suti caserimena tiirí wiire apacãmesãwũ.

ãpĩ Refán ñocõãwũ múã weerigucãrẽ padeorá, teerora tiiwá.

ãniãrẽ múã basirora weewũ, padeoá dara.

Teero tiigú, múãrẽ ñee, néewadutiguda Babilonia berupũ, jĩiyigu Cõãmacũ, †

jĩ jóarira niiwã.

⁴⁴ Esteban wedenemoyigu:

—Marĩ ñecũsũmuã basocá manirõpũ Cõãmacũ basocãmena niirí wiire cũoyíra. Tiiwiiré

† 7:43 Amós 5.25-27.

Cõãmacũ Moisére cũũ ãñorírobirora tiidutiýigu.
⁴⁵ Marĩ ñecũsũmũã niinũnũseraya wii pũtũáýiro.
 Josuémena néeatiyira tiwiiré. Cũã atiditá ñeerã
 atiri, Cõãmacũ atiditá macãrãrẽ ãcũcoyigu.
 Cũã wáaweorepũre niiyira. Yoari tiwií ãnopú
 niyiuro, tée David cũũ õpũ sããri siropũ. ⁴⁶ David
 Cõãmacũ ãñurõ tiirére bũagú jĩyigu: “Mũũ yũũ
 ñecũ Jacob padeorigũya wiire mũũ niĩadari wiire
 tiibosádũgaga”, jĩĩmiyigu. ⁴⁷ Cũũ tiibosádũgapacari,
 cũũ macũ Salomónpũ tiwiiré tiibosáyigu.
⁴⁸ Cõãmacũ ãmũãsepũ niigú basocá tiiré wiseripũ
 niirii. Profeta teeré jóarigũ niiwĩ:

⁴⁹ Yũũ boorí, ãmũãse yũũ duirípĩrõ tiiróbiro
 niĩadacu;
 atiditapú yéẽ dũpori yeerisãgũdacu.
 Teero tiirá, yáa wii niĩadari wiire tiimasĩria múã.
 Yũũ yeerisããdaro tiimasĩria.

⁵⁰ Yũũ ate niipetirere tiiwá, jĩyigu Cõãmacũ, §
 jĩĩ jóarigũ niiwĩ.

⁵¹ Esteban cũãrẽ jĩĩnemoyigu:

—Múã Cõãmacũ dutirére netõnũcãnetõjõãã.
 Cũũrẽ masĩhẽrã tiiróbiro cũũ wederére tũodũgária.
 Espíritu Santo dutirére tiidũgária. Múã ñecũsũmũã
 tiirírobirora tiijãã. ⁵² Múã ñecũsũmũã niipetira
 profetare ñãñarõ netõrĩ tiyíra. Marĩrẽ
 netõnégũdũ atiadarere wedesũguerirare sãjãyira.
 Cũã wedesũguerigu ãñugú jeari, múã cũũrẽ
 jĩĩditoremena wedesã, sãĩdutírira niĩã. ⁵³ Mũãrẽ
 Cõãmacũ ángleamena cũũ dutirére cũũyigu. Teeré
 cũũnorira niipacara, múã netõnũcãnetõjõãã, jĩyigu
 Esteban.

§ 7:50 Isaías 66.1-2.

Estebanrē ũtāperimēna déesĩarigwe

⁵⁴ Cũũ tee jĩĩrĩ tuorá, cúãpe bayiró cúayira. Cũã cúare ãnorã, upire bacadiyóyira. ⁵⁵ Estebanpe Espíritu Santo cũũmena niirĩ, ũmũãsepu ãñamũõco, Cõãmacũ ãñurõ asibatérere ãñayigu. Cõãmacũ diamacúpe Jesús nucũrĩ ãñayigu. ⁵⁶ Cũũ cúãrē ãñagũ, jĩĩyigu:

—Jãã, ũmũãse pãõrĩ ãñãã; Cõãmacũ diamacúpe niipetira sõwũ nucũrĩ ãñãã yũũ, jĩĩyigu.

⁵⁷⁻⁵⁸ Cũũ tee jĩĩrĩ tuorá, bayiró acaribí, tuodugáhera cúãye cãmopéri paabiáyira. Cũũ puto sícãrõména cutujeá, cúãrē ñee, tiimacã wesapu cõãjãyira. Cũãye suti sotoá sãñarere tuuwé, ticoyira sícũ mamurē cotedutira. Cũũ wãmecũtiyigu Saulo. Ticotoa, Estebanrē ũtāperimena déesĩayira.

⁵⁹ Cũã déesĩãrã tiirí, cũũpe Cõãmacũrē sãiyigu:

—Jesús yũũ Õpũ, yũũ yeeripũnarē ñeeña, jĩĩyigu.

⁶⁰ Ñicãcoberimena jeacũmujea, bayiró acaribíremena jĩĩyigu sũcã:

—Õpũ, acabóya ãniãrē ate cúã ñãñaré tiirére, jĩĩyigu. Tee jĩĩtoa, diajõãyigu sãa.

8

Saulo Jesuré padeoráre ñãñarõ tiirigwe

¹ Saulo Estebanrē sãĩrĩ ãñagũ, “ãñuã” jĩĩyigu.

Tiiburecora Jerusalénpũre Jesuré padeoráre ñãñarõ netõrĩ tiinũcãyira. Niipetira Judea ditapu, Samaria ditapu dutibatéjõãyira. Jesús beserira dícu wáariyira. ² ãpẽrã ũmũã Cõãmacũrē quioníremena padeorá Estebanrē yaayira. Cũũrē yaa, bayiró boorituayira. ³ Saulope Jesuré

padeoráre nemorõ ñañarõ tiinetõncãyigũ. Cũãye wisericõrõ sããwa, ãmããrẽ, numiãrẽ ñee, néewa, biadũpóyigũ peresuwiipũ.

Felipe Samaria macãrãrẽ buerigüe

⁴ Dutibatéwarira cũã wáaro Jesuyé quetire wedewayira. ⁵ Felipe Samaria dita niiri macãpũ wáayigũ. Toopú jea, “Jesús Cõãmacũ beserigũ niĩ” jĩrere wedeyigũ. ⁶⁻⁷ Cõãmacũ sícũrã tiimasĩrere tiiẽñooyigũ. Wãtĩã paũ basocãpũre sããrirare witidutiyyigũ. Witiatira, bayiró acaribíyira. Paũ wáamasĩhãrẽ, opayuriri wáarare netõnéyigũ. Cũũ teero tiiri ññarã, niipetira cũũ wederere ãñurõ tũonũnũseyira. ⁸ Tiimacãpũre bayiró useniyira.

Simón yái tiiróbiro niigũ

⁹ Toopũre sícũ basocú yái tiiróbiro niigũ niyyigũ. Cũũ wãmecutiyyigũ Simón. Cũũ tiirémene Samaria dita macãrãrẽ ucãanere tiiyyigũ. Cũãrẽ “ũputí macũ niĩ” jĩ wãcũrĩ tiiyyigũ. ¹⁰ Æputí macãrã, bári niirã niipetira cũũ jĩrere ãñurõ tũonũnũseyira. “Ãni Cõãmacũ tutuare cũogú niiqui”, jĩmiyira. ¹¹ Yoari pee tiiẽñoremena cũãrẽ ucãanere tiiẽñooyigũ. Teero tiirã, cũãrẽ tũonũnũsemyira.

¹² Felipe jea, Cõãmacũ dutiré basocãpũre niĩadare jeariguere bueyigũ. “Jesús Cõãmacũ beserigũ basocãre netõnégũ niĩ” jĩrere bueyigũ too macãrãrẽ. Æmãã, numiã Jesuyé maquẽrẽ tũo, padeotóã, wãmeõtidutiyyira. ¹³ Simón “yũcã Jesuré padeóã” jĩ, wãmeõtiduti, Felipe wáaro cũũrẽ nũnũyigũ. Felipe Cõãmacũ sícũrã tiimasĩrere tiiẽñojãgũ tiiyyigũ. Simón teeré ññagũ, ññamanijõãyigũ.

14 Jesús beserira Jerusalénꝑꝑ niirã “Samaria dita macãrã Cõãmacũyere ãñurõ padeoáyira” jĩrẽ quetire tꝑoyíra. Teero tiirã, Pedro, Juanrẽ ticocoyira toopáre. 15 Cúã toopá jea, cúãrẽ Cõãmacũrẽ sãĩbosáyira, cúãꝑꝑre Espíritu Santo niigũ jeaaro jĩrã. 16 Cúãmena Espíritu Santo niiriyigũ ména. Jesús wãmemena dícu wãmeõtinorira niiyira. 17 Cúãrẽ ñaapeóri, Espíritu Santo cúãꝑꝑre niigũ jeayigũ.

18 Simón teeré ññagũ, Jesús beserirare niyeru ticomiyigũ.

19 —Ate tiimasĩrere ticoya yũcãrẽ, yũũ ñaapeórare Espíritu Santo cúãꝑꝑre niigũ jeari, jĩĩmiyigũ.

20 Pedro cúãrẽ jĩiyigũ:

—Mũũ Cõãmacũ tutuare tiorére “niyerumena sãĩgúda” jĩĩ wãcũmiãjĩyu. Mũũmenarã tee niyeru pecameꝑꝑ jũãtẽrĩjããrõ. 21 Cõãmacũ ññarĩ, mũũ diamacũ wãcũria. Ate ãsã tiirére tiimasĩria mũũ. 22-23 Yũũ ññarĩ, mũũ ññatutire, mũũ ññaré tiirípore niinetõjõãã mũũrẽ. Teero tiigú, mũũ ññaré wãcũrére wãcũpati, wasoyá. Cõãmacũrẽ acabóre sãĩñá. Apetó tiigú, mũũ ññarõ wãcũrére acabóboqui, jĩiyigũ Pedro.

24 Simón jĩiyigũ:

—Tee múã jĩãrigue yũure wáarijããrõ jĩrã, múã yũure Cõãmacũrẽ sãĩbosáya, jĩiyigũ.

25 Too síro Jesús beserira Jesús tiiriguere cúũ bueriguere wedeyira. Teeré wedetoa, Samaria dita niiré macãrĩ macãrãrẽ Jesuyé ãñuré quetire wedepũtũayira, Jerusalénꝑꝑ pũtũara.

Felipe Etiopía macârê wederigue

²⁶ Felipere sîcũ ángele bauá, wedeyigu:

—Jerusalén niiwarima Gaza macã búarimarũ wáaya. Tiimá basocá manirõpũ niwacu, jĩiyigu.

²⁷ Felipe tiimapú búayigu. Toopú wáagu, sîcũ Etiopía dita macârê buajeáyigu. Tiidita õpõ doca macũ niipetire cooye niyerure coterí basocũ niyigu. Jerusalénpũ Cõãmacârê padeogú jearigu ²⁸ coeputúagu tiiyigu. Cũyawa tũnuríwũ caballoa wéeriwũpũ sãñawayigu. Profeta Isaías jóariguere buegu tiiyigu.

²⁹ Espíritu Santo Felipere: —Iiwaré quẽmũ, tiiwú putogã wáaya, jĩiyigu.

³⁰ Felipe tiiwú putogãpũ cutujeágu, Isaías jóariguere bueri tũoyigu. Teeré tũogú: —¿Mũu buerére tũogári? jĩi sãñáyigu.

³¹ Cũũpe cũũrẽ yũuyigu:

—Tũoríga. Yũure wedegú maniĩ. Jãmũ, mũãsãña; yũu puto sãñagũ atiya, jĩiyigu.

Cũũ mũãsãyigu. ³² Cõãmacũye queti jóaripũ maquẽ cũũ buearigue ate niyiuro:

Oveja cúã sîãgúũdũre ñeewaro tiiróbiro basocũre ñeewayira.

Oveja wĩmagũrẽ póare cúã súari cũũ dita-manírõbirora basocúcã ditamaníyigu.

³³ Cũũrẽ buijãyira. Cũũ ñañaré tiirípacari, cũũrẽ wionécori booríyira.

Cúã ñañarõ tiiríguere deero wedemasña maniã.

Atiditapú cũũ niirẽ petirí tiiyíra,*

jĩi jóariguere bueyigu. Ateré buegu tiiyigu Etiopía macã.

* **8:33** Isaías 53.7-8.

34 Etiopía macũ teeré buetoanucõ, Felipere sãñáyigu:

—¿Isaías cũũ jĩgũ noã niigari? ¿Cũũ basiropo o ãpĩ niigari? jĩ sãñáyigu.

35 Felipe cũũ bueariguere wedesugue, niipetire Jesuyé quetire wedeyigu. 36 Maaru wáara, oco niirõru jeayira. Etiopía macũ jĩyigu:

—Ĩñaña. Jõõ oco niiã. ¿Mũũ yũure wãmeõtiri, ñeenó cãmotábogari? jĩyigu.

37 —Mũũ Jesucristore ãñurõ padeorí, cãmotáre manicú, jĩyigu Felipe.

—Yũũ Jesuré padeóa. Cũũrã Cõãmacũ beserigu niĩ, jĩyigu Etiopía macũ.

38 Caballoa wéeriwu waatúgure putuánucãdutiyaigu. Tiwure putuánucõtoa, cũũ ruarã diinacã, oco niirõru búa, wabawía, Felipe cũũrẽ wãmeõtियाigu. 39 Cũũ wabapãrĩ, Espiritu Santo Felipere aperopú néecocutuaigu. Teero tiigú, Etiopía macũ Felipere ññanemoriyaigu. Useniremena cũũ wáarimarũ wáayigu sáa. 40 Felipepe aperopú bauágũ, “Azotopũ niiã” jĩ ññamasiyaigu. Tiimacãrẽ netõwá, macãrĩcõrõ Jesuyé ãñuré quetire wedewarucu, Cesarea macãru wedejeayigu.

9

Saulo Jesuré padeonucãrigue

(Hch 22.6-16; 26.12-18)

1 Saulope Jesuré padeoráre ññatutigu, cũũrẽ sãñãgũda jĩgũ, paiaré dutigure ññagũ wáayigu.

2 Cũũrẽ sãiyaigu:

—Yuu Damascopu wáagu tiia. Dutirépũrĩrẽ jóabosaya yũre. Teepũrĩrẽ judíoa neáré wis-eri macãrã dutirápure wiyagúdu tiia. Mama bueré padeorá ũmuã, numiãrẽ ñeegũda. Cũãrẽ néeatigũda ãno Jerusalénpu peresu tiigúdu, jĩiyigu.

³ Too síro teepũrĩmena Damascopu wáajõãiyigu. Toopá jeagudu tiirí, wãcũña manirõ ũmuãseru cũũ puto bóediatiyiro. ⁴ Teero wáari, ñaacũmu, sícũ cũũrẽ wedeseri tuoýigu:

—Saulo, ¿deero tiigú yũre ñañarõ tiinũnãsei? jĩiyigu.

⁵ —¿Noã niĩ muu? jĩiyigu Saulo.

—Yuu Jesús, muu ñañarõ tiinũnãsegura niĩã. Muu basirope ñañarõ tiigú tiia, yũre teero tiigú, jĩiyigu.

⁶ Saulo cui, ñapõpigu, jĩiyigu:

—Õpũ, ¿deero yuu tiirí boogári?

Jesús cũũrẽ jĩiyigu:*

—Wũmunucãña. Iimacãpu wáaya. Toopá sícũ wedegũdaqui muu tiíadarere, jĩiyigu.

⁷ Saulomena wáarira wedesere tuorá, wedesemasĩrijõãyira. Teeré tuopacára,

wedeseğure ññariyira. ⁸ Saulo wũmunucã, cũũ capearire ññapõmiyigu. Baunóriyigu. Cũã cũũya wãmorẽ ñee, Damascopu tũãwáyira. ⁹ Itiábureco ññari, yaari, sñiríyigu.

¹⁰ Damascopure sícũ Jesuré padeogú niiyigu. Cũũ wãmecutiýigu Ananías. Cũũ cãnirípacari, quẽẽrõpu tiiróbiro Jesús cũũrẽ wedeseýigu:

—Ananías, jĩiyigu.

—¿Deero jĩĩ, yuu Õpũ? jĩĩ yũnyigu.

* **9:6** Versículo 5 yarpa, versículo 6 tiinucãrõpu aperũ bucũpũpu baurícu; aperũpá baucú.

11 Jesús cūūrē jīiyigu:

—Diamacú niivarimapu wáaya. Toopú Judaya wiipu Tarso macūrē sãĩñaña. Cūũ wãmecutii Saulo. Cūũ yũre sãĩgú tiii. 12 Cūũ queẽgũ tiiróbiro ate ññaawĩ: Sícũ Ananías wãmecutigũ cūũ putopu sããati, cūūrē ñaapeó tiiáwĩ, ññaãrõ jīīgũ, jīiyigu.

13 Ananías jīiyigu:

—Õpũ, paũ basocá queti wedeawã. Cūũ Jerusalenpu niigũ, mũrẽ padeorãre ññaarõ tiigú tiiáyigu. 14 Año macãrãcãrẽ mũrẽ padeorãre ñeegũ jeaayigu. Paiaré dutirá dutirigue cwoáyigu, jīiyigu Ananías.

15 Jesús cūūrē jīiyigu:

—Wáagua. Yũ cūūrē yé quetire wedegudure besetoawũ. Cūũ niipetire dita macãrãrẽ, cūã õpãrãrẽ, Israelya põna macãrãrẽ wedewarucugu wáagudaqui. 16 “Jesuré padeóa” cūũ jīirëmena cūũ bayiró ññaarõ netõãdarere yũ basiro cūūrē masĩrĩ tiigúda, jīiyigu.

17 Cūũ teero jīĩari siro, Ananías toopú wáa, tii-wiipú sããwa, Saulore ñaapeó, jīiyigu:

—Yáa wedegu, marĩ Õpũ Jesús, mũũ maapu atiri bauárigu, yũre ticocoawĩ, mũrẽ “ññaãrõ sũcã” jīīgũ. “Espíritu Santo mũũmena niĩãrõ”, jīicoawĩ, jīiyigu.

18 Máata cūũ capearipu wai nutũrĩ tiiróbiro bauré tusaarigue ñaacodiayiro. Ññurõ ññayigu sũcã. Ñña, wãmũncã, wãmẽotinoyigu. 19 Too síro yaa, tutua-jõãyigu sũcã.

Saulo Damascopũ buerigue

Jesuré padeorá Damascopu niirāmena yoasñurĩ pũtuáyigu.

²⁰ Máata judíoa neāré wiseripu “Jesús Cōāmacū macū niĩ” jĩrere wedenucāyigu. ²¹ Niipetira cūũ wederi tuorá, tuomaníjõāyira.

—Āni Jerusalénpu niigũ, Jesuré padeoráre ñañarõ tiirígura niĩrã. Ānopúcārē Jesuré padeoráre ñeegũ atigu tiimíāyigu, Jerusalénpu cúārē néewa, paiaré dutirápũre ticogũũ, jĩyira.

²² Saulope cūũ wederécõrõ jõõpemena nemorõ wedemuñucāyigu. Wãcũtutuaremena “Jesús diamacúrã Cōāmacū beserigu niĩ” jĩ ãñopetijāyigu. Ateména Damasco macārã judíoare jĩwisiójārucuyigu.

Damasco macārã Saulore sããdũgámirigüe

²³ Yoari siro, judíoa neã, Saulore sããdutiadarere wedeseyira. ²⁴ Cũũpe cūũrē sããdare quetire tuojāyigu. Cúã búrecori, ñamirĩ, tiimacã witiwarepu cotemiyira, cūũrē sããdara. ²⁵ Teero tiirá, ñamipu Saulo buerá cūũrē “dutiwáya” jĩ, pairi piimena cūũrē sãã, tiimacã sãñirõ macã sopegãpu duunũñusediocyira.

Saulo Jerusalénpu coepũtũarigüe

²⁶ Cūũ Jerusalénpu jeagu, ãpẽrã Jesuré padeorãmena niidũgamiyigu. Niipetira “cūũ Jesuré padeogá mee niĩ” jĩ, cuiyira. ²⁷ Cúã cuipacari, Bernabé cūũrē tiíapugũ, Jesús beserira pũtopu néewayigu. Toopú jea, Saulo maapu Jesuré ññariguere, cūũ cūũmena wedeseriguere, cūũ Damascopu Jesuyé quetire wãcũtutuaremena wederiguere wedeyigu. ²⁸ Bernabé wederipu,

Saulo cǎãmena niinucãyigu. Jerusalénꝑucãrẽ wãcũtutuaremena Jesuyé quetire wedeyigu. 29 Æpẽrã judíoa griegoaye wedeseramena cãmerĩ sãĩñá, wedeseyigu. Cǎãpe cǎũrẽ sãĩdugápacara, deero tii sãĩmasĩriyira. 30 Cǎã teero tiidugári ãñarã, ãpẽrã Jesuré padeorá cǎũrẽ néebuayira Cesareꝑꝛ. Toopámena cǎũrẽ Tarsopꝛ ticocoyira sáa.

Jesuré padeorá yeerisãrigue

31 Teeburecorimena Jesuré padeorá yeerisãyira. Jõõpemena niipetira Judea, Galilea, Samaria macãrã nemorõ wãcũtutua, padeonemóyira. Jesús dutirére quioníremena tiirucújãyira. Espíritu Santo tiiápuremena ꝑꝛ ãpẽrã Jesuré padeohéra niiãrira padeonucãyira.

Pedro Enearẽ netõnérigue

32 Pedro niipetire macãrĩꝑure ãñanetõgũ, Jesuré padeorá Lida macãꝑꝛ niirãrẽ ãñagũ jeayigu. 33 Toopá sícũ buajeáyigu. Ocho cãmarĩ netõyíro cǎũ wáamasĩhẽgũ pesaró. Cǎũ wãmecutiyyigu Eneas. 34 Pedro cǎũrẽ jĩiyigu:

—Eneas, Jesucristo mꝛꝛrẽ netõnéĩ. Wãmꝛꝛucãña. Mꝛꝛ cõãrõrẽ ãñanoña, jĩiyigu.

Cǎũ teero jĩĩrã, máata Eneas wãmꝛꝛucãyigu. 35 Niipetira Lida, Sarón macãrĩ macãrã cǎũrẽ ãñarã, cǎãcã Jesuré padeonucãyira.

Dorcas masãrigue

36 Jope wãmecutiri macãꝑꝛ sícõ numiõ Jesuré padeogó niyyigo. Coo wãmecutiyyigo Tabita. Griegoayemena coo wãme Dorcas niyyiro.† Coo

† 9:36 Dorcas griegoayemena “Ñama” jĩidugaro tiicú.

ãñurõ tiirucújãyigo. Bóaneõrãrẽ ãñurõ tiápuyigo. ³⁷ Teeburecorire diarecati, diajõãyigo. Coo diaari siro, cúa tiirucúrobirora cooya õpũrẽ coseyira. Cosetóanucõ, sicutatia ãmũãrõ macã tatiapũ péoyira. ³⁸ Jope Lida pãtogã niicu. Teero tiirá, Jope macãrã Jesuré padeorã “Pedro Lidapũ niiãyigu” jĩrĩ tuorã, ãmũã pãarãrẽ “Pedro boyero atiaro” jĩ duticoyira.

³⁹ Cúa Lidapũ jeari, máata Pedro cúaãmena wáayigu. Toopũ jeari, coo diaarigo pesarĩ tatiapũ cũrẽ néemũawayira. Tiitatiapũ wapewia numiã Pedro wesa neãnucãyira. Cúa utirara, docasãñare, apeyé suti sotoá sãñaré coo catigo cũrẽ jeebosáriguere ãñoýira. ⁴⁰ Pedro niipetirare witiwadutiýigu. Cúa witiwaari siro, ñicãcoberimena jeacũmu, Cõãmacũrẽ sãiyigu. Sãitóa, cãmenucã, diaarigore jĩyigu:

—Tabita, wãmũnucãña.

Cũũ teero jĩrĩrã, coo capearire iñapõ, Pedrorẽ iñagõrã, jeaconuãyigo. ⁴¹ Cooya wãmopũ ñee, coore wéemũõnucõyigu. Wapewia numiãrẽ, ãpẽrã Jesuré padeorãmena sããatiduti, catigópũ wiyayigu. ⁴² Niipetiro Jopepũ tuosesájõãyira. Teero tiirá, paũ Jesuré padeonucãyira. ⁴³ Pedro Jopepũre peeburecori Simón wáicura caseri quënogúya wiipũ pũtũáyigu.

10

Cornelio Pedrorẽ atidutirigue

¹ Cesareapũ sĩcũ cien surara dutigũ niyigu. Cũũ wãmecutiýigu Cornelio. Tii põna macãrã surara

wãmecutiyira Italiano. ² Cornelio añuniyigu. Cũya wii macãrã niipetira Cõamacũrẽ quioníremena ñña, padeorã niiyira. Cornelio judíoa bóaneõrãrẽ niyeru ticorucuyigu. Cõamacũrẽ sãirucújãyigu. ³ Sicabũreco ñamica tres niirĩ, cãnirípacu, quẽẽgũ tiiróbiro ññayigu. Ángele cũ puto sããjeari añurõ ññajãyigu.

—Cornelio, jĩyigu.

⁴ Cornelio bayiró cuiremena ññayigu cũũrẽ.

—¿Deero jĩĩ? jĩ yũyigu.

Ángele cũũrẽ jĩyigu:

—Cõamacũ mũũ sãirucúrere “jáũ” jĩãwĩ. Mũũ bóaneõrãrẽ niyeru ticorécãrẽ useniremena ññaãwĩ.

⁵ Jope wãmecutiri macãrũ mũũ ãmũãrẽ ticocoya. Simón Pedro wãmecutigure atidutiya. ⁶ Cũũ wáicũra caseri quẽnogũya wiipũ niiqui. Cũũcã wãmecutii Simón. Cũya wii pairímaa wesarũ niĩã, jĩyigu.

⁷ Ángele cũũrẽ wedetoea, wáajõãyigu. Cũũ wáaari siro, Cornelio cũya wii padecotera pũarãrẽ, sícũ surara cũũrẽ añurõ tiíapugũre atidutiya. Suraracã Cõamacũrẽ padeogúra niiyigu. ⁸ Niipetire cúãrẽ wedetoea, Joperũ ticocoyigu.

⁹ Apebũreco coeritó niirĩ, cúã Joperũ jeaadaara tiiyíra. Pedro cũũ niirí wii sotoarũ Cõamacũrẽ sãigũ mũãwayigu. ¹⁰ Jũabóanucãgũ, yaadũgayigu. Tiiwii macãrã cúã yaaré doarí, cãnirípacu, quẽẽgũ tiiróbiro ññayigu. ¹¹ Ɔmũãse pãõrĩ ññayigu. Toorú sicaró sutiróbiro baurí caseroca ditarũ diiátiyiro. Bapari wesari siaríro niyiyo. ¹² Tiicasero poperũre niipetiracõrõ wáicũra páira, yerarũ

wéera, wuura sãñayira. ¹³ Sícũ cũurẽ wedeseri tuoyígu:

—Jãã, Pedro, ãniãrẽ sãyáya, jĩyigu.

¹⁴ Pedrope cũurẽ yuuyigu:

—Yaaria, yuu Ōpũ. Ñañarã ùsã judíoa yaaya manirãno niíya. Yuu ãniãnorẽ yaahegu niitu, jĩyigu.

¹⁵ Wedeseri tuonemóyigu:

—Cõãmacũ cũũ “ãñurã niíya” jĩrãrẽ murepe “ñañarã, yaaya manirãno niíya” jĩrijãña, jĩyigu.

¹⁶ Itĩãrĩ wedeseari siro, máata tiicasero ãmããsepũ mããjõãyiro sũcã. ¹⁷ Pedro bayiró wãcũrecutiugu. “¿Deero jĩdũgaro tiigári tee yuu quẽẽgũ tiiróbiro ññaãrigue?” jĩ wãcũyigu. Teeré cũũ wãcũgũ tiirí, Cornelio ticocoarira jeayira. “Simónya wii ¿noopú nií?” jĩ sãñããri siro, cũyua wiipũ jeayira. ¹⁸ Jea, bayiró busurómena sãñáyira:

—¿Simón Pedro wãmecutigu atiwiiré nií? jĩyira.

¹⁹ Pedro cũũ ññaãriguere wãcũgũ tiirí, Espiritu Santo cũurẽ jĩyigu:

—Itĩãrã ãmãã mureẽ ãmaãrã tiíya. ²⁰ Boyero diiwágua. Cũãmena wáagua. “Cũã judíoa mee niíya; yuu cũãmena wáari, ññanibocu”, jĩ wãcũrijãña. Yuu cũãrẽ ticocoawũ, jĩyigu.

²¹ Pedro diiwá: —Yuu niíã múã ãmaãgũ. ¿Deero tiirónomena atiarĩ múã? jĩyigu.

²² Cũã yuuyira:

—Sícũ cien surara dutigú Cornelio wãmecutigu ticocoawĩ. Cũũ basocú ãñugú, Cõãmacũrẽ quioníremena ññagú nií. Cũurẽ niipetira judíoa “ãñunií” jĩyia. Sícũ ángele cũurẽ bauá, cũyua wiipũ

m̄ūrē atiaro j̄īyigu, m̄ū wederére t̄uoáro j̄īgũ, j̄īyira.

²³ Cũã j̄īãriguere t̄uogú, Pedro cũãrē sããatiduti, cũã niirí wiip̄u cãnidutíyigu.

Apebúreco cũãmena wáajõãyigu. Æpẽrã tiimacã Jope macãrã Jesuré padeorã cũãrē bapac̄tiwayira.

²⁴ Apebúrecope jeayira Cesareap̄ure. Corneliope cũãya wederare, cũã menamacãrãrē néõ, yueyigu. ²⁵ Pedro toopú jeari, Cornelio cũãrē bocagu witiwayigu. Toopú quioníremena cũãrē padeogú, ñicãcoberimena jeacũmumiyigu. ²⁶ Pedro cũãrē wéem̄õco: —Nucũña; ȳm̄cã basocú niĩa, j̄īyigu.

²⁷ Pedro cũãmena wedeapuḡu sããwayigu. Toopú sããjeagu, pāu basocã neããrirare buajeáyigu.

²⁸ Cũãrē j̄īyigu:

—Ûsã judíoare dutirére múã ãñurõ masĩcu. Múã judíoa niihẽrãye wiserip̄ure naĩrõ sããwadutiria. Múãrē naĩrõ bapac̄tidutiria. Teero niipacari, ȳm̄re Cõãmacũ apẽpõná macãrãrē “ñañarã niĩya” j̄īidutiriawĩ. ²⁹ Teero tiigú, ãniã ȳm̄re “jãm̄u” j̄īrĩ, atiawũ. “Wáaria”, j̄īriawũ. Ȳm̄ masĩd̄ugaga; múã ¿deero tiádara ȳm̄re atidutiarĩ? j̄ī sãñáyigu.

³⁰ Cornelio cũãrē ȳm̄yigu:

—Mecũãmena bapari b̄urecori netõã, ate wáari siro: Ȳm̄ ati horanorã atiwíi yáa wiip̄u beti, Cõãmacũrē sãĩgú tiáwũ. Wãcũña manirõ s̄icũ ãm̄u suti asiyáre sãñarigu bauáawĩ ȳm̄ p̄ator̄u.

³¹ Cũã ȳm̄re j̄īãwĩ: “Cornelio, Cõãmacũ m̄ū sãirére t̄uoáwĩ. M̄ū bóaneõrãrē niyeru ticorécãrē useniremena ññaãwĩ. ³² Teero tiigú, Jop̄ep̄u m̄ū

ũmũãrẽ ticocoya. Simón Pedro wãmecũtigure atidutiya. Cũũ wáicũra caseri quẽnogáya wiipũ niiqui. Cũũcã wãmecũtii Simón. Cũũya wii pairímaa wesapũ niĩã”, jĩ wedeawĩ yũure. ³³ Teero tiigú, máata atidutigu ticocoawũ. Mũũ añurõ tiigú atiyu. Marĩ niipetira Cõãmacũ ññacoropũ niĩã. Niipetire mũũrẽ Cõãmacũ wededutiariguere wedeya. Tũoádara tiia, jĩiyigu.

Pedro Cornelioya wiipũ wederigüe

³⁴ Pedro wedeyigu:

—Yũũ mecũtígã tũomasĩã: Cõãmacũ niipetirare sĩcãrĩbíro ññaqui. ³⁵ Niipetire põnarĩ macãrã cũũrẽ quioníremena ññarãrẽ, cũũ boorẽ tiirãre bocaqui. ³⁶ Múã masĩcu: Cõãmacũ Israelya põna macãrãrẽ cũũye quetire ticocorigũ niiwĩ, Jesucristomena añurõ niirecutirere bũãáro jĩgũ. Jesucristo niipetira Ôpũ niĩ. ³⁷ Niipetiropũ ñsã judíoa niirí ditapũ wáariguere tũojĩyu múãcã. Teerẽ tiinũcãwũ Galileapũ, Juan basocãre “wãmẽõtidutiya” jĩãri siro. ³⁸ Cõãmacũ Jesús Nazaret macã macũrẽ tutuare ticorigũ niiwĩ. Espíritu Santo cũũmena niirĩ tiirígu niiwĩ. Jesús cũũ noo wáaro añurẽ tiiwáwi. Niipetira wãtĩ ññarõ tiirírare netõnéwĩ. Teerẽ tiiwĩ, Cõãmacũ cũũmena niirĩ.

³⁹ Ñsã judíoa niirí ditapũre, Jerusalénpũre cũũ tiiríguere ñsã ññapetijãwã. Cũũrẽna ãpẽrã curusapũ páabiatu sĩadutiwa. ⁴⁰ Cõãmacũpe itiábũreco siro cũũrẽ masõrigũ niiwĩ. Masõãri siro, ñsã pũtopũ cũũrẽ bauánemorĩ tiirígu niiwĩ. ⁴¹ Basocã niipetirare bauáriwi. Ñsãrẽ bauáwi. Ñsãrẽ tíatopũ Cõãmacũ beserigu niiwĩ, Jesús tiiádarere ññapetijããrõ jĩgũ. Cũũrẽ masõãri siro, ñsã cũũmena

yaa, s̄ini tiiwá. ⁴² Ūsārē cū̄ye quetire wededutiwi. “Basocá catiráre, diarirare wapa tiigú̄dare cū̄rigū niwĩ Cōāmacū Jesuré” j̄irere wededutiwi ūsārē. ⁴³ Cōāmacū niipetira Jesuré padeoráre cū̄mena cū̄ ñañaré tiirere acabóḡdaqui. Teeré jóarira niwā niipetira profetas, j̄iyigū.

Judíoa niihērārē Espiritu Santo dijeárigue

⁴⁴ Pedro teero j̄ir̄rā, Espiritu Santo dijeáyigū Pedro wederere t̄oráp̄ure. ⁴⁵⁻⁴⁶ Teero tiirá, cū̄ ãpērāyēmena wedesen̄cāyira mas̄ripacara. Cōāmacūrē “añuniā m̄m̄” j̄i, ūsenire ticoyira. Judíoa Pedrose bapac̄tiatarira teeré t̄orá, t̄oman̄j̄ōāyira.

—¡Acuéi! Judíoa niihērāp̄ucārē Cōāmacū Espiritu Santore niigū jeari t̄i, j̄iyira.

⁴⁷ Pedro j̄iyigū:

—Cōāmacū Espiritu Santore ticoi añiācārē mar̄i judíoare tiir̄iobirora. Teero tiirá, “wāmeōtirijāña” j̄i cāmotámas̄ria, j̄iyigū.

⁴⁸ Teero tiigú, cū̄ārē Jesucristo wāmemena wāmeōtidutiwigū. Too síro cū̄ cū̄ārē j̄iyira:

—Ñopá p̄tuácūmuña ména s̄iquē b̄recori ūsāmena, j̄iyira.

Teero tiigú, cū̄mena p̄tuáyigū.

11

Pedro Jerusalén̄p̄ Jesuré padeoráre wederigue

1 Jesús beserira, Jesuré padeorá Judeapɯ niirã atequetí tɔoyíra: “Judíoa niihērã Cõãmacũye que-tire booáyira” jĩrere tɔoyíra. 2 Teero tiirá, Pedro Jerusalénɯ pɯtɯajeari, judíoa Jesuré padeorá sĩquērã cũrẽ sãĩñáyira:

3 —Mɯ judíoa niihērãya wiipɯ sãawayiro. Cũãmena yaayiro, jĩyira.

4 Pedro cũrẽ toopá wáariguere ãñurõ wedemũãncãyigu cũãrẽ:

5 —Yɯ Joperɯ niigũ, súbusegɯ tiiwá. Yɯ cãnirípacɯ, quēēgũ tiiróbiro ññawũ. Ɔmũãsepɯ sicaró sutiróbiro baurí caseroca yɯ pɯtopɯ diiátiwɯ. Too bapari wesari siaríro niiwũ. 6 Yɯ tiicasero popeapɯ niirere ñña, “¿ñeenó niĩ?” jĩ wãcũgũ, ññaquēnowũ. Niipetira wáicɯra páira, macãncũ macãrã, yepapɯ wéera, wũrã sãñawã. 7 Yɯ teeré ññarĩ, sícũ yũre wedeseri tɔowú: “Jãã, Pedro, ãniãrẽ sãyáyã”, jĩwĩ. 8 Yũre cũrẽ yũwɯ: “Yaaria, yũ Ɔpũ. Ñañarã ãsã judíoa yaaya manirãno niĩya. Yũ ãniãnorẽ yaahegɯ niitɯ”, jĩwã. 9 Ɔmũãsepɯ wedesegɯ yũre jĩnemowĩ: “Cõãmacũ cũ ‘ãñurã niĩya’ jĩrãrẽ mũre ‘ñañarã, yaaya manirãno niĩya’ jĩrijãña”, jĩwĩ. 10 Ìtĩãrĩ wedeseari siro, niipetiremena ãmũãsepɯ mũãjõãwã.

11 Teero wáarira, ñtĩãrã ãmũã Cesarea macãrã yũ pɯto ticocoarira jearira niiwã yũ niirĩ wiipure. 12 Espiritu Santo yũre cũãmena wáadutiwi. “Cũã judíoa mee niĩya; yũ cũãmena wáari, ñañanibocu’, jĩ wãcũrijãña”, jĩwĩ. Ñniã seis Jesuré padeorá yũmena jeawa. Ɔsã toopá

jea, yũre boocóriguƷa wiipũ sããjeawũ. ¹³ Ɔsã toopũ sããjeari, tiiwĩ macũ Ɔsãrẽ wedewi: “Sĩcũ ángele yáa wiipũ nucũrĩ ññaãwũ. Cũũ yũre jĩãwĩ: ‘Jopery mũũ ãmuãrẽ ticocoya. Cũãrẽ Simón Pedro wãmecutiguƷe atidutiya. ¹⁴ Cũũ Cõãmacũyere mũũrẽ wedegũdaqui. Mũũ, mũũya wii macãrãmena netõnéãdare quetire wedegũdaqui’, jĩ wedeawĩ yũre ángele”, jĩwĩ.

¹⁵ ‘Yũũ cũãrẽ wedesenũcãrĩrã, sicato marĩrẽ diijeárirobirora Espiritu Santo diijeárigũ niwĩ cũãpũre. ¹⁶ Teeré ññagũ, Jesús marĩ Ɔpũ jĩriguere wãcũwũ: “Juan múãrẽ ocoména wãmeõtiwi. Yũũ Pacupeja nemorõ ãñurõ tiigũdaqui múãrẽ. Péerogã siro Espiritu Santore ticodiocogũdaqui”, jĩwĩ. ¹⁷ Teero tiigũ, yũũ wãcũtu: “Cõãmacũ marĩrẽ ticodiocoribirora cũãrẽ ticodiocorigũ niwĩ, cũã Jesucristo marĩ Ɔpũrẽ padeorí. Teero tiigũ, yũũ Cõãmacũrẽ netõnũcãmasĩritũ”, jĩyigu Pedro.

¹⁸ Cũũ tee jĩrĩ tuorá, cũũrẽ jĩñemoriyira sãa. Cõãmacũrẽ Ʒsenire ticoyira:

—Judíoa niñhãcã cũã ññañaré tiirére wãcũpati, wasorá, Cõãmacũ netõnérira niñãdacua. Cũãcãrẽ catiré petihére ticogũdaqui, jĩyira.

Antioquía macãrã tiirẽcutiriguƷe

¹⁹ Judíoa Estebanrẽ sãrĩ siro, Jesuré padeoráre ññañarõ netõrĩ tiyira. Teero tiirá, dutibatéjõãyira. ãpẽrã Fenicia ditapũ, ãpẽrã Chipre nucũrõpũ, ãpẽrã Antioquíapũ jeayira. Cũã toopũ jeara, judíoa dícuƷe Jesuyé quetire wedeyira. ²⁰ Sĩquẽrã cũãmena dutiwárira Antioquíapũ jea, judíoa niñhãcãrẽ wedeyira. Cũã Chipre macãrã, Cirene macãrã

niiyira. “Jesús marĩrẽ netõnégũ niipetira Õpũ niĩ”,
jĩĩ wedeyira. ²¹ Cõãmacũ cúãrẽ ãñurõ tiíapuyigũ.
Teero tiirá, paũ too macãrã Jesuré padeonũcãyira.

²² Jerusalén macãrã Jesuré padeorá tee que-
tire tũoyíra. Teeré tũorá, Bernabére Antioquíapũ
ticocoyira. ²³ Cũũ tiimacãpũ jea, Cõãmacũ cúãrẽ
tiíapurere ñña, bayiró Ɂseniyigũ. Cúãrẽ wãcũtutuare
tico, wedeyigũ:

—Jesuré múã wãcũdurijãña. Cũũ dutirére ãñurõ
tiirucújãña, jĩiyigũ.

²⁴ Cũũ ãñuniwĩ. Espíritu Santo cũũmena niirigũ
niiwĩ. ãñurõ Cõãmacũrẽ padeorucúrigũ niiwĩ. Paũ
basocá cũũ wedeserere tũorá Jesuré padeoyíra.

²⁵ Bernabé Antioquíapũ niigũ, Tarsopũ
Saulore ãmaãgũ jeayigũ. ²⁶ Cũũrẽ buajeá,
Antioquíapũ néerũtũayigũ. Cũũ tiimacãpũre Jesuré
padeorãmena sicacũma niiyira. Paũ basocáre
bueyira. Toopũ Jesuré padeoráre “cristiano”
jĩĩnũcãyira.

²⁷ Teebũrecorire Jerusalén macãrã profetas
Antioquíapũ jeayira. ²⁸ Sícũ cúãmena jearigũ
wãmecũtiyigũ Agabo. Cũũ Espíritu Santo masĩré
ticorẽmena wedeyigũ:

—Niipetiropũ jũabóare wãaadacu, jĩiyigũ.
Jũabóare wãawũ Claudio romanuã õpũ niirito.

²⁹ Teeré tũorá, Jesuré padeorá cãmerĩ
wedeseyira:

—Marĩ niyeru ticocoadã Judeapũ niirãrẽ Jesuré
padeoráre. Marĩ cũoró jeatuaro ticocoadã, jĩiyira.

³⁰ Cũũ jĩĩrirobirora niyerure néõ, Bernabé,
Saulomena ticocoyira Judeapũre. Cúãrẽ jĩiyira:

—Ateré ticowa butoá dutiráre, jĩyira.

12

Santiago diarigue; Pedrore peresuwiipũ sōnecorigue

¹ Teeburecorire Herodes Judea dita õpũ niiyigũ. Cũũ sĩquẽrã Jesuré padeorãre ñañarõ tiiãpeyigũ. ² Juan sōwũ Santiagore espadamena sĩadutiyigũ. ³⁻⁴ Cũũrẽ sĩãrĩ ññarã, judíoa useniyira. Cũã usenirĩ ññagũ, Pedrore ñeeduti, peresuwiipũ sōnecodutiyigũ. Baparipõna surara waso, cũũrẽ coterucuyira. Sicapõna macãrã bapari dícu niyira. Pascua burecori niirĩ, Herodes teero tiiyigũ. “Pascua burecori siro Pedrore néewioneco, basocã ññacoropũ sĩadutígũda”, jĩ wãcũmiyigũ. ⁵ Teero tiirã, Pedrore cotemiyira peresuwiipũ. Cũũ toopú niirĩ, Jesuré padeorãpe Cõãmacũrẽ bayiró sãirã tiiyira.

Ángele Pedrore peresuwiipũ netõnérigue

⁶ Herodes cũũrẽ sĩadutiadari suguero macã ñamirẽ Pedro surara puarã decopũ cãnigũ tiiyigũ. Cõmedã puadãmena siatúnoyigũ. Æpẽrã surara sopepú peresuwiire cotera tiiyira. ⁷ Wãcũña manirõ sícũ ángele cũũ niirõpũ bauáyigũ. Æñurõ bóejõãyiro. Cũũrẽ warupũ paacaré, wãcõyigũ.

—Boyero wãmanucãña, jĩiyigũ ángele.

Cũũ teero jĩĩrã, cõmedári Pedroye wãmorĩrẽ siatúaredari jõãcódaiyiro.

⁸ —Sitũrũda siatúya. Mũye sapaturre sãñaña, jĩiyigũ.

Pedro cũũ jĩĩrirobirora tiiyigũ.

—Mũyaro sutiró sotoá macãrõ sãñaña. Jãmu, yũre nanuñá, jĩiyigu.

⁹ Pedro cũũ siro nanuwitíwayigu. “¿Diamacúrã niigari ate ángele yũre néewitiware? Apetó tiigú, quẽẽgũ tiibócu”, jĩ wãcũmiyigu cũũpeja. ¹⁰ Surara niisuguerare netõwáyira. Too síro surara ãpẽãrẽ netõwáyira. Tiiwii sããwaro cõme sopepãma niirõpu jeayira. Tiipãma basiro pãõjõãyiro. Cũã tiisopere witiwayira. Maapu yoasãñurõ wáa, ángele diti-jõãyigu.

¹¹ Pedro ãñurõ tuomasĩncãjea, wãcũyigu: “Diamacúrã niiãyu yũ ññaãrigue. Niirõrã Cõãmacũ yũre netõnégũdu ángelere ticocoayi, Herodes sĩaríjããrõ jĩĩgũ. Judíoa niipetire yũre ññaãrõ wáare ññadugarere cãmotáayi”, jĩ wãcũyigu.

¹² Teeré masĩtoa, wáajõãyigu Juan Marcos pa-coya wiipu. Co wãmecutiyigo María. Tiiwiipũre paũ basocá neã, Cõãmacũrẽ sãĩrã tiiyira. ¹³ Toopũ jea, sicato sããrõ macã sopepãmapũ doteyigu. Ti-iwii padegó, Rode wãmecutigo, “¿noã niĩ?” jĩ sãĩñágõ wáayigo. ¹⁴ Pedro wedeserere tuomasĩ, bayiró useniyigo. Usenipaco, pãõriyigo. Cãmecutúsã, cúãrẽ: —Pedro sopepã niiãti, jĩ wedemiyigo.

¹⁵ —Mũũ teero jĩãmajãgõ tiia, jĩiyira.

—Diamacúrã jĩã, jĩiyigo.

—Too docare Pedrore cotegú ángele niiqui, jĩĩmiyira.

¹⁶ Cũã teero jĩĩcõãtorito, Pedro dotejãgũ tiiyigu. Cũã wáa, pãõ, Pedrore ñña, ññamanijõãyira. ¹⁷ Cũãrẽ wãmomena wẽẽtucoyigu, nocõrõ wedeseya jĩĩgũ.

Cõãmacũ cãũrẽ peresuwiipũ néewitiwaariguere wedeyigu.

—Santiagoore, ãpẽrã Jesuré padeorãre teeré wedeya, jĩyigu.

Tiiwiĩ niiãrigũ witi, wáajõãyigu aperopú.

¹⁸ Bóeri surara Pedro manirĩ ñnarã, bayiró wãcũpatiyira. “¿Deero wáayiriye?” cãmerĩ jĩyira. ¹⁹ Herodes “Pedro maniãwĩ” jĩrĩ tãogú, surarare “ãmaãrã wáaya” jĩcoyigu. Cũã ãmaãmiyira. Buaríyira. Herodes Pedrore cotemiãrirare bayiró sãĩñáruçu, cãũrẽ sãjãdutyigu.

Too síro Herodes Judea ditapũ niiãrigũ Cesareapũ niigũ wáayigu.

Herodes diarigue

²⁰ Herodes bayiró cúayigu Tiro, Sidón macãrĩ macãrãmena. Cũã Herodeya ditapũ yaaré sãĩrucúyira. Cũũ cúãmena cúagu, yaaré dúadutiriyigu. Teero tiirã, cãũrẽ ñnarã wáayira. Herodeyere dutibosagũmena tiiápure buayíra. Cũũ wãmecutiyigu Blasto. Cũũ tiiápuremena ãñurõ niirecutirere sãiyíra Herodere.

²¹ —Tiibureco niirĩ, múãrẽ wedeguda, jĩyigu Herodepe.

Cũũ jĩri bureco jeari, Herodes cãũye õpũ suti ãñurere sãña, õpũ duiirĩõpũ dui, basocãre wedeyigu. ²² Cũũ teero wederi, basocã acaribíyira:

—Ate sícũ cõãmacũ wederé niiã; basocã wederé mee niiã, jĩyira.

²³ Cũũpe “niiria; yũũ basocã niiã; cõãmacũ mee niiã” jĩriyigu. Teero tiigú, wãcũña manirõ ángele cãũrẽ diarecutiri tiiyígu. Teero tiirã, cãũrẽ becoa yaasãjãyira.

²⁴ NiiPETIropu Jesuyé queti sesajõãyiRO. Teero tiirá, paU Jesuré padeonemóyira.

²⁵ Bernabé, Saulomena Jerusalénpu Jesuré pade-oráre tiíáputoa, cãmecóputuayira Antioquíapu. Juan MarcORE cããmena néewayira.

13

Bernabé, Saulo Jesuyé quetire apeyé macãrĩpu buenãcãrigue

¹ Antioquíapure Jesuré padeorámena niyira profetas, ãpẽrã JesuyéRE buerá. Noquẽrã niyira:

Bernabé,

Simón (cããrẽna “Ñígũ” jĩyira),

Lucio (Cirene macã macã),

Manaén (Herodes Galilea õpãmena sĩcãrõména masãrigu),

Saulo niyira.

² Sicabureco cãã beti, Cõãmacũrẽ sãĩ, usenire ticora tiirí, Espiritu Santo cããrẽ jĩyigu:

—Bernabé, Saulore beseya, yuu cããrẽ “tiiyá” jĩrẽRE tiirá wáari, jĩyigu.

³ Teero jĩrĩ tuo, beti, Cõãmacũrẽ sãĩãri siro, cããrẽ ñaapeó, “wáaya” jĩyira.

Chiprepu Bernabé, Saulo buerigu

⁴ Teero tiirá, Espiritu Santo ticocoarira niijĩrã, wáayira. Seleucia macãpu búawasugueyira. Too macãrã dooríwãmena wáa, Chipre nacũrõpu jeayira. ⁵ Salaminapu niirã, judíoa neãré wiseripu Jesuyé quetire bueyira. Juan Marcos cããrẽ tiíápugu wáayigu.

6 Tiimacã niiãrira wáa, tiinucãrõpũre Jesuyé quetire buesugocojãyira. Téé apeniñá Pafos macãpũ buejeayira. Tiimacãpũre sícũ judíoayũ yái tiiróbiro niigúrẽ buajeáyira. Cũũ wãmecutiwigũ Barjesús. “Yũũ profeta niiã”, jĩditonetõwigũ. 7 Tiinucãrõ dutigú bayiró masígú menamacũ niwigũ. Cũũ wãmecutiwigũ Sergio Paulo. Cũũ Cõãmacũye quetire tũodũgágu, Bernabé, Saulore sũodutiwigũ. 8 Cũã jeari, yái tiiróbiro biigú cúã buerére cãmotádũgamiwigũ. Cũũrẽ Elimas jĩyira griegoayemena. Cũũ tiinucãrõ dutigú Jesuré padeorí booriwigũ. 9 Saulo, ãpẽrã “Pablo” jĩgú, Espíritu Santo cũũmena niirĩ, cũũrẽ bayiró ñña, 10 jĩyigũ:

—Mũũ jĩditorebucũ, mũũ booró tiigú, wãtĩ tiiróbiro tiigú, ãñuré tiirére ññatutigũ niiã mũũ. Cõãmacũ diamacú wederére “diamacú niiria” jĩ wedewisiogũ tiia. 11 Mũũrẽ mecãtigã Cõãmacũ ññaarõ tiigúdaqui. Mũũ capeari ññahẽgũ pũtũágudacu; yoari muĩpũ bóerere ññaricu, téé Cõãmacũ booró jeatuario, jĩyigũ Pablo.

Máata cũũrẽ naĩtĩãjõãyiro. Paaãmanucũ, cũũrẽ wéewaadarare ãmaãyigũ. 12 Teero wáari ññagũ, tiinucãrõ dutigú quioníremena Jesuyé buerére ññamanijõãgũ, Jesuré padeonucãyigũ.

Antioquía Pisidia ditapũ Bernabé, Pablo buerigue

13 Pablo, cũũ menamacãrãmena Pafopũ niiãrira tĩãwa, Panfilia ditapũ jeayira. Tiiditapũ jea, Pergepũ wáayira. Cũã Pergepũ jeari, Juan Marcos cúãrẽ toorá cũũ, coecórpũtũayigũ

Jerusalénꝑꝰ. ¹⁴ Tiimacãꝑꝰ niĩãrira wáayira apemacã Antioquíapꝰ. Tiimacã Pisidia ditapꝰ ꝑꝰtuáa. Judíoa yeerisãri bꝰreco niirĩ, cúã neãrĩ wiipꝰ sããwa, duiyira. ¹⁵ Moisére dutiré cũũriguere, profetas jóariguere buetoari, tiwiĩ dutirá cúãrẽ wededutiya:

—Ësãya wedera, basocãre wededugara, wedeya, cúãrẽ wãcũtutuaaro jĩĩrã, jĩĩyira.

¹⁶ Pablo “jáu” jĩĩ, wãmꝰnꝰcã, wãmo wẽẽtuyigꝰ, ditamaníña jĩĩgũ. Teero tiitóa, cúãrẽ wedeyigꝰ:

—Yáa wedera Israelya põna macãrã, Cõãmacũrẽ quioníremena ñnarãcã, yũure tꝰoyá: ¹⁷ Cõãmacũ Israelya põna macãrã Òꝑũ niirigꝰ niiwĩ. Cũũ ùsã ñecũsũmũãrẽ besecũrigꝰ niiwĩ. Cúã ãpẽrãyé dita Egiptopꝰ niirĩ, cúãrẽ ꝑꝰ basocáputiri tiirígꝰ ni-iwĩ. Too síro cúã tiiditapꝰ niirãrẽ cũũ tutuaremena néewitiatirigꝰ niiwĩ. ¹⁸ Cuarenta cãmarĩ basocá manirõꝑꝰ cúã cũũrẽ netõnꝰcãriguere nꝰcãrigꝰ ni-iwĩ. ¹⁹ Too síro cúã Canaán ditapꝰ jeari, tiidita macãrã siete põnarĩ macãrãrẽ cõãrĩ tiirígꝰ niiwĩ. Tiiditare ùsã ñecũsũmũãrẽ cũũrigꝰ niiwĩ. ²⁰ Tiiditapꝰ cúãrẽ cũũãri siro, cuatrocientos cincuenta cãmarĩ niiyira.

’Cúã toopú niirĩ, Cõãmacũ cúãrẽ queti beseadarare cũũyigꝰ. Téé profeta Samuel niiré bꝰrecoripꝰ dutituyira. ²¹ Samuel niirito, basocá sĩcũ cúã õꝑũ niigũdare sãĩyira. Cõãmacũ cúã õꝑũrẽ sõnecoyigꝰ. Cũũ wãmecutiigꝰ Saúl. Cũũ ꝑꝰ Cis wãmecutiigꝰ. Cúã Benjamínya põna macãrã niiyira. Saúl cuarenta cãmarĩ cúã õꝑũ

niiyigu. ²² Cõãmacũ cãûrẽ õpũ niiré wionécoari siro, Daviré cúã õpũ sõnecoyigu. Cõãmacũ Daviyé maquẽrẽ wedeyigu basocáre: “Yũũ ñnarĩ, David, Isaí macã, yũũ tusarére tiii. Niipetire yũũ tiidutíre tiigúdu niĩ”, jĩiyigu. ²³ “Sĩcũ David pãrãmi niinũnũsegũpũ Israelya põna macãrãrẽ netõnégúduare ticocoguda”, jĩĩ wedeyigu Cõãmacũ ãsã ñecũsũmũãrẽ. Jesús Cõãmacũ jĩirigura niĩ. ²⁴ Jesús buenãcããdari suguero, Juan Israelya põna macãrãrẽ bueyueyigu: “Múã ñañaré tiirére wãcũpati, waso, wãmeõtidutiya”, jĩiyigu. ²⁵ Juan cãũ tiiré petiádarõ tiirí, jĩiyigu: “Yũũ múã wãcũgũ mee niĩã. Yũũ siro ãpĩ atiqui. Cãũ ãñunetõgũ niiqui. Yũũpe cãũ ðuaró búri niigú niĩã”, jĩiyigu.

²⁶ Yáa wedera Abraham pãrãmerã niinũnũsera, Cõãmacũrẽ quioníremena ñnarãcã, tũoyá. Cõãmacũ marĩrẽ cãũ netõnére quetire ticocorigu niiwĩ. ²⁷ Jerusalén macãrã, cúãrẽ dutirácã Jesuré ññamasĩriyira. Cúã yeerisãre bærecoricõrõ profetas jóariguere buepacara, tũomasĩriyira. Jesuré sããdutíri, tee jóaripũ jĩrõbirora tiiyíra. ²⁸ Cãũrẽ sããrĩ tiiréno wapa buaripacara, Pilatore “sããdutiya cãũrẽ” jĩĩ sãiyíra. ²⁹ Cõãmacũye queti jóaripũ jĩrõbirora cãũrẽ tiipetíra, curusapũ niigúre néedioco, ãtãtutipũ cũũmiyira. ³⁰ Cõãmacũpe cãũrẽ diarigupũre masõrigu niiwĩ. ³¹ Jesús cãũ masãri siro, pee bærecori bauáyigu cãũmena Galileapũ nii, Jerusalénpũ bapacati jearirare. Cúãrã cãũ masãrigure ñnarira basocáre wedeeya.

³² 'Ûsãcã múãrẽ teeréna wedea. Cõãmacũ marĩ ñecũsũmũãrẽ cãũ jĩrirobirora ³³ marĩrẽ cúã pãrãmérã niinũnũserapũre teeré tiiẽñoyigu. Tee

Jesús diarigupure masōrigue niiã. Salmopũcãrẽ teerẽ biiro jóanoã: “Mũũ yũũ macũ niiã. Mecũãmena yũũ mũũ pacũ niirere masĩadacu”,* jĩ jóarigue niiã. ³⁴ Cũũ diarigupu masõadare, cũũya õpũũ bóariadarecãrẽ biiro jóanoã: “Niipetire yũũ Daviré jĩriguecõrõ mũũrẽ añurõ tiiboságudacu”,† jĩ jóanoã. ³⁵ Salmopũru David biiro jóarigu niuwĩ sũcã: “Mũũ ‘bóarijããrõ’ jĩgũdacu mũũ maigũrẽ”,‡ jĩ jóarigu niuwĩ. ³⁶ Daviré Cõamacũ dutirere ti, cũũ dutirito macãrãrẽ tiiápu, too síro diajõã, cũũrẽ yaaári siro, bóawejõãjĩyi. ³⁷ Cõamacũ masōrigupe bóaweririgu niuwĩ. ³⁸⁻³⁹ Yáa wedera, yũũ múãrẽ wederere masĩrĩ booa. Múã Moisére dutiré cũũriguere tiipacára, acabóre buarícu. Jesuména, cũũrẽ padeorá, tee niipetire acabóya maniriguere acabóre buamasícu. ⁴⁰ Profetas jóarigue múãrẽ wáari jĩrã, añurõ wãcũña. Biiro jóarira niuwã:

⁴¹ Múã Cõamacũrẽ buijãrã, añurõ tiiyá.

Múã catiré burecorire yũũ tiiádarere ãnogũda.

Ãpẽrã múãrẽ teeré añurõ wedepacari,
padeorídojãcu.

Teero tiirá, ññamanijõã, diajõãadacu múã,§
jĩ jóarira niuwã, jĩ wedeyigu Pablo.

⁴² Cúã witiwari, cũãrẽ sãiyíra:

—Ape yeerisãri bureco niirĩ, ateré buewa sũcã
ũsãrẽ, jĩiyíra.

⁴³ Tiiwĩ neããrira witibatewara, paũ judíoa,
judíoa niihẽrã Cõamacũrẽ useniremena padeorá

* **13:33** Salmo 2.7. † **13:34** Isaías 55.3. ‡ **13:35** Salmo 16.10.

§ **13:41** Habacuc 1.5.

cúãmena bapacutiwayira. Pablo, Bernabé cúãrẽ jĩyira:

—Cõãmacũ múãrẽ añuré ticorére wãcũdurijãña. Cũũrẽ padeorucújãña, jĩ wedeyira.

⁴⁴ Apesemána yeerisãri bureco niirĩ, niipetira timacã macãrã Cõãmacũye quetire tãoádara neãyira.

⁴⁵ Паи neãrĩ ññarã, judíoa bayiró pesucatiyira. Teero tiirá, ññarõ wedeseremena Pablo buerére “diamacũ niiria” jĩ buijãyira. ⁴⁶ Pablo, Bernabé teeré tãorá, cuiro manirõ cúãrẽ jĩyira:

—Múã judíoare ãpẽrã suguero Cõãmacũye quetire bueró niirõ tiiwú. Múã teeré tãopacára, booría. “Cõãmacũ catiré petihére ticorére cãobórano mee niã”, jĩrã tiia múã. Teero tiirá, ãsã mecãtígãrẽ judíoa niihẽrãrẽ Cõãmacũye quetire bueadacu sãa.

⁴⁷ Cõãmacũ teeré jĩ dutirigũ niiwĩ ãsãrẽ cũyeye maquẽ jóaripũpũre:

Yũũ mũũrẽ sããwócore tiiróbiro cũũã judíoa niihẽrãpũre.

Yũũ netõnére quetire buegãdacu niipetire macãrĩpũ,*

jĩ jóarigue niã, jĩyigũ Pablo.

⁴⁸ Teeré tãorá, judíoa niihẽrã bayiró ãseniyira. “Cõãmacũye queti añunetõjõãã”, jĩyira. Cõãmacũ catiré petihére ticonoádara padeonãcãyira.

⁴⁹ Tiiditapũre Jesuyé quetire wedewarucuyira.

⁵⁰ Judíoape Pablo, Bernabére cõãdũgayira. Cũã masĩrã numiãrẽ cúari tiiyíra. Cũã numiã cúãmena naĩrõ súubusera neãrã niiyira. Basocá añurã numiã niiyira. Ëmũãcãrẽ teerora cúari tiiyíra. Cũã ãmũã ãpũtí macãrã niiyira tiimacãpũre.

* **13:47** Isaías 42.4; 49.6.

Pablo, Bernabére ñañarõ tiinucãrĩ tii, cúãya ditapũ niiãrirare cõãjãyira. ⁵¹ Cúãpe tiimacã maquẽ dita cúãye dupori túaariguere páabatecõãyira. “Múã basiro wapa cnoa” jĩrã, teero tiiyíra. Iconio macãpũ wáajõãyira. ⁵² Jesuré padeorá Espíritu Santo cúãmena niirĩ, bayiró useniremena putuáyira.

14

Iconiopũ Pablo, Bernabé tiirígue

¹ Pablo, Bernabé Iconiopũre judíoa neãrĩ wiipũ sããwa, wedeyira. Cúã tuoríãñuremena wederi, paũ judíoa, ãpẽrã judíoa niihẽrã Jesuré padeonucãyira.

² Judíoa Jesuré padeohéra judíoa niihẽrãrẽ cúari tii, ñañarõ wãcũrĩ tiiyíra Pablo, Bernabére. ³ Teero tiirã, Pablo, Bernabé yoari putuáyira tiimacãpũre. Cuiro manirõ marĩ Õpũyere wedeyira. Cõãmacũpe “diamacãrã wedeeya” jĩgũ, cũũ tutuaremena tiiẽnorĩ tiiyígũ. ⁴ Tiimacã macãrã pũapõná batoyira. Æpẽrã judíoa tiiróbiro wãcũyira; ãpẽrãpé Jesús beserira tiiróbiro wãcũyira. ⁵ Teero tiirã, judíoa niihẽrã, judíoa, cúãrẽ dutirámena neã, wedeseyira:

—Jãmũ, Pablo, Bernabére ñañarõ jĩ, ãtãperimena déesĩããda marĩ, jĩmiyira.

⁶ Pablo, Bernabé cúãrẽ ñañarõ tiidugárere tuorã, dutijõãyira. Licaonia ditapũ jea, too maquẽ macãrĩ Listra, Derbe, apeyé macãrĩpucãrẽ jeayira. ⁷ Toopãre Jesuyé añuré quetire wedewarucuyira sũcã.

Listrapũ Pablöre ãtãperimena déerigue

8 Listrapu sīcū basocú wáamasīhēgū duiyigu. Sicato bauágurera dūpori posarigu niyigu. 9 Toopú duigu, Pablo basocáre wederére tuoýigu. Pablo cūūrē ĩña, “āni Jesuré cūūye dūpori netōnémasīrere padeói” jīi wācūyigu. 10 Teero tiigá, bayiró wedeseremena: —Muu dūporimena añuripī wūmūncāña, jīiyigu.

Cūū teero jīrīrā, bupucutúa, wāanucāyigu. 11 Pablo teero tiirí ĩñarā, Licaonia macārā cúāyemena bayiró busurómena wedeseyira:

—Cōāpōna basocá tiiróbiro ōpūcutira marī pūtopu diijeáaya, jīiyira.

12 Bernabére cúāyagu cōāmacū Zeus wāmecutigu wāme tuuyira. Pablopere, cūū wederi ĩñarā, āpī cúāyagu cōāmacū Hermes wāmecutigu wāme tuuyira. 13 Tiimacā witiwaropu Zeure padeorí wii niyiro. Tiwií macū pai wecuá ūmūārē coorimena mamōārīrare tiimacā sāāwaropu néeatidutiýigu. Pai, āpērā too macārā Pablo, Bernabére padeoádara, wecuare sīādugāmiyira. 14 Cūā teeré tiidugári tūorá, Pablo, Bernabé cūā basiro cúāye sutire wéeyigajāyira. “Múā tiíadare bayiró ñañañ” jīrā, teero tiyíra. Cūā pau decopu cutawá, cúārē bayiró busurómena jīiyira:

15 —¡Múā ūsārē teeré tiiríjāña! Ūsācā múā tiiróbirora basocá niíā. Múā biiro tiirécūtirere nocōrōrā duujāña. Múā padeoré wapamaníā. Cōāmacū catigūpere padeonucāña. Cūū ūmūāse, atiditá, día pairímaa, niipetire atibūreco niirére tiirígu niwī. Teeré múārē wedera atira tiíawū. 16 Cōāmacū tíatorpūre niipetire dita macārī macārā cúā booró tiirí, cāmotáririgu niwī. 17 Basocá

cũũrẽ padeorípacari, cũũ niirecutirere cũũ ãñurẽ tiirémèna ãñoĩ niipetirare. Cũũ oco peari tiirémèna ote ducacutiri tiii. Marĩrẽ ãñurõ yaaré tico, useniremena niirĩ tiii, jĩiyira.

18 Wáicurare sã, cũũrẽ padeoádara tiimíyira. Péerogã dusaátiri, Pablo, Bernabé cũũrẽ cãmotájãyira.

19 Antioquía macãrã, ãpẽrã Iconio macãrã jeayira toopãre. Judíoa niiyira cũã. Basocãre wãcũre wasorí tiiyira. Pablõre ùtãperimena dée, “diajõãĩ” jĩimiyira. Macã wesapũ wéewa, cũũjãyira.

20 Jesuré padeorã cũũrẽ ñnasodeanucãyira. Cũũpe wãmũncã, macãpũ piyajõãyigũ sũcã. Apebúreco Bernabémèna Derberũ wáajõãyigũ.

21 Cũã toopú jea, Jesuyé ãñurẽ quetire wedeyira. Too macãrã paũ cũã buerere padeonucãyira. Too síro cũã cãmeputãaatiyira Listrapũ. Too macãrã Iconiopũ, too macãrã Antioquíapũ putãajeayira.

22 Teemacãrĩpũre Jesuré padeorãre wãcũtutuare ticoyira. “Jesuré padeorucújãña”, jĩiyira. “Marĩ Cõãmacũ Òpũ niirõpũ wáaadari suguero, pee ñañaré wáari, wãcũbayijãrõ booa”, jĩiyira. 23 Jesuré padeoré põnarĩcõrõ butoá dutirãre beseyira. Cũũrẽ cũũrã, beti, Cõãmacũrẽ sãiyira. “Marĩ Òpũ múã padeogú tiiapuaro múãrẽ” jĩĩ, wáajõãyira.

Antioquía Siria ditapũ Pablo, Bernabé putãárigue

24 Pablo, Bernabé Pisidia ditapũ netõwá, Panfilia ditapũ jeayira. 25 Pergepũ wedetõa, Atalia macãpũ búajeayira. 26 Too macãrã dooríwũmena wáyira Antioquíapũ wáara. Tiimacã macãrã cũũrẽ sicato

ticocora, “Cõãmacũ múãrẽ ãñurõ cotearo” jĩ tico-
coyira. Cõãmacũ tiidutirere tiirá wáadutiya. Cúãpe
teeré tiipetitoa, pũtuajeajõãyira. ²⁷ Tiimacãpũ co-
erá, Jesuré padeoráre néõ, Cõãmacũ cúãmena ti-
iríguere wedeyira. “Cõãmacũ judíoa niihêrãcãrẽ
netõnerere ticowi”, jĩ wedeyira. ²⁸ Cúã yoari
pũtuáyira Jesuré padeorãmena.

15

Jerusalénpũ neãrigue

¹ Cúã toopũ niirĩ, ãpêrã Judea dita macãrã cúã
pũtopũ jeayira. Jesuré padeoráre bueyira:

—Múã Moisére dutiré cúãrigue tiihéri, múã
cõnerígũ yapa macã caseróre widecõãhêrĩ,
Cõãmacũ múãrẽ netõneriqui, jĩyira.

² Pablo, Bernabé cúãmena bayiró cãmerĩ
wedeseyira. Teero tiirá, Antioquía macãrã
Jerusalénpũ ticoadara, Pablo, Bernabé, ãpêrã
too macãrãrẽ beseyira. Cúãrẽ jĩyira:

—Jerusalénpũ wáaya. Jesús beserirãmena,
ãpêrã bũtoá dutirãmena wedesera wáaya tee marĩ
wedesere maquêrẽ, jĩ ticocoyira.

³ Jesuré padeorá cúãrẽ ticocori, Fenicia
dita, Samaria ditapũ netõwáyira. Teemacãrĩpũ
netõwára, judíoa niihêrã cúã Jesuré
padeonũcãrigue quetire wedeyira. Tee quetire
tũorá, niipetira Jesuré padeorá bayiró ỹseniyira.

⁴ Cúã Jerusalénpũ jeari, Jesuré padeorá, Jesús
beserira, ãpêrã bũtoá dutirá cúãrẽ bocayira. Cúãrẽ
Cõãmacũ cúãmena tiiríguere wedeyira. ⁵ Toopũre

sĩquẽrã fariseo basoca Jesuré padeorá niyira. Cũã wãmɯɯɯcã, wedeseyira:

—Judíoa niihẽrã cũã Jesuré padeorí, cũã cõnerígu yapa macã caseróre wıdecõãdutiro booa. Moisére dutiré cũũriguere tiıdutıro booa, jĩĩmiyira.

⁶ Teero tiirá, Jesús beserira, ãpẽrã bũtoá dutirá neã, wedeseyira tee maquẽrẽ. ⁷ Cũã yoari cãmerĩ sãĩñã wedeseari siro, Pedro wãmɯɯɯcã, cũãrẽ jĩĩyigu:

—Yáa wedera, múã masĩã: Cõãmacũ jõõ niiritopɯ, judíoa niihẽrãrẽ cũũye quetire wededutigu, yũre beserigu niıwĩ. Cũãcãrẽ teeré tɯo, “Jesuré padeoáro” jĩĩrigu niıwĩ. ⁸ Cõãmacũ niıpetire basocá wãcũrere masĩgú “yáara niĩya cũã” jĩĩrere ẽñogú, Espıritu Santore ticorigu niıwĩ cũãrẽ marĩrẽ cũũ ticorırobırora. ⁹ Marĩrẽ cũãmena tuudɯcáwarırigu niıwĩ. Cũãcãrẽ Jesuré padeorí, cũã ñañaré tiirere acabórigu niıwĩ. ¹⁰ Múã Cõãmacũrẽ “mũũ cũãrẽ netõnémasĩricu, cũã Moisére dutiré cũũriguere tıihéri” jĩĩrã tiıcú. Marĩ ñecũsũmũã Moisére dutiré cũũriguere tıi sıcãrĩbíriyira; marĩcã sıcãrĩbíricu. ¹¹ Cõãmacũ judíoa niihẽrãrẽ tiıróbıro marĩrẽ netõnéqui. Jesús marĩ Õpũrẽ padeorí, wapa booró manırõ marĩcãrẽ netõnéqui, jĩĩyigu Pedro.

¹² Teeré tɯorá, niıpetira ditamanjõãyira. Bernabé, Pablo wedeserecãrẽ ãñurõ tɯoyıra. Judíoa niihẽrã pɯtopɯ Cõãmacũ cũãmena tiıẽñonetõriguere wedeyira. ¹³ Cũã wedetoari, Santiago wedeyigu:

—Yáa wedera, tɯoyá. ¹⁴ Cõãmacũ judíoa niihẽrãpũre cũũyara niıãdarare besesũguerıguere

wedeawĩ Simón Pedro. ¹⁵ Profetas teerora jóarira niiwã. Cúã jóariguere añurõ t̃uoyá:

¹⁶ “David dutirigue petirí siro, cúã p̃ãrãmérã niinunusera dutirigue petirí sirop̃, s̃icũ David p̃ãrãmi niinunusegure yuu cúã õp̃ũ s̃õnecogudacu s̃icã.

¹⁷ Teero tiirá, judíoa niihẽrã yuure padeoádacua, yuu beserira niijĩrã”, ¹⁸ j̃ĩrig̃u niiwĩ Cõãmacũ. Tíator̃u teeré j̃ĩrig̃u niiwĩ Cõãmacũ, basocáre masĩdutig̃u,* j̃ĩ jóarira niiwã.

¹⁹ 'Too docare judíoa niihẽrã Jesuré padeonucãrãrẽ “dutipotocõrijãada sáa” j̃ĩ wãcũã yuu. ²⁰ Ateré jóaada cúãrẽ: Wáicura dii cúã padeoráre ticoariguere yaarijãña. Æpẽrãména ñañarõ ñeeaperijãña. Wáicura dii díi cõãña maniré diiré yaarijãña. Wáicura díire s̃inirijãña, j̃ĩ jóaada. ²¹ Múã masiã: Tíator̃u marĩ yeerisãre burecoricõrõ Moisére dutiré cũũriguere wedenucãj̃iya. Marĩcã atitóre buedecocatia. Teeré niipetire macãr̃ip̃u judíoa neãré wiserip̃u bueeya, j̃ĩyig̃u Santiago.

Judíoa niihẽrãrẽ jóaripũ

²² Teero tiirá, Jesús beserira, Æpẽrã b̃utoá dutirá, niipetira Jesuré padeorámena j̃ĩyira: “Marĩ ticoadarare beserĩ, añuãdacu. Pablo, Bernabémena cúãrẽ ticococo Antioquíap̃u”, j̃ĩyira. Judare beseyira. Cũũrẽna Æpẽrã Barsabás j̃ĩyira. Æpĩ Silas niiyig̃u. Cúã p̃narã cúã añurõ padeorá niiyira.

²³ Cúãmena atipũ ticocoyira:

* **15:18** Amós 9.11-12.

“Ūsā Jesús cūyere wededutigū beserira, āpērā butoá dutirá múā judíoa niihērārē añudutia. Múā ūsā baira tiiróbiro niirā Antioquíapū, Siriapū, Ciliciapū niirārē jóaa. ²⁴ Sīquērā āno macārā ūsā menamacārā ūsā dutiró manirō múā pūtopū wáyira. Múārē potocōāyira. Cúā wederémēna múārē wedewisioayira. ²⁵ Teeré tūorá, ūsā sīcārībīro wācūrēmēna ūmūā sīquērārē múā pūtopū bese, ticocori, ‘añuādacu’ jīāwū. Cúā wáaadacua Bernabé, Pablo marī bayiró maīrāmena. ²⁶ Bernabé, Pablo sīārīquioro tiiyira, Jesucristo marī Ōpūyere buera. ²⁷ Judas, Silas ūsā ticocora wedeadacua atipū maquērē. ²⁸ Ūsārē Espiritu Santo wācūrē ticorobirora pee dutiré múārē cūūricu. Ate bayiró booré dí cure múārē cūūāda: ²⁹ Wáicūra dii cúā weerirare ticoariguere yaarijāña. Wáicūra díre sīniríjāña. Wáicūra dii díi cōāña maniré diiré yaarijāña. Āpērāmēna ñañarō ñeeaperijāña. Múā ate dutirére tiirā, diamacú tiirā niīadacu. Nocōrōrā niīā”, jīi jóayira.

³⁰ Cúā “wáara tiia” jīi, Antioquíapū wáajōāyira. Toopú jea, basocāre neāduti, tiipūrē wiyayira. ³¹ Tiipūrē bueri tūorá, wācūtutuare ñeerā, añurō ūseniyira. ³² Judas, Silas profetas niijīrā, yoari wedeyira. Āñurō wācūtutuare, añurō yeeripūnacūtire ticonemoyira cúārē. ³³ Yoasāñurī niiyira cúāmena. Too síro “wáara tiia” jīi, wáajōāyira. Too macārāpe “Cōāmacūmena wáaya múārē ticocorira pūtopū” jīicoyira. ³⁴ Silape “wáagu

tiia” jĩpacu, “yuu ãno putuáguda” jĩ, putuájãyigu.
³⁵ Pablo, Bernabécã too Antioquíapũ putuájãyira.
 Paũ ãpẽrãména too macãrãrẽ Jesuyé quetire
 bueyira.

Pablo, Bernabé cãmerĩ cõãrigue

³⁶ Nocõrõ yoari siro, Pablo Bernabére jĩyigu:

—Jãmu sũcã, wáaco marĩ Jesuyé quetire bueré
 macãrĩcõrõ. Jesuré padeonucãrirare ññanetõãda,
 ¿deero niirecutimiĩ cũã? jĩrã, jĩmiyigu.

³⁷ Bernabé néewadugamiyigu Juan Marcore.

³⁸ Pablope jĩyigu:

—Too sugueropũ bueyapacutiriwi cũũ. Pan-
 filiapũ marĩ niirĩ, cõãcoputuaatiwi. Marĩmena
 wáanemorĩ booríga, jĩyigu.

³⁹ Cũã basiro bayiró cãmerĩ wedese, cúa, cãmerĩ
 cõãjãyira. Bernabépe dooríwũmena Chipre
 nucũrõpũ Marcore néewayigu. ⁴⁰ Pablope Silare
 beseyigu. Jesuré padeorã “Cõãmacũ cũũ ãñuré
 ticorémena múãrẽ cotearo” jĩ sãĩbosári siro,
 wáajõãyigu. ⁴¹ Wáa, Siria, Cilicia ditapũ netõwáyigu.
 Jesuré padeorãre wãcũtutuare ticonemoyigu.

16

Silas, Timoteore Pablo néewarigue

¹ Pablo Derbe, Listra macãrĩpũre jeayigu.
 Toopá sĩcũ Jesuré padeogúre buajeáyigu. Cũũ
 wãmecutiyyigu Timoteo. Cũũ judíoayo Jesuré
 padeogó macũ niyyigu. Pacũpé griegoayo niyyigu.
² Jesuré padeorã Listra, Iconio macãrã cũũrẽ
 “ãñuniĩ” jĩ wedeseyira. ³ Pablo cũũrẽ bapacutiaro
 jĩgũ, néewadugayigu. Judíoare tiigú, Pablo Timoteo

cõneríꝝ yapa macã caseróre widecõãdutiꝝꝝ. Judíoa niipetira tiidita macãrãpe Timoteo pacu griegoꝝ niirére masíyira. ⁴ Teero tiitóa, macãrípure netõwáyira. Jerusalén macãrã Jesús beserira, ãpẽã bũtoá dutirá dutiré cũũriguere wede, “teeré tiiyá” jĩnetõwayira. ⁵ Teero tiirá, Jesuré padeorá wãcũtutanemoyira. Jesuré padeodúriyira. Búrecoricõrõ ãpẽrãcã Jesuré padeonũcãyira.

Pablo quẽẽgũ tiiróbiro Macedonia macãrẽ ñnarigue

⁶ Too síro cãã Asia ditapũ Jesuyé quetire buera wáadugarare Espíritu Santo cãmotáyíꝝ. Teero tiirá, Frigia, Galacia ditape tããtãwa, ⁷ Misia dita táariropũ jeayira. Toopú jea, Bitinia ditapũ wáajõãmiyira. Espíritu Santo toopúcãrẽ wáadutiriyíꝝ. ⁸ Teero tiirá, Misia netõwá, búawayira Troaspũ. ⁹ Toopú ñami Pablo quẽẽgũ tiiróbiro sícũ Macedonia dita macũ cũũ puto wedesenucũrĩ ññayíꝝ:

—Ësã Macedonia macãrãrẽ tiiápugũ tĩãatiya, jĩyíꝝ.

¹⁰ Cũũ quẽẽrõpũ tiiróbiro ññaãri siro, máata ùsãrẽ néewaadariwure ãmaãwũ.* “Cõãmacũ marĩrẽ Macedonia macãrãrẽ Jesuyé ãñuré quetire wededutigũ tiiájíyĩ”, jĩ wãcũwũ.

Filipospũ Lidia padeonũcãrigue

¹¹ Ësã Troaspũ niiãrira dooríwũmena diamacúrã Samotracia nũcũrõpũ wáajõãwũ. Apebúreco Neápolis macãpũ wáawũ. ¹² Too macãrã Filipospũ

* **16:10** Lucas atipũ jóarigũ Troaspũ niijíyĩ. Pablo toopú jeari, Lucas cãũmena wáayigũ Macedoniapũ.

maajeáwɛ. Romanuã tiirí macã niiã. Macedonia ditapɛre Filipos búri niirí macã mee niiã. Tiimacãɛre síquẽ bɛrecori pɛtuáwɛ. ¹³ Judíoa yeerisári bɛreco niirí, tiimacãrẽ witiwa, día wesapɛ jeawɛ. “Judíoa súubusero toopá niibocu”, jĩ wãcũwã. Numiã neããrirare buajeá, cúãmena dui, wedewɛ cúãrẽ. ¹⁴ Toopúre sícõ Tiatira macã macõ niiwõ. Coo suti wapapacáre sã ñiisãñúre dúago niiwõ. Cõãmacũrẽ padeogó niiwõ. Coo wãmecutiwo Lidia. Coo Pablo wederére tuorí, Cõãmacũ coore añurõ tuonɛnúseri tiiwí. ¹⁵ Coore, cooya wii macãrãrẽ wãmeõtiari siro, ùsãrẽ jĩwõ:

—Yɛɛre “diamacũrã Jesuré padeogó niyo” jĩ wãcũrã, jãmɛ, yáa wiipɛ pɛtuáya, jĩwõ.

Coo bayiró pɛtuádutiri tuorá, pɛtuáwɛ.

Pablöre, Silare peresuwiipɛ sõnecorigue

¹⁶ Sicabɛreco ùsã Cõãmacũrẽ súubuseropɛ wáara, sícõ numiõ wãtí sããnorigore bocawɛ. Coo ãpẽrãrẽ dutiapenori basoco niiwõ. Wãtí masíré ticorémèna too síropɛ wáaadarere wedemasíwõ. Coo teero wederémèna coore dutiaperã pairó niyeru wapaséwa. ¹⁷ Pablöre, ùsãrẽ bayiró bɛsɛrómèna jĩnɛnɛsewo:

—Ñiã Cõãmacũ ùmũãsepɛ niigúrẽ padecotera niíya. Cõãmacũ basocáre netõnére quetire wedeeya, jĩwõ.

¹⁸ Pee bɛrecori teero jĩnɛnɛsewo. Pablöre páasuti, cãmenúcã, wãtí coomena niigúrẽ jĩwí:

—Mɛɛ coomena niigúrẽ Jesucristo wãmemèna witiwadutia, jĩwí.

Máata witiijõãrigɛ niiwí.

19 Coore dutiapera “deero tii niyeru wapatánemoricu coomena” jĩwã. Teero tiirã, Pablo, Silare ñee, tiimacã decopu dutirãpũre néewawa. 20 Queti beserí basoca pũtopũre néejea, jĩwã:

—Ñniã judíoa niiĩya. Marĩya macã macãrãrẽ wedeñañorã tiiĩya. 21 Apeyẽ niirecutirere bueeya. Marĩ romanuã niijĩrã, teero niirijãrõ booa. Marĩ teeré tiimasĩria, jĩwã.

22 Toopá neããrircã Pablo, Silamena cúajõãwã. Queti beserí basoca Pablo, Silare cúãye sutire tuuwéduti, tãnadutiwa. 23 Cúãrẽ bayiró tãnatóa, peresuwiipũ tuunécõñecowa. Tiiwií coterí basocũre dutiwitĩwari jĩrã, añurõ biajãdutiwa. 24 Cúã teero jĩrĩ tũogú, peresuwií coterí basocũ niituri tatiapũ tuunécõñecoyigũ cúãrẽ. Pũagú yucũgũ tusure coperi watoapũ cúãye dũporire súucũduti, siatú, biadũpójãyigũ.

Cõãmacũ dita cãmeñarĩ tiirigue

25 Ñnami deco Pablo, Silas Cõãmacũrẽ sãĩ, basapeoyira. Æpẽrã peresu niirã cúã basari tũoyíra. 26 Wãcũña manirõ dita bayiró cãmeñayiro. Cúã niirí wii maquẽ botarí cãmeñayiro. Máata tiiwií biare sopepãmarĩ pãõpetijõãyiro. Niipetira peresuwiipũ niirãrẽ cõmedárimena siatũarigue jõãpetijõãyiro. 27 Tiiwií coterí basocũ wãcã, tee pãõãrigue soperire ñña, “dutipetijõããya” jĩ wãcũmiyigũ. Teero tiigú, cuiigũ, cũũ basiro espada née, sããgũdũ tiimiyigũ. 28 Pablope cũãrẽ bayiró wedeseremena jĩĩyigũ:

—Muu basiro ñañarõ tiiríjãña. Æsã ãnopú niipeti-jãã, jĩyigu.

²⁹ Teero jĩrĩ tuogú, cúãrẽ coterí basocupe sãwócore néeatiduti, sãcutúsãyigu Pablo, Silas niirõpu. Cuigu, bayiró ñapõpigu, cúã puto ñicãcoberimena jeacũmuyigu. ³⁰ Too síro wũmunucã, cúãrẽ néewitiwa, sãñáyigu:

—¿Deero tiibógari yuu, Cõamacũ yuure netõnéãrõ jĩgũ?

³¹ Cúã yuuyira:

—Muu ãsã Õpũ Jesuré padeogú, netõnénogũdacu. Muuya wii macãrãcã padeorá, netõnénoãdacua, jĩyira.

³² Cũũrẽ, cũũya wii macãrãrẽ Cõamacũye quetire wedeyira. ³³ Ñami tii horara cúã tãnaãrigue cãmirẽ cosegúdu néewayigu. Coseári siro, máata cũũ, cũũya wii macãrã wãmeõtinoyira. ³⁴ Tiiwíi coterí basocu cũũya wiipu néemãwa, cúãrẽ yaaré ecayigu. Cũũ, cũũya wederamena bayiró useniyira Cõamacũrẽ padeonucãrã.

³⁵ Bóeri queti beserí basoca tiimacã coterí basocare jĩyira:

—Íniãrẽ wionécodutira wáaya, jĩyira.

³⁶ Tiimacã coterí basoca toopú jea, cúã jĩãriguere tiiwíi coterí basocare wedeyira. Teeré tuo, cũũpu Pablöre wedeyigu sáa:

—Múãrẽ queti beserí basoca “wionécoaro” jĩãrira niiãwã. Teero tiirá, ãñurõ wáaya, jĩyigu.

³⁷ Pablöre tiimacã coterí basocare jĩyigu:

—Æsã romanuã niipacari, queti beserí basoca ãsã tiiãriguere beseripacara, ãsãrẽ

basocá ññacoropu tñnarĩ tiiáwã. Peresuwiipu tuunésõnecori tiiáwã. Mecütigã ñsãrẽ basocá ññahërõpu wionécodugacua. Niiria. Cúã basiro atijĩrã, ñsãrẽ néewionecora atiaro, jĩiyigu.

³⁸ Tiimacã coterí basoca queti beserí basocare wedera wáayira.

—Ñniã “romanuã niiã ñsã” jĩi wedeawã, jĩiyira.

Teeré tñorá, queti beserí basoca cuiyira.

³⁹ Tiiwiipú jea, cúãrẽ acabóre sãiyira. Sãitóa, cúãrẽ peresuwiipu niirãrẽ néewioneco: —Atimacãrẽ niirijãña; wáaya, jĩiyira.

⁴⁰ Pablo, Silas peresuwiipu niiãrira wáa, Lidiaya wiipu sããwayira sũcã. Toopú Jesuré padeoráre ñña, wãcütutuare tico, wáajõãyira.

17

Pablo Tesalónicapu tiirígue

¹ Pablo, Silas netõwáyira Anfípolis, Apolonia macãrĩrẽ. Too netõwá, jeayira Tesalónica macãpu. Tiimacãpũre judíoa neãrí wii niyiuro. ² Pablo cãñ tiirucúrobirora tiiwiipú sããwayigu. Itiã semana cúã yeerisãre bñrecoricõrõ Cõãmacũye queti jóaripũ maquẽrẽ wedeyigu. ³ Tiipũ maquẽrẽ cúãrẽ wede, “Cõãmacũ beserigũre ññarõ netõ diari siro, masãgũdaqui” jĩi wedeyigu.

—Jesús yũũ múãrẽ jĩiãrigũ Cõãmacũ beserigũra niĩ, jĩiyigu.

⁴ Cũũ wederi tñorá, sĩquẽrã judíoa “teerora niiã” jĩi, Pablo, Silamena niinũcãyira. Teero biiri paũ griegoa Cõãmacũrẽ padeorá, paũ uputí macãrã numiã cúãmena niinũcãyira. ⁵ Teero tiirã, ãpẽrã

judíoa ñnatutiyira Pablo, Silare. Teero tiirá, ñmuã daderáre, ñañarã niisodeaatirare néõ, tiimacã macãrãrẽ cúaaro jĩrã, acaribídutiyira. Cúã cúara, Jasónya wiipũ wáayira. Pablora, Silare basocá decopũ néewaadara ãmaãrã wáamiyira. ⁶ Buaríyira. Cúãrẽ buahéra, Jasónrẽ, ãpẽrã Jesuré padeoráre ñee, wéewayira. Acaribíwa, tiimacã dutirá pũtopũ jea, wedesãyira:

—Ñniã niipetiro cúã wáaropũre wedemecũõrã tiicúa. Maríya macãrẽ teerora tiijeáaya. ⁷ Jasón cúãrẽ cũya wiipũ cuoárigũ niĩawĩ. Cúã niipetire romanuã õpũ dutirére netõncãrã tiiáwã. “Ãpĩ õpũ niĩ, Jesús wãmecũtigũ” jĩrã tiiáwã, jĩyira acaribíremena.

⁸ Cúã teero jĩrĩ tuorá, niipetira, cúãrẽ dutirácã dee tii masĩriyira. ⁹ Jasónrẽ, cũũ menamacãrãrẽ niyeru cũũdutyira cúãmena.

—Ate wisióre quẽnojeáripũ, wiyaáda múãrẽ tee niyerure, jĩyira.

Niyeru cũũãri siro, cúãrẽ duujãyira.

Pablo Bereapũ tiirígue

¹⁰ Máata tiiñamirã Jesuré padeorá Pablo, Silare wáadutiyira Berea macãpũ. Toopũ jea, judíoa neãrĩ wiipũ sããwayira. ¹¹ Berea macãrãpe Tesalónica macãrã nemorõ basocá ãñurã niyira. Cúã wederere tuõsényira. Teeré tuorá, ¿diamacãrã niimĩ? jĩ masĩdugara, búrecoricõrõ Cõãmacũye queti jóaripũrẽ teero buerucujãyira. ¹² Teero tiirá, paũ Jesuré padeonũcãyira. Basocá ãñurã griegoa numiã, ñmuãcã paũ padeonũcãyira. ¹³ Tesalónica

macãrã judíoa Pablo Bereapũ “Cõãmacũye quetire wedegũ tiiáyigu” jĩrere tũoyíra. Teero tiirã, toopú wáayira. Wedemecũõ, cúari tiiyíra. ¹⁴ Teero tiirí ñnarã, Jesuré padeorã máata Pablöre día pairímaapũ wáadutiyira. Silas, Timoteo tiimacãpũra putuájãyira. ¹⁵ Pablöre néewarira Atenaspũ jea, cũürẽ toopú cũũjã, cãmecóputuayira. Cũãmenarã Pablo queti ticocoyigu:

—Boyero Silas, Timoteo atiaro ãnopú, jĩyigu.

Pablo Atenaspũ tiirígue

¹⁶ Pablo Atenaspũ cũãrẽ yuegu, tiimacã macãrã pee cũã padeorã weerirare ñnagũ, bayiró wãcũyigu. ¹⁷ Teero tiigú, judíoa neãrí wiipũ sããwa, judíoamena, ãpẽrã Cõãmacũrẽ padeorãmena wedeseyigu. Búrecoricõrõ macã decopũ cũũ buajeáramena wedeseyigu. ¹⁸ ãpẽrã epicúreoyere buerã, estoicoyere buerã Pablomena wedeseyira. Cũũ Jesuyé quetire, diarirapũ masãrere wedeyigu cũãrẽ. Cũã basiro cãmerĩ sãñáyira:

—¿Deero jĩdugagu tiii ãni, teero wedeseãmajãgũ? jĩyira.

ãpẽrãpé jĩyira:

—Apeditã macãrã cũã padeorãye maquẽrẽ wedesegũ niitu niĩ, jĩyira.

¹⁹ “Jãmũ” jĩ, cũürẽ néewayira Areópago buropũ, dutirá neãrucuropũ. Cũürẽ jĩyira:

—Mũũ mama bueré wederere tũodugága. ²⁰ Mũũ tũoyã maniríguere wedesea. Teeré masídugaga. ¿Deero jĩdugaro tiii? jĩyira.

²¹ Atenas macãrã, aperó macãrã toopú jea niirã mama queti dícre tũo, wedese usenicua.

22 Pablo Areópagoꝝ neãrã decopu wãmũnucã, jĩiyigũ:

—Múã Atenas macãrã, múãyarare bayiró padeóa, yũũ iñarĩ. 23 Yũũ iñanetõgũ, múã súubuserere iñagũ, sicaró múã súubuseropu jóaturiguere iñããwũ: “MASIÑA MANIGÛRË SÚUBUSERO NIIÃ”, jĩ jóaturigue niãwũ. Múã masĩripacara súubusegurena yũũ múãrẽ wedea.

24 Cõãmacũ atibúrecore, atibúrecopu niirécãrẽ tiirígũ niiwĩ. Ëmũãse, atiyepá Õpũ niĩ. Teero tiigú, basocá cúã tiiré wiserire niiriqui. 25 Marĩ paderémena cũũrẽ tiápumasĩña manicú. Apeyenó ðusarĩcu cũũrẽ. Cũũ niipetirare catiré, yeerisãre, apeyé niipetirere ticoqui.

26 Sícũ basocúmenarã niipetire põnarĩ macãrã wáari tiirígũ niiwĩ. Cúãrẽ atibúreco niipetiropu wáa, niirĩ tiirígũ niiwĩ. Cũũrã niipetire põnarĩrẽ “atiditapú nocõrõ yoari niãdacua” jĩ cũũrigu ni-iwĩ. 27 Cõãmacũ teero tiirígũ niiwĩ, cũũrẽ ãmaããrõ jĩigũ. ãñurõ ãmaãmasĩhẽrã niipacara, buabócu. Cũũ marĩ sĩquẽrã putogã niiqui. Yoaropu ni-iriqui. 28 Cũũ tutuaremena marĩ cati, wáamasĩ, niã. Múã basarére jóarira biiro jóarira niiwã: “Marĩcã cũũ põna niã”. 29 Marĩ Cõãmacũ põna niijĩrã, oro, plata, ùtãmena tiirírare “Cõãmacũ niĩ” jĩ wãcũrijãrõ booa. Marĩ wãcũrémena Cõãmacũ queorére tiimasĩricu. 30 Cõãmacũ too suguero macãrãpũre cũũrẽ masĩrijãrã, cũũ dutirére tiihérare teero iñãjãrigu niiwĩ. Atitóre niipetirare niipe-tiropũre cúã ñañaré tiirére wãcũpati, wasodutíqui. 31 Cõãmacũ niipetirare wapa tiãdari bũrecore be-setoayigũ. Tiibũreco jeari, queoró jĩirémene wapa

tiigúdaqui. Cũũ beserigumena teero tiigúdaqui. “Cũũrã múãrẽ wapa tiigúdu niĩĩ” jĩĩ ãñoğú, di-arigupure masõrigu niĩwĩ, jĩĩyigu Pablo.

³² Diarirapu masãrére wederi tuorã, sĩquẽrã buijãyira. Æpẽrãpé: —Too síro mũũ wedeseri tuoáda teerėja, jĩĩyira.

³³ Pablo cúã too niirĩrã, wáajõãyigu. ³⁴ Sĩquẽrã Jesuré padeó, Pablöre nũnyíra. Sĩcũ Areópagopu dutirámena neãrucugu niiyigu. Cũũ wãmecutiyigu Dionisio. Apegó Dámaris wãmecutiyo. Æpẽrã cúãmena niiyira.

18

Corintopu Pablo tiiríque

¹ Too síro Pablo Atenaspu niĩãrigu Corinto macãpu wáajõãyigu. ² Toopú jeagu, judíoayũ Pontó dita macãrẽ buajeáyigu. Cũũ wãmecutiyigu Aquila. Pablo toopú wáaadari suguero, Claudio romanuã õpũ judíoa Romapu niirãrẽ witidutiyo. Aquila, cũũ nũmo Priscilamena Italiapu niĩãrira witi, jeayira tiimacã Corintore. Pablo cúãrẽ ãñagũ wáayigu. ³ Cũũ cúã paderenorã padegú niijĩgũ, cúãmena padegudu putuáyigu. Wáicura caserimena wiseri tiirã niyira. ⁴ Judíoa yeerisãre burecoricõrõ cúã neãrí wiipu wedegu wáayigu. Judíoare, judíoa niihẽrãrẽ padeodugári tiidugágu tiimiyigu.

⁵ Silas, Timoteo Macedoniapu niĩãrira jeari, Pablo wederé dícu wedeyigu. “Jesús Cõãmacũ beserigu niĩĩ”, jĩĩ wedemiyigu judíoare. ⁶ Cũãpe cũũ wederere cãmotãncãyira. Cũũrẽ ñãñarõ jĩĩyira. Teero tiigú, Cõãmacũ cúãrẽ ñãñarõ tiíadarere ãñoğú,

cũũ sotoá sãñaãrrore, tuuwé páabateyigu. Cũãrẽ jĩyigu:

—Múã pecamepu wáari, múãye wapa niiãdacu; yéé wapa mee niiãdacu. Teero tiigú, mecũãmena judíoa niihẽrãrẽ wedegu wáaguda, jĩyigu.

⁷ Tiiwií niiãrigu witiwayigu. Apewíí p̄atogã ni-irí wiipu sãawayigu. Tiiwií Ticio Justoya wii ni-iyiro. Cõãmacũrẽ padeogú niyigu cũũ. ⁸ Judíoa neãrí wii dutigú, cũũya wii macãrãmena Jesuré padeoyíra. Cũũ wãmecũtiyigu Crispo. Pau too macãrãcã Pablo wederére t̄orá, Jesuré padeoyíra. Padeó, wãmeõtinoyira.

⁹ Sicañami Pablo cãnirípacu, quẽẽgũ tiiróbiro Jesús cũũrẽ wederi t̄oyígu. Cũũrẽ jĩyigu:

—Cuirijãña. Yéere wederucujãña. Wededujã tiirijãña. ¹⁰ Yũũ m̄ũũmena niirucujãã. Basocá m̄ũũrẽ ñañarõ tiimasĩricua. Atimacãrẽ pau yũũre padeoádara niĩya, jĩyigu.

¹¹ Teero tiigú, Pablo sicacũma apecũmá deco toopú p̄atũáyigu. Cõãmacũye quetire bueyigu.

¹² Teebũrecorire s̄icũ Acaya dita dutigú niyigu. Cũũ wãmecũtiyigu Galión. Cũũ dutigú niirito, judíoa s̄icãrĩbíro wãcũrã Pablöre ñee, queti beserópu néewayira. ¹³ Galiónrẽ jĩyira:

—Ñani Cõãmacũrẽ padeodutíre romanuã õpũ dutirére netõnũcãre niĩã, jĩyira.

¹⁴ Pablo wedegudu tiirí, Galión judíoare wedesaguecojãyigu:

—Ñani apeyenó ñãñoãtã, basocãre ñañarõ tiiátã, múãrẽ ãñurõ t̄uobójĩyu. ¹⁵ Múãye, múã judíoa dutiré niirĩ, múã basiro quẽnoñá. Yũũ teenórẽ besegudu mee niĩã, jĩyigu.

16 Cúã queti beserópꝛu niiãrirare cõãwionecojãyigu.
 17 Niipetira Sóstenes judíoa neãrí wii dutigúre ñee, queti beserí wii díamacũ páayira. Galiónpe “cúã booró tiiáro” jĩĩjãyigu.

Antioquíapꝛu Pablo coepꝛutárigue, too síro cũũ wedewanemorigue

18 Pablo peeburecori putuáyigu Corintopꝛu. Too síro Jesuré padeoráre “wáagu tiia” jĩĩ, dooríwꝛmena wáajõãyigu Siria ditapꝛu wáagu. Priscila, Aquila cũũmena wáayira. Cencreapꝛu búawasꝛgueyira. Toopꝛú Pablo Cõãmacũrẽ “biiro tiigúda” jĩĩrirobirora tiigú, cũũ póare pedecõãjãyigu.
 19 Too macãrã Éfesopꝛu tĩãjeayira. Tiimacãpꝛu Pablo cũũyigu Priscila, Aquilare. Cũũpe judíoa neãrí wiipꝛu sããwa, judíoare wedeyigu. 20 Cũũrẽ yoasãñurĩ putuádutimiyira. Cũũpe booríyigu.

21 —Jerusalénpꝛu yũre wáaro booa, bosebureco ññagũ wáagu. Múãrẽ ññagũ atinemogũdacu, Cõãmacũ boorí, jĩĩyigu.

“Wáagu tiia” jĩĩ, wáajõãyigu dooríwꝛmena.
 22 Cesareapꝛu jea, Jerusalénpꝛu maawáyigu. Toopꝛú Jesuré padeoráre añudutiyigu. Too macũ Antioquíapꝛu wáajõãyigu. 23 Toopꝛúre péero nii, wáajõãyigu sũcã. Galacia dita maquẽ macãrĩrẽ, Frigia dita maquẽ macãrĩrẽ netõwáyigu. Niipetira Jesuré padeoráre wãcũtutuare ticonemoyigu.

Apolos Éfesopꝛu buerigue

24 Tíatore judíoaꝛu Alejandría macã macũ Éfesopꝛu jeayigu. Cũũ wãmecutiyigu Apolos. Cũũ aññurõ wedemenigũ niiyigu. Cõãmacũye queti jóaripũ maquẽrẽ aññurõ masĩgũ niiyigu. 25 Marĩ Õpũ “biiro

niirecutiro booa” jĩrere buenorigu niyigu. Juan basocare wãmeõtigu buerigue dícare masĩpacu, diamacú Jesuyere bueyigu useniremena. ²⁶ Cũũ judíoa neãrí wiipũ cuire manirõmena wedenucãyigu. Priscila, Aquila cãũrẽ tuo, néewa, Cõãmacũye quetire añurõ diamacú wedenemoyira.

²⁷ Cũũ Acayaru “wáagudu tiia” jĩrĩ, Jesuré padeorá “añurõ wáaya” jĩyira. Cũũrẽ paperapũ jóabosayira. Jesuré padeorá Acayaru niirãrẽ “Apolore añurõ bocaya” jĩ jóayira. Cũũ toopú jeagu, Cõãmacũ tiápuremena Jesuré padeorãre añurõ tiápuyigu.

²⁸ Cũũ niipetira ñnacoropũ judíoare cũũ wedemeniremena docacũmurĩ tiyigu. Cõãmacũye queti jóaripũrũ cãũrẽ bue, “Jesús Cõãmacũ beserigu niĩ” jĩrere ãñoyigu.

19

Éfesopũ Pablo buerigue

¹ Apolos Corintopũ niirito, Pablope ãmãreburire netõwá, Éfesopũre jeayigu. Toopú sĩquẽrã Cõãmacũrẽ padeorãre buajeáyigu. ² Cũũrẽ sãñáyigu:

—Múã Cõãmacũrẽ padeorí, ¿Espíritu Santo múãmena niinucãrĩ? jĩyigu.

Cũãpe yũyira:

—Õba. Æsã Espíritu Santo niirere tuohéra niitũ, jĩyira.

³ —Too docare ¿noã wederiguere padeojĩrã, wãmeõtituditiri? jĩyigu.

—Juan wederiguere padeojĩrã, wãmeõtidutiwũ, jĩiyira.

⁴ Pablo jĩinemoyigu:

—Juan basocãre wãmeõtiyigu. Teemena cúã ñañaré tiirére wãcũpati, wasorére ãñoýira. Juan biiro wedeyigu: “Yũũ siro ãpĩ atigũdaqui. Cũũrẽ padeoyã”, jĩiyigu. Cũũ teero jĩĩ wederigura niĩ Jesús, jĩiyigu.

⁵ Cũũ teero jĩĩrĩ tũorã, Jesús wãmemena wãmeõtidutiwũ. ⁶ Pablo cúãrẽ ñaapeóri, Espiritu Santo cúãpũre niigũ diijeáyigu. Æpẽrã basocãye wedeserere masĩripacara, wedesenũcãyira. Cõãmacũ wededutirere wedeyira. ⁷ Cúã niipetira niirã, doce ãmũã niiyira.

⁸ Pablo tiimacãpũ judíoa neãrĩ wiipũ wáarucuyigu. Itĩãrã muĩpũrã tiiwiipũre cuire manirõmena wedeyigu. “Cõãmacũ dutiré basocãpũre niĩãdare jeatoaa” jĩĩrẽmena Jesuré padeorĩ tiijãdũgagu tiiyigu. ⁹ Siquẽrã cũũ wederere tũodũgãriyira. Padeoríyira. Mama buerére basocã tũocóropũ ñañarõ wedeseyira. Teero tiigũ, Pablo witiweojõãyigu; Jesuré padeorãre néewitiwayigu. Búrecoricõrõ Tiranoya wiipũ neãyira. Tiiwií buerĩ wiipũ bueyigu sũcã. ¹⁰ Pũacũmã bueyigu. Teero tiirã, tiidita Asia macãrã tũopetijõãyira Jesuyé quetire. Judíoa, judíoa niĩhẽrãcã teeré tũoyira.

¹¹ Cõãmacũ cũũ sũcũrã tiimasĩrere Pablomena tiiẽñoýigu. Cũũmena iñaña manirere tiiyigu. ¹² Cũũ paacõãre caserire, cũũya õpũũ pẽniãrigue caserire néewayira diarecutirare. Teemena netõnéyira; wãtĩã sããnorirare cõãwionecoyira.

13 Sīquērã judíoa wáanetõrã wãtĩãrẽ cõãwionecora niiyira. Cũã marĩ Õpũ Jesús wãmemena wãtĩãrẽ cõãwionecodugamiyira.

—Jesús Pablo wedewarucugũ wãmemena mũãrẽ witiwadutia, jĩĩmiyira wãtĩãrẽ.

14 Teerora tiirã tiimíyira Esceva põnacã. Esceva judíoayũ, paiaré dutigú niiyigũ. Cũũ põna siete niiyira. 15 Cũã teero tiirí, wãtĩ cũãrẽ yũũyigũ:

—Jesuré yũũ masĩã. Pablocãrẽ masĩã. ¿Mũãpeja noãnó niĩ? jĩĩyigũ.

16 Basocú wãtĩ sããnorigũ cũãpũre bupuñápeayigũ. Cũã niipetira nemorõ tutuanetõncãjãyigũ. Cũãrẽ ñañarõ peti tiiyigũ. Sutimanírã, cãmicutira tiiwíi niĩãrira cutucówitiwayira. 17 Cũãrẽ teero wãare quetire Éfeso macãrã tũopetijõãyira. Niipetira judíoa, judíoa niĩhãrãcã tũoyíra. Bayiró cuiyira sãa. Marĩ Õpũ Jesuyére ãñurõ quioníremena wedeseyira sãa.

18 Paũ too sugueropũ Jesuré padeonãcãrira jea, cũã ñañaré tiirere wedeyira. 19 Paũ yaso doarira cũã bueré papera tutirire néeneõ, sóecõãjãyira niipetira ññacoropũ. Teetutiri wapa cũã bapaqueori, “cincuenta mil” niyeruquiri plataquiri wapacutímiyiro. 20 Ateména marĩ Õpũye queti sesajõãrõ tiiyiro. Cõãmacũ tutuaremena paũ padeonemórã tiiyira.

21 Ate wãari siro, Pablo wãcũyigũ: “Yũũ Jerusalénpũ pũtũawagũda. Toopú wãaadari suguero, Macedonia, Acaya ditapũ ññanetõgũ wãagũda. Jerusalénpũ jea, niĩari siro, Romapũ ññagũ wãaro boocú”, jĩĩ wãcũyigũ. 22 Teero tiigú, pũarã cũãrẽ tiĩapurare ticocosugueyigũ

Macedoniapɯ. Cúã niyira Timoteo, Erasto. Cũũpe pɯtuájãyigɯ ména toopú Asia ditapɯ.

Éfesopɯ cúasore wáarigue

²³ Tíatorena mama bueré padeorémēna bayiró cúasore wáayiro. ²⁴ Cúasori tiɯncãyigɯ sícũ plata padegá. Cũũ wãmecutiɯyigɯ Demetrio. Plata-mena cúã padeogóya wii tiiróbiro biiré wiserigã tii, dúagɯ niyigɯ. Cúã padeogó weerigo wãmecutiɯyigo Artemisa. Tee wiserigārē dúara, Demetrio, cūūrē padecoteracã pairó wapatárucuyira. ²⁵ Cūūrē padecotera, ãpērã plata paderáre néoyigɯ. Cūārē jĩiyigɯ:

—Múã ãñurō masiã: Marĩ ate paderémēna ãñurō wapatá niijãmiã. ²⁶ Año Éfesopure Pablo paure cūũ wederémēna nɯnɯrĩ tiitóai méē. Año Asiapɯcārē múã iñaróbirora, teero biiri múã tɯoróbirora paɯ niicua. Basocá tiiríraja “padeorá mee niĩya” jĩãwĩ cūũdu. ²⁷ Ate bayiró quioa. Marĩ tiiré bári niiré pɯtuábocu. Artemisa ãñunetōjōãgōya wiicã bári niirí wii pɯtuábocu. Coo Asia macãrã padeogó niipetira atibúreco macãrã padeogó niyo. Coo ɯpɯtí macō niirére basocá ñañarō wedesenucãrĩ, bári niiré pɯtuábocu, jĩiyigɯ.

²⁸ Cũũ teero jĩrĩ tɯorá, bayiró cúa, acaribíyira:

—Artemisa ãñunetōjōãgō Éfeso macãrã padeogó niyo, jĩyira.

²⁹ Cúã acaribíri, paɯ tiimacã macãrãcã “¿deero wáai?” jĩĩ masĩripacara, acaribípetijōãyira. Sícãrōména cúã neãrōpɯ cɯtɯwáyira. Pablomena bapacɯtiwarirare bayiró ñee, néewayira. Cúã niyira Gayo, Aristarco. Macedonia macãrã niyira. ³⁰ Pablo basocá decopɯ sããwadugamiyigɯ.

Jesuré padeorápe cūārē wáadutiriyira. ³¹ Āpērā Pablore maĩrā queti ticocoyira. Cúā sīquērā Asia macārā dutirá niyyira. “Pablo ūsā neārōpυ sãātirijãārō”, jĩcoyira. ³² Toopú niirā ãpērā cúā booró acaribíyira. Āpērā apeyenó acaribíyira. Āpērãcã teerora jĩãmajãyira. “¿Marĩ ãnopú deero tiirã neããrĩ?” jĩ masĩriyira. ³³ Āpērā judíoa Alejandrore iñabuayira. Basocá díamacūpυ cūārē tuunéconꞥcōcoyira, wedearo jĩrã. Cúārē “ditamaníjōãña” jĩdugagυ, wēētucomiγγυ. “Ūsã wapa cꞥoríã”, jĩdugamiγγυ. ³⁴ “Cūũ judíoayυ niĩ”, jĩ iñamasĩrã, acaribínemoyira. Pua hora sĩcãrĩbro acaribíyira.

—Artemisa ãñunetōjōãgō Éfeso macārã padeogó niyo, jĩyira.

³⁵ Sĩcũ tiimacã macãrãrē dutigá too acaribirare ditamanĩrĩ tiγγγυ. Cúãrē jĩγγγυ:

—Múã Éfeso macārã, γꞥꞥre tꞥoyã. Niipetiro macārã ateré masĩcua: Marĩ atimacã Éfeso macārã Artemisa ãñunetōjōãgō padeorí wiire coterã niĩã. Coó queoré ũmũãsepυ diĩátiriguere coterã niĩã. ³⁶ Sĩcũ “teero mee niĩã” jĩmasĩriqui. Teero tiirã, nocōrōrã acaribíya. ãñurō wãcũsugueya, noo booró tiiãmarĩ jĩrã. ³⁷ ãniã múã néeatirira apeyé marĩ padeorí wii maquērē yaarĩarira niĩãwã. Marĩ padeogóre ñãñarō wedeseriarira niĩãwã. ³⁸ Demetrio, ãpērã plata paderãmena wedesãre cꞥogú, queti beserōpυ wãaaro. Tee niĩãdarerena queti beseró, queti beserĩ basocacã niĩya. Toopú cãmerĩ wedesããrō. ³⁹ Múã apeyenó sãĩdugãra, atimacã macãrã dutirãmena cúã neārōpυ

wedesera wáaya. Cúã múãrẽ wedeadacua.
 40 Mecúã marĩ acaribíariguere romanuã dutirá
 marĩrẽ wedesãrĩquioro tiirá tiia. Marĩ teero peti
 acaribíro bauró acaribíãmajãrã tiiáwũ. Teero
 tiirá, romanuã cúã wedesãrĩ, marĩrẽ deero jĩ
 yumasĩña maniãdacu, jĩyigu.

41 Teero wedeseyapacuti: —Nocõrõrã niiã,
 jĩyigu.

20

Macedoniapũ, Greciapũ Pablo wáarigu

1 Cúasore petiári siro, Pablo Jesuré padeoráre
 neãdutiugu. Cúãrẽ wãcũtutuare tico, “wáagu
 tiia” jĩ, Macedoniapũ wáajõãyigu. 2 Too maquẽ
 macãrĩpũ netõwágu, too macãrãrẽ cũũ wederémena
 wãcũtutuare ticonemowayigu. Teero tii, jeayigu
 Greciapũ. 3 Toopú ãtĩãrã muĩpũrã putuáyigu.
 Cũũ Siriapũ dooriwũmena wáagũũ, judíoa cũũrẽ
 sããdũgáre quetire tuoyigu. Teero tiigú, “Macedonia
 wáarimarũra cãmerputuawagũda sũcã” jĩ wãcũyigu.
 4 Cũũ wáari, ãpẽrã cũũrẽ bapacutiwarira niiwã.
 Cúã niiwã: Sópater Berea macã macũ (cũũ Pirro
 wãmecutigu macũ niiwĩ); Segundo, Aristarco (cúã
 puarã Tesalónica macãrã niiwã); Gayo Derbe macã
 macũ; Timoteo; Tíquico, Trófimo (cúã puarã Asia
 macãrã niiwã). 5 Cúã ãsã suguero wáa, Troaspũ
 ãsãrẽ yuerira niiwã.* 6 Ësã Filipospũ putuáwũ.
 Toopú pã púuri tiirémena wúoya manirẽ pãrẽ
 yaarí bosebureco ãñawũ. Nocõrõrã nii, wáajõãwũ

* 20:5 Lucas atipũ jóarigu Filipospũ nijjyi, Pablo toopú jeari.

dooríwmena. Cinco burecori siro jeawu Troaspu. Toopú sica semana putuáwu.

Troaspu Pablo ññanetōgũ wáarigue

⁷ Yeerisári bureco niirĩ, ùsã neãwũ bocaadara. Apebúrecope Pablo wáagudu niijĩgũ, cúãrẽ wedewi. Ñami deco niirĩ, wedegu tiiwí ména.

⁸ Ūmuãrõ macã tatia ùsã neãrí tatiapu pee sããwócorepa niiwũ. ⁹ Sícũ mamu ventana sopenu duigú wugoá jeanowĩ. Cũũ wãmecutiwi Eutico. Pablo yoari peti wedegu tiirĩ, cãnicónuãrigu niiwĩ. Yerapu ñaacodiawi. Cũũ duiariro itiacasa sotoapu niiwũ. Cũãpe cutudiwá, diaarigupure néemuõcowa. ¹⁰ Pablocã diiwáwi. Cũũ sotoa munibiá, cúãrẽ ñeediyo, cúãrẽ jĩwĩ:

—Nocõrõca ucuárijãña. Catijãĩ ména, jĩwĩ.

¹¹ Muãwa, cúãrẽ pã bato, yaa, wedeseboejõã, wáajõãwĩ. ¹² Mamupere wiipú néejõãwã. Cũũ catiri, añurõ yeeripũnacutira niiwã sũcã.

Troaspu niĩãrira Mileto macãpu wáarigue

¹³ Pablo ùsãrẽ jĩrirobirora dooríwmena cũũ suguero Asopu wáajõãwũ. Pablo ùsãrẽ: —Yuu maapu wáa, Asopu múãrẽ bocaguda, jĩwĩ.

¹⁴ Asopu ùsãmena buajeá, ùsã atiriwupu sããwĩ. Too síro Mitilenepu tãwawu. ¹⁵ Too macãrã apebúreco Quío nucũrõ díamacupu tããjeawu. Maawáriu. Too macãrã apebúreco Samospu tããjeawu. Too macãrã apebúreco Miletopu jeajõãwũ sáa. ¹⁶ Ūsã Miletopu wáara, Éfesore diamacú netõjõãwũ. Pablo Asiapu yoari putuádugariwi. Cũũrẽ basioatã, Jerusalénpu Pentecostés bosebureco ññadugawi.

Pablo Éfeso macãrã bũtoá dutiráre wedeyaponorigue

17 Pablo Miletopũ niigũ, Éfeso macãrã Jesuré padeorá bũtoá dutiráre atiduticowi. 18 Cũã jeari ñña, cũãrẽ jĩwĩ:

—Mũã añurõ masĩcu yũũ mũã watoapũre tiirécũtiriguere. Yũũ sicato Asiapũ jeagũ, tée yũũ niitugũpũ tiitúcoriguere añurõ masĩcu. 19 Yũũ marĩ Òpũ dutiró tiigũ, “ãpẽrã nemorõ añuré tia” jĩ wãcũriwũ. Mũãmena utiwũ. Judíoa yũũre ññañarõ tiidugári, ññañarõ netõwũ. 20 Niipetire mũã añurõ niĩadarere wedepetijãwũ. Basocá neãrdõpũ, mũãye wiseripũ teero wederucujãwũ. 21 Judíoare, judíoa niĩhẽrãcãrẽ ateré sĩcãrĩbíro wedewũ: “Mũã ññañaré tiirére wãcũpati, wasoyá; Cõãmacũyere añurõ tiinũcãña; Jesús marĩ Òpũrẽ padeoyá”, jĩ wederucujãwũ. 22 Yũũ mecũtígã wáagũ tia Jerusalénpũ Espĩritu Santo yũũre dutirirobirora. Toopũ yũũre deero wáaro wáaadacu masĩriga. 23 Ate dícare masĩã: Basocá ññañarõ netõrĩ ti, yũũre peresuwiipũ sõnecoadacua. Ateré macãrĩcõrõ Espĩritu Santo yũũre wedei. 24 Ateré masĩpacũ, wãcũpatiria. Yũũ catirére maĩría. Marĩ Òpũ Jesús cũũ paderé cũũriguere peotídugaga. Cõãmacũ basocáre netõnére quetire wededutiwĩ yũũre.

25 Yũũ mũã pũtopũ niigũ, Cõãmacũ dutiré basocãpũre niĩadare jeariguere wedewarucuwũ. “Mũã sĩcũno yũũre ññanemoricu sáa”, jĩ tũgueñajãga. 26 Teero tiigũ, mecũã mũãrẽ wedea: Yũũ wederiguere tũorĩra pecamepũ wáari, yé wapa niiricu. 27 Yũũ mũãrẽ niipetire Cõãmacũye quetire

wederijã tiiríwɯ. ²⁸ Teero tiirá, múã basiro coteya. Jesuré padeorí pōna macãrãcãrẽ añurõ cote, buenemoña. Múãrẽ Espíritu Santo cūūrigu niwí, cúãrẽ ññanunusearo jĩgũ. Cõãmacũ cūũ macūye díimena cúãrẽ cūũyara wáari tiirígu niwí. Teero tiirá, oveja coterí basoca tiiróbiro cúãrẽ tiiápuya. ²⁹ Yɯɯ tɯgueñarí, yɯɯ wáari siro, ãpẽrã jĩditorepira múãmena niirã jeaadacua. Yáíwa ovejare sñãrã tiiróbiro múã Jesuré padeorére petirí tiidugáadacua. ³⁰ Siquẽrã múã menamacãrãcã wedewisioadacua, Jesuré padeorá cúãrẽ tɯonunusearo jĩrã. ³¹ Teero tiirá, añurõ tɯomasí niñña. Múã ateré acabóricu: Itiácūma múã niipetirare añurõ tiiádarere bóaneõremena búrecori, ñamirí wedewɯ.

³² Yɯɯ wáagu tiia. Cõãmacũ múãrẽ añurõ cotearo. Cūũ maíré quetimena múãrẽ tutuare ticoaro. Tee queti múãrẽ wãcūtutuari, padeonemórí tiimasícu. Tee quetire padeorí, ãpẽrã Jesuré padeoramena múãrẽ añurẽ ticogũdaqui Cõãmacũ. ³³ Æpẽrãyé niyeru, oro, suti boonemósãriwɯ yɯɯ. ³⁴ Múã masícu: Yée wãmorímena padewɯ. Teeména yɯɯ, yɯɯ menamacãrã booríguenorẽ buawá. ³⁵ Niipetire yɯɯ tiiríguemena múãrẽ ãñowá. Marí paderéména bóaneõrãrẽ tiiápuro booa. Marí Õpũ Jesús cūũ jĩriguere wãcũrõ booa: “Ticogúpe ñeegú nemorõ useniqui”, jĩyigu, jĩwí Pablo.

³⁶ Teeré jĩtoanɯcõ, cúã niipetiramena ñicãcoberimena jeacūmu, Cõãmacũrẽ sãiwí. ³⁷ Niipetira bayiró utiwa. Cūũrẽ páabua, wasopúro ũpũ tiiwá. ³⁸ Cūũ “múã yɯɯre ññanemoricu sáa” jĩãriguere wãcũrã, nemorõ bóaneõrã pɯtuáwa. Too

síro dooríwupɯ cūñrē cūñcora wáawa.

21

Jerusalénɯ Pablo wáarigue

¹ Ūsã Éfeso macārã bɯtoá dutiráre “wáara tiia” jĩtoa, dooríwupɯ muñsã, wáajõãwũ. Wáa, diamacú wáa, Cos macãɯ jeawɯ. Apebúreco Rodas macãɯ, too macārã Pátara macãɯ jeawɯ.

² Toopú Feniciapɯ wáariwɯcare buajeáwɯ. Tiiwupú muñsã, wáajõãwũ. ³ Wáa, Chipre nɯcūrõrē ññawa, tiinɯcūrõ acuniñape pɯtuáwɯ. Too netōwá, Siria ditapɯre jeawɯ. Jea, Tiro macãɯ maajeáwɯ.

Toopú tiiwú macārã apeyé cúã néewariguere aramonecoadara tiiwá. ⁴ Toopú ūsã Jesuré padeoráre ãmaã, buajeáwɯ. Cúãmena sica semana pɯtuáwɯ. Cúã Espíritu Santo masíre ticorémema Pablöre “Jerusalénɯ wáarijãña” jĩmiwã.

⁵ Cúã teero jĩpacari, tii semana petirí, wáajõãwũ sũcã. Cúã niipetira, cúã nɯmosãnumiã, cúã põna ūsãrē bapacɯtibuwawa macã wesapɯ. Ditatuparipɯ ñicãcoberimena jeacũmu, Cõãmacūrē sãiwú.

⁶ Sãitóa, “wáara tiia” jĩ, dooríwɯcapɯ muñsãwũ. Cúãpe cúãye wiseripɯ pɯtuajõãwã.

⁷ Tiropɯ niiãrira wáa, Tolemaida macãɯ jeawɯ. Toopú Jesuré padeoráre ãñuduti, sícabɯreco pɯtuáwɯ cúãmena. ⁸ Apebúreco wáa, Cesareapɯ jeawɯ. Toopú jeara, Felipe Jesuyé queti wedegúya wiipɯ sããwawɯ. Felipe Jesuré padeorá siete yaaré batorira menamacú niirigɯ niiwĩ. Cũ pɯtopɯ pɯtuáwɯ.

⁹ Cũ põna numiã manɯmanirã bapari niiwã. Cúã profetas niiwã.

10 Yoari ũsã niiripacari, sĭcũ Judeapũ niĩarĩgũ jeawi. Profeta niĩwĩ. Cũũ wãmecutiwi Agabo.
 11 Ũsã puto jea, Pabloyada siatúridare née, cũũ basiro cũũye dũpori, cũũye wãmorĩpũ siatúwi. Siatútoa, ũsãrẽ jĩĩwĩ:

—Espíritu Santo jĩĩawĩ yũure: “Judíoa Jerusalénpũ atidá õpũrẽ siatúadacua ãno mũũ siatúro tiiróbiro. Cũũrẽ judíoa niĩhẽrãpũre ticoadacua”, jĩĩwĩ Agabo.

12 Cũũ teero jĩĩrĩ tuorá, ũsã Pablöre: — Jerusalénpũ wáarijãña, jĩĩmiwũ.

Cesarea macãrãcã: —Wáarijãña, jĩĩmiwã.

13 Cũũpe jĩĩwĩ:

—Utirijãña. Yũure bayiró wãcũpatiri tiirã tiia. Jerusalénpũ Jesuyé wapa yũure siatú, sĩãdũgápacari, wáagũda, jĩĩwĩ.

14 Cũũ “jáũ, ãñuã” jĩĩhẽrĩ ãñarã: —Cõãmacũ booró tiiaró, jĩĩjãwũ.

Nocõrõrã ditamanírã putuáwũ.

15 Ũsã too niĩarira ũsãye ãñanotoa, wáajõãwũ Jerusalénpũ. 16 Sĩquẽrã Cesarea macãrã Jesuré padeorá wáawa ũsãmena. Cũã ũsãrẽ néewawa Mnasónya wiipũ. Cũũ Chipre macũ niirĩgũ niĩwĩ. Yoari Jesuré padeogú niĩwĩ. Toopú cãniwũ.

Pablo Santiago ãñagũ wáarigüe

17 Ũsã Jerusalénpũ jeari, Jesuré padeorá ãseniremena bocawa ũsãrẽ. 18 Apebúreco Pablo ũsãmena Santiago ãñagũ wáawi. Toopú niipetira bũtoá dutirá niĩwã. 19 Pablo cũãrẽ ãñudutiwi. Judíoa niĩhẽrãrẽ Cõãmacũ cũũmena tiirĩgüecõrõ dũaró manirõ wedemũãncãwĩ. 20 Teeré tũo, Cõãmacũrẽ ãsenire ticowa. Pablöre jĩĩwã:

—Ĥsāya wedegu, m̄m̄ masīcu: Pau peti judíoa Jesuré padeorá niīya. Cúã “Moisére dutiré cūñriguere tiipetíro booa” jīrã tiīya. ²¹ Cúã ate wedepatirere t̄oáyira: M̄m̄ judíoa niihērāye ditapu niigū, judíoa toopú niirārē Moisés dutirére “tiirijãña” jīyiro. Cúã pōnarē cōnerígu yapa macã caseróre “widedcōñrijãña” jīyiro. Teero biiri marī judíoa tiirécutirenocārē “tiirijãña” jīyiro. Teeré t̄oyíra. ²² “¿Deero tiigúdari cūñ?” jīi wedeseawū ũsã m̄m̄rē. Cúã m̄m̄ “ãnopú jeaayigu” jīrere t̄oádacua. ²³ Teero tiirã, ũsã biiro wãcūãwū: Ĥm̄ã bapari Cōãmacūrē “biiro tiíada” jīārira niíawã. ²⁴ M̄m̄ cūãmena Cōãmacūwiipu wári, añubocu. M̄m̄cã cūã tiiróbirora tiiyá. Cúã marī tiirénorē tiirã tiíawã. Atebúrecorire ñañarē tiíariguere acabóre sãñã tiíawã. Niipetire wáicura cūã Cōãmacūrē ticoadarare m̄m̄ sãñbosáya. M̄m̄ teero tiári siro, cūã póare pedecōãdutiadacua. M̄m̄ biiro tiíariguere masĩrã, niipetira judíoa m̄m̄ye quetire “teero jīãmajãrã tiijya” jīãdacua. “Cūñcã Moisére dutiré cūñriguere añurō tiigú nií”, jīãdacua. ²⁵ Jesuré padeorá judíoa niihērãpere “biiro tiirí añuãdacu” marī jīiriguere jóacotoawū: Wáicura dii cūã padeorãre ticoariguere yaarijãña. Wáicuraye díre sñirijãña. Wáicura dii dí cōãña maniré diiré yaarijãña. Āpērãména ñañarō ñeeaperijãña, jīi jóawu, jīwã.

Pablore peresuwiipu néewarigue

²⁶ Apebúrecope Pablo cūã baparire néewawi. Pablo cūñ ñañarē tiíariguere acabóre sãñtóari, Cōãmacūwiipu sããwayira. Pablo pairé wedeyigu:

—Sica semana dʉsaa āniā ñañaré tiiriguere acabóre sããdaro. Niituri burecore cúãcõrõ wáicurare siãdutí, ticoadacua Cõãmacūrē, jĩiyigũ.

27 Cúã siete burecori peotíadara tiirí, judíoa Asia macārã Pablora Cõãmacũwiipũ niirí ññayira. Cũūrē ññarã, ãpērãrē cúarosãrĩ tiiyíra. Cúã cũūrē ñee, acaribíyira:

28 —Ûsãya wedera, tiípura atiya. Ānirã niirí niipetiropũ niipetirare ñañarõ buewarucugũ. Cũũ marí judíoa maquērē, Moisére dutiré cũũriguere, teero biiri atiwíi maquērē ñañarõ wedesewarucuyigũ. Apeyeréja, griegoare atiwiipáre néesããwĩ. Cũũ biiro tiigú, atiwíi ñañaré manirí wiire ñañogú tii, jĩiyira.

29 Ate suguero Trófimo Éfeso macũ Pablomena macãpũ niirí ññayira. Teero ññarira niijĩrã, cúã “cũūrē Cõãmacũwiipũ néesããjĩyi” jĩĩ wãcũrira niimiwã.*

30 Cúã wedesãrĩ tuorã, niipetira tiimacã macārã acaribíbatejõãwã. Cutũjeáwa. Pablora ñee, wéecowitiawa, téee Cõãmacũwii sopeputópũ. Máata sopepãmarĩrē biajãwã. 31 Pablora sããdarapũ tiirí, ãpērã basocã surara dutigúpũre wedera wáarira niiwã:

—Niipetira atimacã Jerusalén macārã neã, cúaa, acaribíra tiiãwã, jĩiyira.

32 Cũũ tee quetire tuogú, cũũyara surarare, cũūrē dutiráre néõ, diiáti, cutuátiwa cúã pũtopũ. Surara dutigú suraramena cutuátiri ññarã, Pablora páarira duujãwã.

* 21:29 Cõãmacũwii Jerusalénpũ niimiri wiipũre judíoa niñhērãrē sããwadutiriyira.

22

¹ —Yáa wedera, y_{uu} pacusũmuã, y_{uu}re t_{uo}yá ména. Y_{uu} múãrẽ yéequẽ wedeguda, múã y_{uu}re “wapa cuorí” jĩãrõ jĩgũ, jĩwĩ.

² Cũũ hebreoayemena wederi t_{uo}rá, nemorõ ditamanijõãwã. Pablo cúãrẽ jĩwĩ:

³ —Y_{uu} judíoay_{uu} niiã. Tarso Cilicia ditap_{uu} niiri macãp_{uu} bauáw_{uu}. Atimacãp_{uu} masãw_{uu}. Gamaliel y_{uu}re buewi. Cũũ Moisés marĩ ñecusũmuãrẽ dutiré niipetirere buepetijãwĩ y_{uu}re. Múã atitóre Cõãmacũ dutirére tiirécutirobirora y_{uu}cã ãñurõ tiirucújãã.

⁴ Y_{uu} tiib_{uu}recop_{uu} mama buerére padeoráre ñañarõ tiirucúw_{uu}. Siquẽãrẽ sããdutiw_{uu}. Ɛmuã, numiãrẽ ñee, cúãrẽ peresuwiip_{uu} sõnecodutirucuw_{uu}. ⁵ Paiaré dutigú, niipetira Judíoare Dutirá Peti “teerora tiiwĩ” jĩ masĩcua. Cúãrã y_{uu}re dutirépũrĩrẽ jóabosarira niiwã. Teepũrĩrẽ née, marĩya wedera Damascop_{uu} niirãrẽ ticog_{uu}du tiimíw_{uu}. “Mama buerére padeoráre ñee, siatú, néewaguda Jerusalén_{uu}, cúãrẽ ñañarõ tiiduti_{uu}g_{uu}du”, jĩmiwã.

Pablo wasorigue queti

(Hch 9.1-19; 26.12-18)

⁶ Maa wáagu, Damascop_{uu} jeag_{uu}du tiiri, coeritõ niiri, wãcũña manirõ ẽmuãsepe bõediati y_{uu} puto bayirõ capemórõ bóew_{uu}. ⁷ Teero wáari, y_{uu} ditap_{uu} ñaacũmujõãw_{uu}. Sĩcũ y_{uu}re wedeseri t_{uo}wú: “Saulo, ¿deero tiigú y_{uu}re ñañarõ tiinunásei?” jĩwĩ. ⁸ “¿Noã niĩ m_{uu}?” jĩwũ. “Y_{uu} Jesús Nazaret macã macũ m_{uu} ñañarõ tiinunásegura niiã”, jĩwĩ. ⁹ Y_{uu}mena wáariracã tee bóediatiriguere ñña, “cuijõããwũ” jĩwã. Cũũ y_{uu}mena wedeseriguere

“tʰoríatu” jĩwã. ¹⁰ Yʰu cũrẽ sãĩñáwũ: “Ōpũ, ¿deero tiirí boogári?” jĩwũ. Cũ yʰure yʰuwi: “Wũmʰnucãña. Damascopʰ wáaya. Toopá mʰurẽ sĩcũ wedegudaqui niipetire mʰu tiíadare Cõamacũ quẽnorére”, jĩwĩ. ¹¹ Yʰumena wáarira yʰure tũáwáta, Damascopʰ wáara. Yʰure asibatére capeari bauhéri tiiwá.

¹² ’Tiimacãpʰure Ananías wãmecutigu niwĩ. Cõamacãrẽ quioníremena padeogú, Moisére dutiré cũĩriguere tiigú niwĩ. Niipetira judíoa tiimacã niirã cũrẽ “ãñunĩ” jĩ ñawã. ¹³ Yʰure ñagũ jea, yʰu wesapʰ nucũ, yʰure jĩwĩ: “Yáa wedegu Saulo, ñamũõcoya sũcã”, jĩwĩ. Wãcũña manirõ cũrẽ ñamũõcowu. ¹⁴ Yʰure jĩnemowĩ: “Tíatorʰ Cõamacũ marĩ ñecũsũmã padeorígu mʰurẽ besetoayigu, cũ boorére mʰurẽ masiãrõ jĩgũ. Cũ macũ ãñugũrẽ ñña, cũ wedeserere tʰoáro jĩgũ, beseyigu. ¹⁵ Mʰu cũyere wedegu wáagudacu. Niipetirare niipetiropʰ mʰu ññaĩriguere, mʰu tʰoáriguere wedewarucugu wáagudacu. ¹⁶ Teero tiigú, yoari yuerijãña mʰu. Wũmʰnucãña. Marĩ Ōpũrẽ padeojĩgũ, mʰu ññañaré tiirére acabóre sãĩñá. Sãitóa, wãmeõtidutiya”, jĩwĩ.

Pablo judíoa niihẽrã pʰtopʰ wáadutiriguere wed-erigüe

¹⁷ ’Too síro Jerusalénpʰ pʰtʰajeagu, Cõamacãwiipʰ cũrẽ sãĩgũ jeawu. Yʰu cũrẽ sãĩgũ tiirí, cãnirípacu, quẽẽõpʰ tiiróbiro Jesuré ñawũ. ¹⁸ Jesús yʰure jĩwĩ: “Boyero atimacã Jerusalénrẽ witiwaya. Ñno macãrã yé quetire mʰu wederi, booríadacua”, jĩwĩ. ¹⁹ Yʰu cũrẽ jĩwũ: “Ōpũ,

cúã ãñurõ masĩcua: Niipetire judíoa cúã neãré wiseripũ mũũrẽ padeoráre tãnadutí, peresuwiipũ sõnecorucuwũ. ²⁰ Esteban mũũye queti wederigure cúã sããrítore, yũũcã toopúra ññanucũwã. Cũũrẽ sããrãye suti sotoá maquẽrẽ cotebosawũ. ‘Áñurõ tiirã sããya’, jĩ wãcũmiwũ”, jĩ wedemiwũ Jesuré. ²¹ Cũũ yũũre jĩwĩ: “Wáaya. Yũũ aperopá yoaropũ ticocogũdacu mũũrẽ judíoa niĩhẽrã pũtopũ”, jĩwĩ.

Pablo surara dutigúmena wedeserigu

²² Nocõrõrã ãñurõ tũotúwa. Teeré tũorã, bayiró acaribíwa sũcã.

—Cũũrẽ sããcõãjãña. Cũũrẽ booridojãã, jĩ acaribíwa.

²³ Acaribíra, cúã cúarere ãñorã, cúãye suti sotoá sãñarere tuuwé, wẽẽtuwa. Dita maané, déebatecowa. ²⁴ Cúã teero tiirí ññagũ, surara dutigú Pablöre sõnecojãdutiwigũ cúãya wii popeapũ. Sõnecotoanucõ, Pablöre “¿deero tiirã basocá mũũrẽ acaribí?” jĩ wederi tiidũgágũ, cũũrẽ tãnagúdu siatúdutiwigũ. ²⁵ Siatúari siro, Pablöre cũũ pũto nucũgú cien surara dutigúre jĩyigu:

—Mũã yũũre búri peti tãnamasĩricu; romanuãrẽ dutiré teero tiidutíria. Yũũ romanuãyũ niĩã; queti beserí basoca yũũ tiiáriguere beseriya ména, jĩyigu.

²⁶ Cũũ teero jĩrĩ tũogú, cien surara dutigú cũũrẽ dutigúpũre wedegũ wáayigũ.

—Mũũ ãñurõ tiiyá. Jõõ niĩãrigũ “romanuãyũ niĩã” jĩãwĩ, jĩyigu.

²⁷ Teeré tũogú, surara dutigú sãñãgũ wáayigũ:

—¿Niirõrã mũũ romanuãyũ niĩ? jĩyigu.

—Éjũ, cũũrã niĩã, jĩyigu Pablo.

28 Surara dutigúpe: —Yuu pairó niyeru wap-atíwu, romanuãyu niirére sããgũdu, jĩiyigu.

—Yuuja máata bauágurura romanuãyu niirigu niiwũ, jĩiyigu Pablo.

29 Teeré tuorá, cũũrẽ tãnaãdara tiimíãrira máata aperopé jeaconcãyira. Surara dutigúca cui niiyigu. “Romanuãyure ‘tãnañá’ jĩigũ, siatúdutimiãyu” jĩ wãcũgũ, cuijõãyigu.

Pablo Judíoare Dutirá Peti p̄topu wederigue

30 Teero tiigú, judíoa cũũrẽ wedesãre diamacũ maquẽrẽ masĩdugagu, apebúrecope paiaré dutirãre, teero biiri niipetira Judíoare Dutirá Petire néõyigu. Pablöre jõãdutí, néediati, cúã ññacoropu nucũdutiyyigu.

23

1 Pablo Judíoare Dutirá Petire ñña, jĩiyigu:

—Yáa wedera, yuu catiré barecorire tée mecũãp̄mena Cõãmacũ ññacoropu ãñurõ yeerip̄nacutia, jĩiyigu.

2 Ananías paiaré dutigú teeré tuogú, Pablo wesa nucũrãrẽ useropu páadutimiyigu cúũ teero jĩiré wapa. 3 Teero tiigú, Pablo cũũrẽ jĩiyigu:

—Cõãmacũ mũũrẽ ññañarõ tiigúdaqui. Mũũ tiid-itórepigu niiã. Mũũ too duia, yũũre queti besegũdu Moisés dutiré jĩirõbirora. Mũũ basirora tee dutirére netõnucãgũ tiia, yũũre páadutigupeja, jĩiyigu.

4 Too nucũrã cũũrẽ jĩiyira:

—Biirõ ññañarõ wedeserijãrõ booa paiaré dutigú Cõãmacũ cúũrigure, jĩiyira.

5 Pablo cúãrẽ jĩiyigu:

—Yáa wedera, cūũ paiaré dutigú niirére yuu masĩriatũ. Cõamacũye queti jóaripũpu biiro jóare niiã: “Múãya macã macãrãrẽ dutigúre ñañarõ wedeserijãña”, jĩã, jĩiyigu.

⁶ Pablo too niirã saduceo basoca, ãpẽrã fariseo basoca niirĩ ññagũ, bayiró busarómena wedeseyigu:

—Yáa wedera, yuu fariseo basocura niiã yuu pacusũmuã tiiróbirora. Basocá diarira masãrére yuu padeóa. Ate yuu padeoré wapa múã yuure ãno queti beserópu néeatia, jĩiyigu.

⁷ Teeré tuorã, fariseo basoca, saduceo basocamena bayiró cãmerĩ jĩiyira. Teero tiirã, sĩcãrõména niimiãrira batajõãyira. ⁸ Saduceo basoca diarirapu masãrére, teero biiri ángelea, wãtĩã niirére padeoríya. Fariseo basocape teeré padeoóya. ⁹ Cũã bayiró acaribíyira. Teero tiirã, sĩquẽrã Moisés jóarigue buerã wãmũncãyira. Fariseo basoca niiyira. Bayiró cúasoremena wedemiyira:

—Ñaniré wapa ñañaré buaríã. Apetó tiigú, ángele cãurẽ wedesejĩyi, jĩĩmiyira.

¹⁰ Cũã bayiró cãmerĩ jĩĩnemorĩ ññagũ, surara dutigú Pablöre wéetamõtõrĩ jĩĩgũ, cuiyigu. Teero tiigú, Pablo cúã watoapu niigúrẽ surarare néeatidutiyigu. Cũã niirí wiicapu néewadutiyigu sũcã.

¹¹ Tiiñami Jesús Pablo puto bauá, jĩiyigu:

—Wãcũtutuaya. Atimacã Jerusalénpu yéé quetire wedeariobirora Romapucãrẽ wedegudacu, jĩiyigu.

Judíoa Pablöre sãdugámirigue

¹² Apebúrecope ãpẽrã judíoa yayióropu neã, “Pablöre sããda” jĩĩmiyira. “Mecũãmena yaari,

s̄nirínucããda; Pablöre s̄iãtóarap̄, yaaada. Cũürẽ s̄iãriatã, Cõãmacũ marĩrẽ ñañarõ tiiáro”, jĩĩmiyira. ¹³ Teero wedesera cuarenta nemorõ niiyira. ¹⁴ Cũã paiaré dutirá, ãpẽrã butoá dutirá p̄top̄ wáa, cúãrẽ jĩĩyira:

—Ësã Cõãmacũ Ìñacorop̄ yaarinucããwũ; Pablöre s̄iããdari suguero, yaaria. ¹⁵ Teero tiirá, múã, niipetira múãmena dutirá* surara dutigúre queti ticocoya. Cũã Pablöre néediatiaro. “Ësã cũũ tiiáriguere ãñurõ s̄iãñádugaga”, jĩĩcoya. Pablo múã p̄to jeaadari suguero, cũürẽ s̄iããdara, cũmuãdacu, jĩĩmiyira.

¹⁶ Pablo bayio macũ cúã s̄iãdugáre quetire t̄ogú, surara niirí wiicap̄ s̄ããwa, Pablöre queti wedeyigu. ¹⁷ Pablope cũũ wederi t̄ogú, s̄icũ cien surara dutigúre atiduti, jĩĩyigu:

—Ñirẽ m̄ũ dutigú p̄top̄ néewaya. Queti wedegudu tiiáyigu cũürẽ, jĩĩyigu.

¹⁸ Cũürẽ surara dutigú p̄top̄ néewa, jĩĩyigu:

—Pablo marĩ peresu c̄ogú ȳure atiduti, ãnirẽ m̄ũ p̄top̄ néeatidutiawĩ. Queti wedegudu tiiáyigu m̄ürẽ, jĩĩyigu.

¹⁹ Surara dutigú mamurẽ wãmop̄ ñee, néewa, basocá t̄ohérop̄ s̄iãñáyigu:

—¿Ñeenó queti wededugai ȳure? jĩĩyigu.

²⁰ Mamupe cũürẽ wedeyigu:

—Judíoa m̄ürẽ queti ticocoadacua. Niipetira “biiro tiiáda” jĩĩyira. Pablöre ñamigã Judíoare Dutirá Peti neãrõp̄ néewadutiadacua m̄ürẽ. “Cũũ tiiáriguere ãñurõ s̄iãñádugaga”, jĩĩditoadacua.

* **23:15** Cũãmena dutirá Judíoare Dutirá Peti niiyira. Pecasãyemena “junta suprema” jĩĩcua.

21 Cũãrẽ t̃uoríjãña. Cũã menamacãrã cuarenta nemorõ ãmũã cũãrẽ duti, coteadacua. Cũã yaari, s̃niríadacua; cũãrẽ s̃iãtórap̃, yaaadacua. Cũã “marĩ teero tiiriatã, Cõãmacũ ñañarõ tiáro” jĩãyira. Quẽnotóayira cũã tiiádarere. Mecũtígã m̃m̃ “jáũ” jĩrẽ dícare yuera tiicúa, jĩyigu.

22 Surara dutigúpe jĩyigu:

—Sicũnorẽ “teeré cũãrẽ wedeawũ” jĩrijãña. Nocõrõrã niã, jĩyigu.

Surara dutigú Pablöre Félix p̃top̃ ticocorigue

23 Surara dutigú cien surara dutirá p̃uarãrẽ atiduti, wedeyigu:

—Surarare quẽnodutíya. Cũã mecũã ñami nueve niirĩ, wáaadacua Cesareap̃. Doscientos surara d̃p̃omena wáaaro; setenta caballoamena pesawaaro; doscientos saderéyucure néewaaro.

24 Pablo cũũ pesawaadara caballoacãrẽ quẽnoãrõ. Apeyenó merẽã wáaro manirõ Félix atiditá dutigúp̃re néewaya, jĩyigu.

25 Wedetoa, paperapũ jóayigu. Ate cũũ jóarigue tiiróbiro niã:

26 “Ỹm̃ Claudio Lisias, m̃m̃ Félix Judea dita dutigúre ãñudutia. 27 Ỹm̃ m̃m̃rẽ ticocogure

judíoa ñeejããwã. Cũãrẽ s̃iããdara tiimíãwã. Ỹm̃ cũũ romanuãỹm̃ niirere t̃uogú, suraramena cũãrẽ

netõnéãwũ. 28 ‘¿Ñeenó wapa cũãrẽ wedesãí?’ jĩ masídm̃gag̃, Judíoare Dutirá Peti neãrõp̃ cũãrẽ néediwaawũ. 29 Judíoare dutiré maquẽ

dícare ‘netõncããwĩ’ jĩ wedesããwã. Tee dícare cũãrẽ wedesãĩ, ñeenó wapa s̃iãmasĩña maniãwũ; cũũ ñañarõ tiirípacari, peresuwiip̃ s̃õnecomasiña

maniãwã. ³⁰ ãpẽrã judíoa ‘cũũrẽ sãããda’ jĩrẽ queti mũũrẽ jeaawã. Teero tiigú, máata mũũrẽ ticocoa. Cũũrẽ ãnopú wedesããrirare mũũrẽ ‘wedesãrã wáaya’ jĩãwã. Nocõrõrã niã”,
jĩ jóayigũ.

³¹ Tiiñami surara cũũ dutiaribirora Pablora néewa, néejeyira Antípatris macãpũ.

³² Apebúrecope surara ðupomena wáarira toorã cãmecõpũtaatiyira cũãya wiicapũra sũcã. Caballoamena wáarira dícu Pablomena netõwáyira. ³³ Cũã Cesareapũ jea, surara dutigú jóaripũrẽ ticoyira tiidita dutigúre. Pablocãrẽ cũũrẽ ticoyira. ³⁴ Cũã tiipũrẽ buetõa, Pablora sãĩñáyigũ:

—¿Noo macãpũ niĩ mũũ? jĩyigũ.

—Cilicia macũ niã, jĩyigũ.

³⁵ —Mũũrẽ wedesãrã ãnopú jeari, mũũrẽ tũogúda, jĩyigũ.

Teero jĩtoa, Pablora Herodeniya wiicapũ cote-dutiigũ.

24

Félix pũtopũ Pablora wedesãrigue

¹ Sicamoquẽne bũrecori siro paiaré dutigú Ananías, síquẽrã bũtoá dutirámena Cesareapũ jeayira. Basocãre wedesãrirare wedesebosagũ cũãmena jeayigũ. Cũũ wãmecũtiyigũ Tértulo. Félixpũre Pablora wedesãyira. ² Pablora néejeari, Tértulo cũũrẽ wedesãncãyigũ:

—Ûsãrẽ dutigú, mũũ dutirémãna ãñurõ niirecutia ùsã. Mũũ masĩrémenarã atiditã ãñurí dita wáaro

tiia. ³ Niipetiropu niipetire mhu ùsârê tiibosárere ùseniremena ññaã. ⁴ Mhuurê páasutiri tiidugáriga. Teero tiigú, péero wedesecoguda. Ùsârê péero tuocójíña ména. ⁵ Ùsã ññarí, ãni ññañoí. Niipetiropu judíoare sîcâróména niimirirare câmerí batarí tiinetóí. Nazaret macû buerigue nûnurârê suguegú nií. ⁶ Cõamacûwiire ññaodugámiyigu. Teero tiirá, ùsã cûurê peresu ñeewû. Ùsã judíoare queti beserobirora cûurê queti besedugamiwû. ⁷ Ùsã teero tiíadara tiirí, Lisías surara dutigú ùsã puto sããati, tutuaromena cûurê néejõãwí. ⁸ Ùsã cûurê wedesárere mhuure wedesãdutiwi. Mhu basiro cûurê sãíñáte. Teero tiigú, ate niipetire ùsã wedesárere “niirõrã niicu” jî masîgûdacu mhu, jîiyigu.

⁹ Judíoa “újû, teorora wáawu” jînemocoyira.

Pablo Félixre wederigue

¹⁰ Félix Pablora ññayigu, wedeseya jîigû. Pablo wedeseyigu:

—Yhu masîã: Mhu yoari atiditá macârârê queti beserí basocu niíã. Teero tiigú, ùseniremena mhuurê wedeguda yé maquêrê. ¹¹ Niipetire yhu tiiríguere, mhu sãíñarí, paû basocá mhuurê wedemasîcua. Doce burecori netõã, yhu Jerusalénpu jeari siro. Toopú Cõamacûrê padeogú jeawu. ¹² Ñniã yhu ãpêrãména câmerí ññañarõ jîrî buajeáriwa. Cõamacûwiipû, ùsã neârê wiseripû, teero biiri macâpu yhu basocáre cúari tiirí buajeáriwa. ¹³ Cûã wedesárere “biiro tiíawí” jîmasîriya. ¹⁴ Yhu tiirére wedeguda. Mama bueré jîrõbirora yhu Cõamacû ùsã ñecûsûmûã padeorigure padeóa. Ñniã mama buerére padeorí booríya.

Y_{HH} doca niipetire Moisére dutiré cūūriguere, teero biiri profetas jóariguere padeóa. ¹⁵ Y_{HH} añiã tiiróbirora Cõãmacū tiiádarere yuea. Cūū basocá diarirap_H masõgũdaqui, aññuré tiiráre, ñañaré tiiráre teerora. ¹⁶ Teero tiigú, y_{HH} masĩrõ jeatuario wapa c_Hohég_H niidugaga, Cõãmacū ññacorop_H, basocá ññacorop_H teerora.

¹⁷ 'Y_{HH} peecūmarĩ aperopú wáanetõãrigu Jerusalén_H jeaw_H sūcã. Judíoa bóaneõrãrē niyeru ticog_H jeaw_H. Teero biiri Cõãmacūrē padeogú apeyenó ticog_H jeaw_H. ¹⁸ Y_{HH} teeré tiigú tiirí, sīquērã Asia macãrã judíoa y_{HH}re buajeáwa Cõãmacūwiip_H. Y_{HH}pe too s_Hguerop_H Moisés cosedutírirobirora cosetóaw_H. Y_{HH}re buarí, pa_H basocá maniwã. Acaribíre maniwú. ¹⁹ Cūã y_{HH}re buajeárira m_{HH}pare atiro booa, y_{HH}re wedesãdugaraja, y_{HH}re wedesãre c_Horája. ²⁰ Cūã atiheri, añiã wedearo. Y_{HH} Judíoare Dutirá Peti p_Htop_H nucūrĩ, cūã ñañaré buaríguere wedesãrõ.

²¹ Ate docare y_{HH}re wedesãmasīya. Y_{HH} cūã p_Htop_H niigũ, bayiró busurómena jĩwũ: “Basocá diarira masãrére padeóa y_{HH}. Ate y_{HH} padeoré wapa múã mecūã y_{HH}re ãno queti beseróp_H néeatia”, jĩwũ, jĩiyig_H.

²² Félix mama bueré maquērē aññurõ masĩgú ni-ijĩgũ, cúãrē jĩiyig_H:

—Nocõrõrã t_Hogúda. Lisias surara dutigú jearip_H, múã wedesãre maquērē nemorõ aññurõ sãññágũda, jĩiyig_H.

²³ Teero jĩtoa, cien surara dutigúre jĩirig_H niwĩ:

—Ñanirē aññurõ cotedutiya. Cūū niirõp_H wáanetõ, niijãrõ. Cūū menamacãrã cūūrē tiiápudugari,

cāmotárijãña, jĩrigu niwĩ.

²⁴ Pee burecori wáaripacari, Félix, cãũ numo Drusilamena jeayigu sũcã. Co judíoayo niyigo. Pablöre néeatidutiugu. Jesucristore padeorére wederi, tuoyigu. ²⁵ Pablo wedegu, jĩyigu:

—Cõamacũ marĩ añurõ tiirí booi. Marĩ ñañarére tiidugápacara, tiirijârõ booa. Atibúreco petirí, Cõamacũ wapa tiigúdaqui, jĩyigu.

Félix teero jĩrĩ tuogú, cuijõãyigu. Pablöre wáadutigu jĩyigu:

—Apetó apeyenó tiiré manirĩ, mureẽ atidutiguda sũcã, jĩyigu.

²⁶ Naĩrõ Félix Pablöre atiduti, cããmena wedeseyigu. “Cũũ yure niyeru ticori boomíga, cãũrẽ wionécogudu”, jĩ wãcũmiyigu.

²⁷ Pnacũmá siro Félix dutigú niirére witijãyigu. Cũũ wasoró sããgũ wãmecutiugu Porcio Festo. Félix judíoamena añurõ pũhádugagu, Pablöre toopúra cũũjãyigu.

25

Pablo Festore wederigue

¹ Festo tiiditapu jeayigu, dutigú niiré sããgũ jeagu. Itiábureco siro Cesareapu niĩarigu Jerusalénpu wáayigu. ² Toopú paiaré dutirá, ãpẽã judíoa upatí macãrã Pablöre cãã wedesãriguere wedeyira cãũrẽ sũcã. ³ Cãũrẽ tutuaremena sãiyíra:

—Ûsãrẽ tiiápuya. Pablöre ãno Jerusalénpu néeatidutiya, jĩmiyira.

Cãã cãũrẽ maapu atigúre sããdarere quẽnorã tiimíyira. ⁴ Festo cãũrẽ jĩyigu:

—Pablo Cesarearꝯ cotenoqui. Yꝯꝯ máata pꝯtuawagꝯda toopꝯre. ⁵ Teero tiirá, máã menamacãrã teeré añurõ wedesemasĩrã yꝯꝯmena wáaaro. Cũũ ñañaré tiigú niirĩ, toopá wedesãārõ, jĩiyigꝯ.

⁶ Festo pꝯamóquẽñe bꝯrecori dꝯaró niiyigꝯ toopꝯre. Too síro pꝯtuajõãyigꝯ Cesarearꝯ. Cũũ pꝯtuajeari bꝯreco, aꝯebárecope queti beserĩ basocꝯ duiróꝯ dui, Pablöre néeatidutiyigꝯ. ⁷ Pablo toopá sããjeari, judíoa Jerusalénꝯ atiarira cũũ pꝯtopꝯ neãñucãyira. Pee ñañanetõjõãre cũũrẽ wedesãmiyira. Cúã wedesãrere “diamacãrã niĩã” jĩĩ ãñomasĩriyira. ⁸ Pablo “yꝯꝯ wapa cꝯoríã” jĩĩgũ, wedeyigꝯ:

—Judíoa dutirére netõñucãgũ mee niĩã yꝯꝯ. Cõãmacũwiire ñañoríwꝯ. Romanuã õꝯrẽ netõñucãriwꝯ, jĩiyigꝯ.

⁹ Festope judíoaмена añurõ pꝯtuádꝯgagu, Pablöre sãĩñáyigꝯ:

—¿Jerusalénꝯ wáadꝯgagari? Mꝯꝯ wáari, yꝯꝯ toopá mꝯꝯye maquẽrẽ besegꝯdacu, jĩĩmiyigꝯ.

¹⁰ Pablo cũũrẽ yꝯꝯyigꝯ:

—Yꝯꝯ ãno romanuãrẽ queti beseróꝯ nucũã. ãnopúra yꝯꝯre besero booa. Mꝯꝯ añurõ masĩcu: Yꝯꝯ judíoare ñañarõ tiiríwꝯ. ¹¹ Yꝯꝯ ñañaré tiirígꝯno niigújã, “cũũrẽ sĩãrõ booa” jĩĩrĩ docare, “añurõ diagꝯda” jĩĩjãbocu. Cúã wedesãre diamacũ ni-ihẽrĩã, sĩcũnopera yꝯꝯre judíopꝯre ticomasĩrii. Teero tiigú, romanuã õꝯꝯ yꝯꝯre besearo sáa, jĩiyigꝯ.

¹² Festo cũũrẽ tiĩápuri basocamena wedesetõa, jĩiyigꝯ:

—Muu romanuã õpũpũre beseri booa. Too do-care muu cũũpũre besedutigũ wáagudacu, jĩĩyigũ.

Festo, Agripare Pabloye maquẽrẽ wederigue

¹³ Pee burecori wáaripacari, tiidita õpũ Agripa, Berenicemena Cesareapũ wáyigũ Festore añnudutigũ wáagu. ¹⁴ Cũã toopú peeburecori niirĩ, Festo Agripare wedeyigũ Pabloye maquẽrẽ.

—Félix peresu cũũrigũ sĩcũ niĩ. ¹⁵ Ymu Jerusalénpũ niirĩ, paiaré dutirá, judíoa butoá dutirá cũũrẽ wedesãwã ymũpũre. “Cũũrẽ siãdutiya”, jĩĩmiwã. ¹⁶ Ymu cũãrẽ ymũwũ: “Ësã romanuã teero peti ‘siãjãña’ jĩĩmasĩriga. Sĩcũ wedesãnorigũ, cũũrẽ wedesãirramena queti beserópũ wedesesugero booa. Cũã wedesãrigure ‘wederijããrõ’ jĩĩrĩ, queti besemasĩña maniã”, jĩĩwũ. ¹⁷ Teero tiigú, cũã ãno jeari bureco apebũrecope pearó manirõ ymũ queti beserĩ basoca duirópũ duijĩgũ, cũũrẽ néeatidutiwũ. ¹⁸ “Too nucũrã pee ñañaré cũũrẽ wedesããdacua”, jĩĩ wãcũmiwũ. Maniriro niiwũ. ¹⁹ Cũã padeorẽ maquẽ dícare cũũrẽ wedesãwã. Apeyé, sĩcũ Jesús wãmecutigũ cũũ diarigũ niipacari, Pabloye “catii” jĩĩwĩ. ²⁰ Ymu ateré deero tii masĩhẽgũ, Pabloye sãĩñáwũ: “¿Jerusalénpũ wáadugagari? Muu wári, toopú mũye maquẽrẽ besenoãdacu”, jĩĩmiwũ. ²¹ Cũũpe “romanuã õpũ ymũre besearo” jĩĩwĩ. Teero tiigú, cũũrẽ ãnorã cũũjãdutiwũ sũcã, tée marĩ õpũpũre ticocoripũ, jĩĩyigũ.

²² Agripa Festore jĩĩyigũ:

—Ymũcã cũũ wedeseri tũodugága, jĩĩyigũ.

—Jáũ, ñamigã tũogúdacu, jĩĩyigũ cũũpe.

²³ Apebúreco Agripa, Berenicemena cúã ãñurê òpãrã suti sãñarira niiwã.* Basocá ññacoropu ãñurõ tiiẽñowa, sããwawa neãrí tatiacapu. Surara dutirá, uputí macãrã too macãrã cúãmena sããwawa. Cúã neãpetiri, Festo néeatidutiwi Pablöre. ²⁴ Cúã sããjeari, Festo jĩwĩ:

—Ûsã òpũ Agripa, múã niipetira ùsãmena neãrã tɔoyá. Ñirã niĩ niipetira judíoa wedesãrigu. Jerusalén macãrã, teero biiri ãno macãrã yuupure “sĩarõ booa” jĩ acaribíwa. ²⁵ Cúã teero jĩpacari, ñeenó wapa sããmasĩña maniwá, yuu tagueñarĩ. Cúã basiro “romanuã òpũ yuure besearo” jĩrĩ, “toopúra ticocoguda” jĩwũ cũrẽ. ²⁶ Yuu cũrẽ ticocogu, marĩ òpũrẽ ñeenó jóamasĩriga. Teero tiigú, cũrẽ néeatidutiawũ múã putopu. Muurẽ tiigú, néeatidutiawũ, ùsã òpũ Agripa. Marĩ cúãmena wedeseari siro, cũrẽ wedesãre maquẽrẽ ãñurõ jóabocu. ²⁷ Peresupu niigãrẽ ticocogu, “ate wedesãwã cũrẽ” jĩ jóacoheri, ñañaniã, yuu wãcũrĩ, jĩwĩ.

26

Pablo Agripare wederigue

¹ Agripa Pablöre jĩwĩ:

—Mecütigã yuuya muurẽ cúã wedesãrere, jĩwĩ.

Pablo wedeguda jĩgã, wãmorẽ wẽẽtu, wedewi:

² —Ûsã òpũ Agripa, mecütigã muu yuure wededutiri, ãñurõ useniã. Teero tiigú, judíoa yuure wedesãre niipetirere muurẽ wedeguda.

* **25:23** Lucas atipũ jóarigu Cesareapu niijigã, cúã ãpẽrãména neãjyi Agripare ññagũ. Ññaña Hechos 27.1.

³ Mũũ judíoa niirecutirere, teero biiri ũsã sĩcãrĩbĩro padeohérecãrẽ masĩpetijãgũ niirĩ, bayiró ũseniã. Teero tiigú, yũũre ãñurõ tuocóduiya.

⁴ 'Niipetira judíoa yáa dita macãrã, Jerusalén macãrã yũũ mamũpũra cũãmena niirecutiriguere masĩiya. ⁵ Cũãcã yũũ fariseo basocu niirere yoari masĩiya. Fariseo basocu niijĩgũ, ãpẽrã judíoa nemorõ Moisés dutirere ãñurõ tiipetijãwũ. Cũã mũũrẽ wededũgara, teeré wedemasĩya. ⁶ Cõãmacũ ũsã ñecũsũmuãrẽ cũũ tiíadarere wedeyigu. Yũũ cũũ tiíadarere padeoré wapa judíoa yũũre queti besedutiwa. ⁷ Teeréna yuera tiia ũsã doce põnarĩ macãrã. Teero tiirá, búrecori, ñamirĩ Cõãmacũrẽ padeorucújãã. Yũũcã teeré yuegu tiia. ũsã õpũ, tee yũũ yueré wapara judíoa yũũre wedesãrã tiíiya. ⁸ Múãpe ¿deero tiirá Cõãmacũ basocá diarirapũre masõrere padeoríi?

⁹ 'Yũũja too sũgueropũ Jesús Nazaret macã macũrẽ padeorãre “ñañarõ tiiró boocú yũũre” jĩ wãcũmiwũ. ¹⁰ Jerusalénpũ teero tiimíwũ. Paiaré dutirá cũã dutiriguemena paũ Jesuré padeorãre ñee, peresu tiirucúmiwũ. Cũãrẽ sĩãrĩ, “teerora sĩãrõ booa” jĩrucumiwũ. ¹¹ Pee judíoa neãré wiseripũ wáa, Jesuré padeodúaro jĩĩgũ, ñañaarõ tiirucúmiwũ. Bayiró cũãmena cúagu, tée apeyé ditapũ cũãrẽ ñañaarõ tiinũnũsemiwũ.

¹² 'Teeré tiigú, wáamiwũ Damascopũre paiaré dutirá yũũre dutirépũrĩ jóabosariguemena. ¹³ Maapũ yũũ wáari, coeritó niirĩ, ãmũãsepu mũĩpũ búreco macũ bóero nemorõ bóediatiri iĩnawũ. Yũũ pũto yũũmena wáarira pũtopucãrẽ bóesesajõãwũ. ¹⁴ Teero wáarira, ũsã niipetira

ñaacũmujõãwũ ditapũ. Sícũ yũre hebreoayemena wedeseri t̃owũ: “Saulo, ¿deero tiigú yũre ñañarõ tiinũnũsei? Mũu basirope ñañarõ tiigú tiia, yũre teero tiigú”, jĩwĩ. ¹⁵ “¿Noã niiĩ mũu?” jĩwũ cũũrẽ. “Yũu Jesús mũu ñañarõ tiinũnũsegũra niiã. ¹⁶ Wũmunũcãña. Yũu mũurẽ ‘wedecotearo’ jĩĩgũ, mũurẽ bauáa. Mecũtígã mũu ññarere, yũu mũurẽ too síropũ bauáadarere wedegũ wáagũdacu. ¹⁷ Judíoa, judíoa niihẽrã mũurẽ ñañarõ tiirí, yũu mũurẽ netõnégũdacu. Mũurẽ cũãpũre ticocoa. ¹⁸ Mũu yéere wedegũ, cũã capearire ññapõrĩ tiigú tiiróbiro niigũdacu. Naĩtĩãrõpũ tiiróbiro wáarare bóeropũ wáari tiinũcãgũdacu mũu. Cũã Satanás dutirere duujã, Cõãmacũ dutirẽpere tiiaro jĩĩgũ, mũurẽ ticocoa yũu. Cũã ñañaré tiirere acabóre ñeeãrõ jĩĩgũ, ticocoa. Cũã yũre padeorãmena niiãrõ jĩĩgũ, ticocoa”, jĩwĩ yũre.

¹⁹ Teero tiigú, ãsã õpũ Agripa, ãmũãsepũ dutirigue quẽẽrõpũ tiiróbiro yũu t̃oríguere netõnũcãriwũ. ²⁰ Wedenũcãwũ Damasco macãrãrẽ. Too síro Jerusalén macãrãrẽ, niipetiro Judea dita macãrãrẽ, teero biiri judíoa niihẽrãcãrẽ wedewũ. Cũãrẽ “mũã ñañaré tiirere wãcũpati, wasoyá” jĩwũ. “Cõãmacũrẽ padeonũcãña”, jĩwũ. “Mũã ãñurẽ tiirẽmena mũã wasorere ãñoñá”, jĩwũ. ²¹ Yũu teerẽ wederẽ wapa judíoa Cõãmacũwiipũ yũu niigũrẽ ñee, sĩãdũgãmiwã. ²² Cũã teero tiidũgãpacari, Cõãmacũpe yũre tiiapurucujãĩ. Teero tiigú, yũu atitóre upatĩ macãrãrẽ, ãpẽrã bári niirãcãrẽ Cõãmacũye quetire wedea. Tíatopũ Moisés, ãpẽrã profetas síropũ wáadarere jóarira niiwã.

Cũã jĩrrobirora yuu wedea: ²³ “Cristo Cõamacũ beserigure ñañarõ netõãdaro niirõ tiyiro. Diatoa, cũũrã diariguru masãsguegudaqui. Teero tiigũ, cũũ netõnere maquẽrẽ wedegudaqui judioare, judioa niihẽrãrẽ”,* jĩ jõarira niiwã, jĩ wedewi Pablo.

²⁴ Cũũ teero jĩrĩrã, Festo bayiró wedeseremena jĩwĩ:

—Pablo, muu mecũgũ tia. Muu basiro pee buenetõjĩgũ, mecũgũ tia, jĩwĩ.

²⁵ Pablope jĩyigũ:

—Ësãrẽ dutigũ Festo, yuu mecũgũ mee tia. Yuu wederé diamacũrã niiã. Quioniremena wedea. ²⁶ Marĩ õpũ Agripa tee maquẽrẽ añũrõ masĩqui. Teero tiigũ, cuiro manirõ wedea cũũrẽ. Ate yuu wedeariguere tãopetĩjãjĩyĩ. Yayiõropũ wãariyiro. ²⁷ Muute ãsã õpũ Agripa, ¿muu profetas jõariguere padeói? Yuu masĩã: Mũu padeocũ, jĩwĩ.

²⁸ —¿Nocõrõgã wedepacu, yuure Jesuré padeogũ wãari tiidũgacu! jĩwĩ Agripa Pablore.

²⁹ —Cõamacũ boorĩ, pãerogã o pairó wedepacu, teeré padeogũ wãari tiidũgãga. Mũu, teero biiri niipetira yuure mecũã tãorã yuu tiirõbiri niirĩ boogã. Peresu niiré dícuere mããrẽ boosãriga, jĩwĩ.

³⁰ Agripa, Festo wũmunucãrĩ, Berenice, cũãmena duirãcã wũmunucãwã. ³¹ Witiwa, cãmerĩ wedeseyira:

—Ĩni cũũ tiirẽmena peresu tiimasĩña maniã. Teero tiirã, ¿ñeenó wapa cũũrẽ sĩãbõgari? jĩyira.

³² Agripa Festore jĩyigũ:

* **26:23** Isaías 42.6; 49.6.

—Īni “romanuã õpũ yũũre besearo” jĩĩriatã, cãũrẽ wionécoboajĩyu, jĩĩyigu.

27

Romaru Pablöre ticocorigue

¹ Festo Italiaru ticocomasĩrĩ ñĩagũ, Pablöre, teero biiri ãpẽrã peresu niirãrẽ Julio cien surara dutigãre cotedutiwi. Julio romanuã õpãya põna macãrã surara dutigũ niiwĩ. ² Æsã Adramitio macãwũ dooríwũwũ mũãsãwũ. Tiiwũ Asia dita maquẽ petaripũ wáaadarõ tiiwũ. Sĩcũ Tesalónica macã macũ ñsãmena wáawi. Cũũ wãmecutiwi Aristarco. Cũũya macã Macedonia ditapũ niyiuro.

³ Apebũreco Sidõnpũre jeawũ. Julio Pablöre ãñurõ tiiwĩ; cãũrẽ cũũ menamacãrã niirira pũtopũ ñĩagũ wáadutiwi, cũũ boorẽnorẽ “ticoaro” jĩĩgã. ⁴ Too niĩarira tiiwũmẽna wáawũ sũcã. Wĩno ñsã díamacũpe bayirõ páapuwũ. Teero tiirã, Chipre nũcũrõrẽ díamacũpe netõwãwũ. Toopé wĩno páapubayiriwũ. ⁵ Cilicia, Panfilia dita netõwã, Miraru jeawũ Licia ditapũre.

⁶ Toopũ cien surara dutigũ Italiaru wáaadariwũre buajeárigũ niiwĩ. Alejandría macãwũ niiwũ. Æsãrẽ tiiwũpũ cũũwĩ. ⁷ Wáa, peebũrecori ãñurõgã wáawũ. Bayirõ ñãñarõ netõrẽmena jeawũ Gnido macã díamacũpũre. Wĩno bayirõ páapucãmotawũ mẽna. Teero tiirã, Creta nũcũrõpũre wáa, Salmõnrẽ netõwã, Creta acuniñape sodeawũ. ⁸ Bayirõ ñãñarõ netõrẽmena sicapeta Æñurĩ Peta wãmecutiri petapũ jeawũ. Tiipeta Lasea macã pũto niiwũ.

⁹ Æsã yoari pearẽmena péerogã dusawũ pũuriro, wĩno bayirõ páapũre wáaadari sũguero. Teero tiirõ,

bayiró quiowá, wáari. Teeré masĩgũ, Pablo cúãrẽ wedemiwĩ:

¹⁰ —Marĩ netõwári, quio niiãdacu, yꞑꞑ tũgueñarĩ. Mũã néeware, mũãyawꞑ, marĩ catirécãrẽ tiidióbocu, jĩmiwĩ.

¹¹ Cũũ teero jĩpacari, cien surara dutigú Pablo wedeariguere padeoríwi. Tiiwú waatúgũ, tiiwú dutigúpere padeowí. ¹² Tiipetape púuriro niirĩ, ñañaniyiro. Teero tiirá, paꞑ tiiwú macãrã “Feniceꞑ wáañaãda, púuriro netõãda jĩrã” jĩmiwã. Fenice macã peta Cretapꞑ niiyiro. Tiipeta muĩpũ sãawaro niirí peta niijĩrõ, wĩno bayiró páapuriyiro.

Pairímaꞑ oco wĩnoména pearigue

¹³ Wĩno aperopé péero páapuatiri, “jãꞑ, jeajõãdacu” jĩmiwã. Teero tiirá, tiiwꞑú mũãsã, Creta wesagãꞑ wáamiwũ. ¹⁴ Ũsã péerogã wáari siro, wãcũña manirõ wĩno bayiró tiinucũrõ ꞑꞑtope páapuwꞑ, Nordeste cúã jĩré. ¹⁵ Wĩno ũsãrẽ aperopé néejõãwã. Wĩno atirõpe deero tii ũsã wáamasĩriwꞑ. Teero tiirá, “teerora too wáajõããrõ” jĩ, wĩno noo páapucorope wáajõãwã. ¹⁶ Cauda nucũrõꞑ netõwáwꞑ. Tiinucũrõ apeniñapé wáari, wĩno bayiró jeariwꞑ. Toopú yucusóro cúã siatú wéeriwꞑre bayiró paderémena wéecowꞑ pairíwꞑ wesapꞑ. ¹⁷ Wéemũõcotoa, siatúpeowꞑ. Ũsã wáariwucare watirí jĩrã, cúã pũũgũdꞑpórimena siatúdiyowa. Sirte ditatupari niirõcapꞑ páapucori jĩrã, cui niiwã. Teero tiirá, wĩno ñeeré caserire jõãdíocowa. Cũã jõããri siro, wĩno páapucorope wáawꞑ. ¹⁸ Apebũreco oco pea, páapũ, ocoturí paca niirí iñarã, apeyé cõãdꞑowa. ¹⁹ Itiábũreco wáaromena, cúã basiro tiiwú maquẽrẽ cõãdꞑowa

sũcã. ²⁰ Pee burecori muĩpũ búreco macũ, ñocõã bauríwa. Oco pea, teerora páapujãwã. Teero tiirã, “deero tii marĩ catiricu” jĩĩ wãcũmiwã.

²¹ Yoari yaaheri ññagũ, Pablo cúã decopũ jeanũcã, jĩĩwĩ:

—Yũũ menamacãrã, múã yũũre tuoátã, ãñuniboajĩyu; Cretare witiiriboajĩyu; dooríwũ maquẽrẽ ñañoriboajĩyu; marĩ cõããriguere cõobóajĩyu ména. ²² Marĩrẽ teero wáapacari, wãcũtutuaya. Sĩcũ diaricu. Atiwú díçure tiidióadacu.

²³ Yũũ Cõãmacũrẽ padeogú niiã. Cũũ dutirere tiia. Cũũ ñami yũũ pũtopũ ángelere ticocoarigu niiãwĩ.

²⁴ Ángele yũũre wedeawĩ: “Pablo, cuirijãña. Mũũrẽ romanuã õpũ pũtopũ jearo booa. Mũũrẽ tiigú, Cõãmacũ mũũ menamacãrãrẽ netõñégũdaqui sĩcũ diaro manirõ”, jĩĩwĩ. ²⁵ Teero tiirã, múã wãcũtutuaya. Yũũ Cõãmacũrẽ padeóa. Cũũ yũũre jĩĩãrirobirora wáaadacu. ²⁶ Teero ãñurõ wáapacari, atiwú nacũrõpũ súuñacũmuãdacu, jĩĩwĩ Pablo.

²⁷ Pũã semana ùsã Cretare witiwari siro, pairímaa Adriáticopũ wĩno bayiró páapucoremena wáawũ. Ñami deco tiiwú macãrã paderá “marĩ dita pũtopũ jeara tiitú niiã” jĩĩwã. ²⁸ Cúã ¿nocõrõ ãcũãmiĩ? jĩĩrã, opada cãnotí, duudíoco, queoñáwã. “Treinta y seis metros ãcũãã”, jĩĩ ññawã. Péero wáa, queoñáwã sũcã. “Veintisiete metros ãcũãã”, jĩĩwã sáa. ²⁹ Ëtãpapú ñaapeari jĩĩ, cuiwa. Teero tiirã, bapari cõmepĩrĩ* teeyapupũ siatúredarimena cõãñowã, waatúrope wéeñepasoaro jĩĩrã. “Boyero bóeri boomíga”, jĩĩwã. ³⁰ Tiiwú macãrã paderá dutijõãdũgamiwã. “Ësã cõmepĩrĩrẽ waasugúerope

* **27:29** Pecasãyemena: anclas.

cõãñoãdara tia”, jĩdito, péeriwugãrẽ néediocora tiimíwã díapũ. ³¹ Pablope cien surara dutigúre, suraracãrẽ jĩwĩ:

—Ãniã atiwupáputuáheri, múã sícũ catiricu, jĩwĩ.

³² Teero tiirá, surarape wéeñeredarire páata, tiiwúgãrẽ ñaañorĩ tiiwá.

³³ Bóeadari sũguero, Pablo ùsãrẽ “yaaya” jĩgũ, niipetirare jĩwĩ:

—Pua semana netõã, múã ãñurõ yaaripacara, “¿deero wáadari marĩ?” jĩcoter. ³⁴ Teero tiirá, múã ãñurõ niãda jĩrã, yaaro booa. Mecátigã marĩrẽ ñañarõ wáapacari, múãrẽ merẽã wáaricu, jĩwĩ.

³⁵ Teeré jĩ, pãrẽ née, niipetira ññacoropũ Cõãmacũrẽ ùsenire tico, pãrẽ puaatá, yaanũcãwĩ.

³⁶ Wãcũtutua, cúãcã yaawa. ³⁷ Ùsã niipetira tiiwupá niirã doscientos setenta y seis niiwũ. ³⁸ Cúã yaadũgarere yaaari siro, trigoporire cõãñojãwã, tiiwá nũcũhëriwũ putuáaro jĩrã.

Dooríwũ ditatupari buropũ sũgacũmurigue

³⁹ Bóecũmurĩ, ditare ññarã, “¿Noopá niĩ?” jĩmasĩriwa. Opacoca ditatuparigũ niirõrẽ ññawã.

—Toopá wáaada; ditatuparigũ sũumacũmubocu, jĩwã.

⁴⁰ Teero tiirá, cõmepĩrĩrẽ cõõtërĩjããrõ jĩrã, wéeñeãredarire widetãcodiocowa. Waarípĩrĩ waatũgũ waatũrepĩrĩrẽ jõãdíocowa. Waasũguéro niirĩ caserore wéemũõtucowa, wĩno néewaaro jĩrã. Teero tiirá, tiiwuré ditatuparipũ ticocomiwã.

⁴¹ Wáa, wãcũña manirõ ditatupari buro oco watoa niirĩ buropũ sũgacopeawũ waasũguérope.

Cãmeñariwũ. Waatúrope ocoturí páapusãcori, watijõãwã.

⁴² Teero wáari ññarã, surara jĩwã:

—Jãmũ, marĩ peresu tiirãre sãjãco; cãã báapã dutijõãbocua, jĩwã.

⁴³ Cien surara dutigúpe “Pablöre sãbócuã” jĩgã, cãmotáwi. Báamasĩrãrẽ: —Ñaañuãsugue, ditapũ báapãña, jĩwĩ—. ⁴⁴ ãpẽrã táboapĩrĩmena, tiiwú maquẽ watiãrepĩrĩmena pasapãwaya, jĩwĩ.

Teero tiirã, ditapũ jea, niipetira netõpetijãwã.

28

Malta nũcãrõpũ Pablo tiirígue

¹ Ësã ditapũ jeapetira, tũowú: Tiinũcãrõ Malta wãmecutiwũ. ² Too macãrã basoca ãñurõ tiiwá ãsarẽ. Oco pea, yũsuári ññarã, pecame diobosáwa.

—Sũmarã atiya múã niipetira, jĩwã.

³ Pablo peca seegú wáa, nécati, cũũ wããtĩarĩ, ãña tiidotopũ niiãrigũ asiré cuigũ, witiwi. Pabloya wãmopũ bacañáñumuwĩ. ⁴ Tiinũcãrõ macãrã ãña cũyaya wãmopũre tusari ññarã, cãmerĩ jĩwã: “Ñi basocá sããrigũ niiqui. Cũũ día pairĩmaapũ netõãrigũ niipacu, cũũ ñañarẽ tiiré wapa diagũdaqui”, jĩwã.

⁵ Cũũpe pecamepũ wẽẽbatesoewi ãñarẽ. Pũniriwi cũũrẽ. ⁶ Too macãrãpe wãcũmiyira: “Bipijõããdacu. Bipiriãtã, wãcũña manirõ ñaacũmu, diajõãgũdaqui”, jĩmiyira. Cãã yoari yuemi, cũũrẽ merẽã wáaheri ñña, merẽã wãcũyira sũcã. “Ñi basocú mee niiqui; sãcũ basocá padeogú niigũ niiãti”, jĩwã.

⁷ Too pũtogã tiinũcãrõ macãrã dutigúya dita niiwũ. Cũũ wãmecutiwigũ Publio. Cũũ ãsarẽ bocawi.

Itiábureco ùsã cùũ puto niirĩ, ãñurõ tiiwí. ⁸ Publio pacũ wioré, yoopote diagũ pesawi. Pablo cùũ niirõpũ sããwa, Cõãmacũrẽ sãĩbosá, cùũrẽ ñaapeó, netõnéwĩ. ⁹ Cùũ teero tiirí ññarã, ãpẽrã tiinucũrõ macãrãcã diará atirucuwa. Netõnénowã. ¹⁰ Ûsãrẽ pee apeyenó ticowa. Too síro ùsã wáaadara tiirí, ùsãrẽ dũsarécõrõ ticowa.

Romapũ Pablo jearigue

¹¹ Ññarã muĩpũrã niiwũ ùsã toopũre. Alejandria macã macãwũ té púuriro wáapetiripũ niiwũ tiinucũrõpũre. Tiiwũ êquẽãpũ cúã padeorá Cástor, Pólux queoré cúã páateture tusawũ. Ûsã tiiwupũ muãsã, wájõãwũ. ¹² Wáa, Siracusa macã petapũ jeawũ. Toopũ itiábureco putuáwũ. ¹³ Too macãrã tiinucũrõ wesa wáa, Regio macãpũ jeawũ. Sicabureco siro ùsã sirope wĩno páapuatiwũ. Pũabũreco siro Puteoli macãpũ jeawũ. ¹⁴ Toopũre ãpẽrã Jesuré padeorãre buajeáwũ. Cúã ùsãrẽ: — Síca semana ùsã puto putuáya, jĩwã.

Too putuári siro, maapũ wáa, Romapũ jeawũ sáa. ¹⁵ ãpẽrã Roma macãrã Jesuré padeorã ùsã Romapũ wáare quetire tuotóayira. Teeré tuo, té Foro de Apio macãpũ ùsãrẽ bocara jeawa. ãpẽrãcã Tres Tabernas wãmecutiropũ ùsãrẽ bocawa. Pablo cúãrẽ ññagũ, Cõãmacũrẽ ùsenire tico, wãcũtutuare buanemówĩ. ¹⁶ Ûsã Romapũ jeari, too macãrã dutirá jĩwã:

—Pablo merẽã niidugari, ãñuniãdacu.

Cũũmena surara sícũ cùũrẽ cotegũdũre cũũwĩ.

Romapũ Pablo tiirigue

17 Itiábureco siro Pablo judíoa uputí macãrãrẽ neãdutiwi. Cúã neãtoari, jĩwĩ:

—Yáa wedera, yuu mariya wederare, marĩ ñecūsũmuã tiirécutiriguere netõncãriwu. Netõncãripacari, Jerusalénpu judíoa yuure ñee, romanuãrẽ dutirápũre tico, yuure peresu tiidutiwa. ¹⁸ Romanuãrẽ dutirá yuure sãĩñápeti, sĩarĩ tiiréno wapa buariwa. Wionécodugamiwã. ¹⁹ Judíoaape booríwa. Teero tiigú, yuu “romanuã õpũ yuure queti besearo” jĩwũ. Yuure yáa wederare wedesãre cuoríwu. ²⁰ Teero tiigú, múãrẽ ñña, wedeseguda jĩgũ, boocóawũ. Cõamacũ beserigu marĩ Israelya põna macãrã yoari yuerigũyere yuu wederé wapa atidá cõmedá siatúarigu niã, jĩwĩ.

21 Cúã cãũrẽ jĩwã:

—Ûsã sicapũ Judea macãrã muuye maquẽrẽ cúã jóaripũrẽ ñeeríwu. Teero biiri too macãrã mariya wedera ãnopá jeara, ñañarõ wedeseriwa muurẽ. ²² Ûsã masiã: Niipetiropũre mama buerére “ñañaniã” jĩcua. Ûsã muu padeorére tuodugága, jĩwã.

23 Cúã neãadari burecore wedecũjã, wáajõãwã. Tiibureco niirĩ, paũ basocá cũũ niirí wiipu jeawa. Bóeri wedenucãrigu wedenañiõjõãwĩ. Cõamacũ dutiré basocápũre niiãdare jeariguere wedewi. Moisére dutiré cũuriguemena, profetas jóariguemena wedeyapono, “Jesús Cõamacũ beserigu niirĩ” jĩ padeorí tijãdugagu tiimíwĩ. ²⁴ Siquẽrã Pablo wederére tuorã “niirõrã niã” jĩwã. ãpẽrãpẽ padeoríwa. ²⁵ Cãmerĩ wedesetõa, sãcãrĩbíro wãcũri, wáajõãwã. Cúã wáadari suguerogã, Pablo jĩwĩ:

—Profeta Isaías múã ñecūsũmuãrẽ jóariguere tɔoyá. Diamacú maquẽrẽ Espiritu Santo biiro cũũrẽ jóari tiiríɣu niwĩ:

²⁶ Basocáre wedegɣ wáaya:

“Múã tɔopacára, tɔomasĩriadacu; ññapacara, ññamasĩriadacu”, jĩñña cúãrẽ.

²⁷ Cúãpe añurõ wãcũdɣgaricua;

tɔodɣgaricua;

ññadɣgaricua.

Cúã añurõ tɔo, añurõ ñña, wãcũré wasoátã,

yɣu cúãrẽ netõnéboajĩyɣ,* jĩ wedeya,

jĩ jóaríɣu niwĩ. ²⁸ Teero tiirá, añurõ masĩña múã: Cõãmacũ cũũ basocáre netõnére quetire judíoa ni-ihẽrãrẽ wedenoãdacu. Cúãpe tɔoádacua, jĩwĩ.

²⁹ Cũũ teero jĩãri siro, judíoa cúã basiro bayiró cãmerĩ wedesecco, witiwawa.

³⁰ Pɣacũmá Pablo cúã waso, wapatídutiri wiipɣ niwĩ. Toopú cũũrẽ ññarã jearáre useniremena bocarucuwĩ. ³¹ Cuiro manirõ Cõãmacũ dutiré basocáɣre niãdare jeariguere, teero biiri marĩ Õpũ Jesucristoyere wederucujãwĩ ãpẽrã cãmotáro manirõ.

* **28:27** Isaías 6.9-10.

Cõãmacũ mecũã wedesei New Testament in Tuyuca

copyright © 2011 Wycliffe Bible Translators, Inc.

Language: Tuyuca

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tuyuca

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
a71ca523-cda5-572a-9b0b-61d9ea37d1a8